


*Bibliothèque numérique*

medic@

**Ferrier, Auger. Jugements  
astronomiques sur les nativités,**

*A Lyon,chez Pierre Rigaud, 1625.*

*Cote : 39729 (2)*







A TRES-ILLVSTRE  
& tres-vertueuse Princesse ma  
Dame Catharine Royné de Fran-  
ce, Oger Ferrier Medecin, hum-  
ble Salut.

**S**ACHANT, ma Dame, la vouloir  
que portez aux bonnes lettres, &  
le plaisir que prenez à lire toutes œuvres  
philosophiques, mesmement celle qui ap-  
partiennent aux hautes cognoissances des  
astres, ie me suis enhardy d'escrire &  
vous dedier le present traicté des Iuge-  
mens Astronomiques, estimant que mon  
entreprise assez generale, pourroit par  
vostre faueur & humanité accoustumee,  
pour vertueuse estre receüe. Et cōbien que  
l'argument soit peu digne de vostre ma-  
jesté, toutesfois considerant telles scien-  
ces auoir esté iadis par voz predecesseurs

A 2



en l'excellente troupe des Philosophes de leur temps reconnues, j'ay pensé que pour le moins ie susciterois la memoire de l'honneste entreprise de voz ancestres, en produisant une des vertus par eux longuement obseruee. Il est trop certain que l'Academie par eux erigee n'estoit moindre que celle d'Athenes en excellence & variée de disciplines, & qu'autre n'estoit leur intention, que de perpetuer leurs noms en illustrant l'Italie de toute sorte de sçavoir. En quoy semble que, comme droit d'heritage, à vous soit paruenue une pareille sollicitude d'illustrer le Royaume de France de tresutiles & tresnobles disciplines, comme sont les Mathematiques & autres contemplations naturelles. Lesquelles par la prouidence du Tres-chrestien Roy & par vostre faueur sont maintenues, & si hautement au temps presens esleuees, qu'il semble le siecle tant desiré estre venu, auquel les Princes se doiuent accommoder à la Philosophie. Ce  
que

que grandement excite les bons esprits  
à estudier, & de leurs estudes proufiter à  
la Republique, en escriuant ce que par  
les anciens a esté dissimulé, ou totalement  
ignoré, ou non suffisamment expliqué.  
Desquels suyuant la trace, j'ay entrepris  
soux vostre faueur escrire, & vous pre-  
senter ce sommaire des Iugemens Astro-  
nomiques sur les natiuités, à fin qu'a-  
pres l'histoire des Cieux, & Theo-  
rie des Planettes, les influences tant de-  
sirees viennent deormais en euidence,  
pour cognoistre les biens & les maux qui  
des astres, comme causes naturelles, pro-  
uiennent aux humains. Lequel vous prie  
recevoir pour agreable, ayant esgard à  
la bonne volonté de la personne, qui tou-  
tes ses meditations, estudes & labeurs,  
humblement destine au service de vostre  
majesté.



# DES IJGEMENS ASTRONOMIQUES

SVS LES NATIVITEZ

LIVRE I.

*De la figure celeste d'une natiuite.*

*Chapitre I.*



OVR iuger des horoscopes & natiuitez selon la tradition des anciens & sauans Astrologues, il conuient premierement dresser la figure celeste, & en icelle appliquer les sept Planettes, avec la teste & queue du dragon lunaire, ensemble la partie de fortune, & la partie de l'ame, & au

& autres plus appartenantes aux hautes & notables significations des Astres. Pour dresser doncques facilement la figure celeste, il faut en premier lieu noter l'an le iour, & l'heure avec la plus prochaine minute du temps de la natiuité que vous aurez entreprinse. Ce nombre d'heures & minutes il faut accommoder à la maniere de nombrer des Astrologues, qui en leurs tables content tousiours les heures apres midi tant de iour que de nuict: & ne disent iamais vne heure, deux heures, trois heures, apres minuiet: ains nombrant treize heures, quatorze heures, quinze heures apres midy. Cecy fait, cherchez dans les Ephemerides à la table de l'annee de vostre natiuité, au droit du mois & iour proposé, le degré du signe auquel est alors le Soleil. Entrez en la table des maisôs, qui sert à la latitude de vostre regio,

A 4

& cherchez là ledit degré du Soleil, sous la ligne de la dixiesme maison. Ayant rencontré audit lieu ledit degré du Soleil, vous trouuerez directement à main gauche de ladite table vn nombre d'heures & minutes, lequel escrirez à part. A ce nombre il faut adiouter les heures & minutes qui vous ont esté baillees de ladite natiuité. Et ce que par addition resultera, il faut chercher dedans ladite table des maisons & là où vous trouuerez ledit nombre d'heures & minutes prouenant de ladite addition, vous prendrez à droite ligne les poincts & commencemens des six maisons que trouuerez marquées. Lesquelles vous régerez sur vostre figure, commençant au poinct de la dixiesme, & continuât vers la main gauche. Les commencemens des autres six maisons vous prendrez des opposites signes.

S'il

Si l'adviēt que ce nombres d'heures & minutes passe vingt & quatre heures dudit temps, & le residu chercher comme nous auōs dit. Si l'heure de ladite natiuité est sur le poinct de douze heures de midy, vous prendrez les maisōs à droite signe du degré du Soleil en la table de vostre latitude, sans faire autre addition, ou subtraction. Et ce quant à la figure estimatiue : dedans laquelle est besoing appliquer à tout le moins le mouuement de la Lune exactement calculé selon les vulgaires canons des Ephemerides, pour apres verifier vostre natiuité par l'heure de la conception, ainsi que s'ensuyt.

*De la verifcation de l'heure de la natiuité. Chapitre 11.*

**D**Elaiissant l'Animodat de Ptolomee, & les rencontres de Scho-

A 5

ner, & toutes autres voyes incertaines (combié qu'elles ayent leurs auteurs) de verifier les heures des natiuites, ie fuiuray presentement la methode d'Hermes par lógue experience approuuee, & confirmee par Ptolomee en son Centiloque, & par Abraham Auenefræ, par Alphonse, Leopold, Haly, & autres plus experts Astrologues. Dit Hermes, que l'ascendant d'une natiuité a esté le lieu de la Lune au temps de la conception: & que l'ascendant de la conception est le lieu de la Lune à l'heure de la natiuité. Qui voudra doncques estre à plus pres certifié de l'heure & minute d'une natiuité, & du vray ascendant, il faut qu'il employe la doctrine d'Hermes par la methode ensuyuante. Premièrement qu'il regarde en la figure estimatiue si la Lune est dessus l'horizon: ou dessous. Si elle est dessus l'horizon, contez la distance

stance qui est entre le poinct de la  
 septiesme maison & la Lune: si elle  
 est dessouz l'horizon, contez la di-  
 stance qui est depuis la premiere  
 maison iusques à la Lune. Ceste  
 distance en signes & degrez vous  
 chercherez en la table qui sensuit,  
 souz le tiltre de la Lune dessus l'ho-  
 rizon ou dessouz, comme vrayemēt  
 l'aurez trouuee en ladite figure. A  
 droite ligne de ladite distance vous  
 trouuerez le temps que l'enfant au-  
 ra demeuré dedans le ventre de sa  
 mere, en certain nōbre de iours. Les-  
 quels conterez du iour de vostre  
 natiuité, en reculant: & là ou le nō-  
 bre finira, marquerez le iour de la  
 conception si la Lune se trouue au  
 signe de l'ascendant estimatif. S'il  
 ne se trouue audit lieu, rectifiez ou a-  
 uancez de quelques iours vostre cō-  
 te, iusques à ce qu'ayez trouuē la Lu-  
 ne dedans ledit signe, non loing du  
 degré



degré ascendant en ladite figure. Ce iour considerez en quel heure monte au poinct d'Orient le lieu auquel aurez trouué la Lune en la figure estimatiue, & à ceste heure calculez le mouuement de la Lune. Car ce degré & minute auquel l'aurez trouuee, il vous faut mettre en l'ascendant de vostre natiuité. Et pour scauoir l'heure en laquelle le lieu de la Lune de la natiuité monte au poinct d'Orient au temps de la cōception, prenez premieremēt l'ascension oblique dudit lieu de la Lune, dedās la table des directions de vostre region, au liure de Ieā de Rogiomonte. D'icelle ascension otez en 90. degrez (en y aioustant le cercle entier, qui est de 360. degrez: quand autremēt la subtraction ne se pourroit faire) le residu sera l'ascension droite du haut poinct du cercle meridien. Prenez apres l'ascension droite du Soleil, & otez

ostez la par subtraction de l'ascension droite dudit poinct du meridiē, en y adioustant 360. degrez s'il est necessaire: & tournez ce qui reste en heures & minutes, en donnant à trente degrez deux heures, à quinze degrez vne heure, à vn degré quatre minutes d'heure, à quinze minutes vne minute d'heure, par ceste façon paruiendrez exactement à l'heure de la conception à laquelle calculerez le lieu de la Lune, & iceluy biē calculé mettez au poinct de la premiere maison en la figure de la natiuité. Aucuns pour ceste verification dressent & garnissent des mouuemens des planettes quatre figures. Lune, de l'heure estimatiue de la natiuité: l'autre, de la precedente conjunction ou opposition des luminaires: la tierce, de la verification par l'animodar: la quatriesme, de la conception. Lesquels outre le inutile & super

## 14 IJGEMENS D'ASTROLOGIE

superflu labeur, errent grandement,  
cuydans renger le temps de la con-  
ceptiō par l'animodar de Ptolomee.  
Ce que l'experience de iour en iour  
demonstre estre faux: & n'y a aucun  
auteur ancien, qui se soit aidé, ou  
ait fait mention de ceste nouvelle  
doctrine pleine d'ostentation,  
& de desprouueüe  
verité.

La

La table du temps que l'enfant demeure  
dedans le ventre de sa mere.

La Lune est ſous l'ho- rizon, conſtant depuis l'afceſſant.			La Lune eſt au deſſus l'horizon, c'ſtant de- puis la ſepteſme.		
Sig.	deg.	Jours		Jours	
0	0	273	Moyenne demeure	258	Moindre
0	12	274		259	demeure
0	24	275		260	
1	6	276		261	
1	18	277		262	
2	0	278		263	
2	12	279		264	
2	24	280		265	
3	6	281		266	
3	18	282		267	
4	0	283		268	
4	12	284		269	
4	24	285		270	
5	6	286		271	
5	18	287		272	
5	29	288	Longue demeure	273	

La

16 JVGEMENT D'ASTROLOGIE.  
*La maniere de dresser parfaitement  
 ladite verifiee.*

CHAP. III.

**A**Yant mis au poinct de la premiere maison le degré & minutes de la Lune du temps de la conception, prenez les ascensions obliques desdits degrez & minutes. Otez apres 90. degrez desdites ascensions, en y adioutant 360. degrez, si autrement la subtraction ne se peut faire. Ce qui restera sera les ascensions droittes du haut poinct de cercle meridien. Lesquelles cherchez en la table des ascensions droittes, au liure d'Alphonse, ou de Iean de Regiomote, &c. Et mettez au poinct de la dixiesme maison les degrez & minutes du signe que trouuerez respondre à droit côte desdites ascensions droittes. Le poinct de la quatriesme est tousiours opposite au signe & degre de la dixiesme, semblablement le point de

de la septiesme au poinct de la premiere. Les autres maisons suffira prendre des Ephemerides, pource que ne desirent exacte calculation: veu que la plupart des Astrologues les aiment plus prendre de l'egale partition de l'ecliptique, que de la section horizontale. Pour sçauoir l'heure exacte de ladite figure, verifiez premier lescites ascensions droites du meridian, & ostez d'icelles les ascensions droites du Soleil. Ce que restera tournez en heures & minutes, en donnant à quinze degrez vne heure, à chacun degre quatre minutes d'heures, &c. Comme auons dit parauant. A ceste heure il faut nouvellement calculer le mouuement de la Lune, & du Soleil, & des autres planettes: & sur cesté figure faut fonder les parties, & iugemens Astronomiques.

B

**A** Pres auoir bien réglé les planettes en ladite figure verifiée , il faut considerer là dessus certaines proportions des planettes, & parties du ciel , prinſes de leurs diſtances, ainſi que ſ'enſuit.

*Le parties concernantes les ſignifications de la premiere maiſon.*

La partie de la qualité de la vie, ſe prend de la diſtance de Iupiter à Saturne , contant autant d'eſpace depuis l'ascendant, & ce quand la natiuité eſt de iour: car quād elle eſt nocturne, lon prend au contraire, la diſtance de Saturne iuſques à Iupiter, ſuyuant l'ordre naturel des ſignes, contant ſemblablement autant d'eſpace depuis l'ascendant.

La partie de vie, de iour & de nuit, ſe préd du degré de la precedēte cōiunction ou oppoſition des luminaires

res iusques à la Lune, contant par l'ascendant.

La partie de l'ame (aucuns l'appellent la partie des choses interieures & secrettes, les autres la partie des choses futures, les autres la partie du Soleil) de iour depuis la Lune iusques au Soleil, par l'ascendant: de nuit au contraire.

La partie de l'entendement, de iour depuis Mercure iusques à Mars, par l'ascendant: de nuit au contraire.

*De la seconde maison.*

La partie de fortune, de iour depuis le Soleil iusques à la Lune, par l'ascendant: de nuit au contraire. Ptolomee la prend tant de iour que nuit depuis le Soleil iusques à la Lune.

La partie des biens, tant de iour q de nuit depuis le seigneur de la seconde maison, iusques à ladite seconde maison prise sur l'equalité de



l'ecliptique, par l'ascendant.

*De la tierce.*

La partie des freres, de iour, depuis Saturne iusques à Iupiter, par l'ascendant: de nuit au contraire.

La partie de l'amitié des freres, de iour, depuis le Soleil iusques à Saturne, par l'ascendant: de nuit au contraire. Si Saturne est souz les rayons du Soleil, prenez à son lieu Iupiter.

*De la quatriesme.*

La partie du pere, de iour depuis le Soleil iusques à Saturne, par l'ascendant: de nuit au contraire. Ceste-cy est semblable à celle de l'amitié des freres: d'oc si Saturne est sous les rayons du Soleil, à son lieu faut prendre Iupiter.

La partie des heritages & possessions, de iour & de nuit, depuis Saturne iusques à la Lune, par l'ascendant.

La partie de fortune en cultures & semences, de iour & de nuit, depuis Venus

Venus iufques à Saturne , par l'af-  
cendant.

*De la cinquième.*

La partie des enfans , eft comme  
la partie de la qualité de la vie.

La partie des enfans mâles, de iour  
& de nuit, depuis la Lune iufques à  
Iupiter, par l'afcendant.

La partie des filles, de iour & de  
nuit, depuis la Lune iufques à Ve-  
nus, par l'afcendant.

*De la fixième.*

La partie des maladies inſepara-  
bles, de iour, depuis Saturne iufques  
à Mars, par l'afcendant : de nuit, au  
contraire.

La partie des ſerviteurs, de iour &  
de nuit, depuis Mercure iufques à  
la Lune par l'afcendant.

La partie de priſon & captiuité, de  
iour, depuis le Seigneur du lieu du  
Soleil iufques au Soleil, par l'afcen-  
dant : de nuit, depuis le ſeigneur du

B 3

## 22 IJGEMENS D'ASTROLOGIE

lieu de la Lune iufques à la Lune.

Si le Soleil de iour, ou la Lune de nuit font en leurs propres maifons ou exaltations, ils feront fignificateurs de cefte partie.

*De la feptiefme.*

La partie du mariage des hōmes, de iour & de nuit, depuis le Soleil iufques à Venus, par l'afcendant.

La partie du mariage des femmes, de iour & de nuit, depuis Venus à Saturne, par l'afcendant.

La partie du mariage commune aux hommes & aux femmes, de iour & de nuit, depuis Venus iufques au poinct de la feptiefme maifon, comptant par l'afcendant.

La partie des alliez, de iour & de nuit, depuis Saturne iufques à Venus par l'afcendant.

La partie de difcorde & accord, de iour, depuis Mars à Iupiter, par l'afcendant: de nuit au contraire.

*De*

*De la huitiesme.*

La partie de mort, de iour & de nuict, depuis la Lune iusques au degré de la huitiesme maison prinse sur l'equalité de l'ecliptique, contât du lieu de Saturne.

La partie du planette mortel, de iour, depuis le seigneur de l'ascendât iusques à la Lune, par l'ascendant: de nuict au contraire.

La partie de l'â perilleux de mort, ou de pauureté, ou de quelque autre malheur, de iour & de nuict, depuis Saturne iusques au seigneur de la precedente conionction ou opposition des luminaires, par l'ascendant.

La partie de tous ennuis, de iour, depuis Saturne iusques à Mars : de nuict au contraire, contant du lieu de Mercure.

*De la neuuesme.*

La partie de foy & de religion, de

B 4

jour, depuis la Lune iusques à Mer-  
cure, par l'ascendant: de nuit au  
contraire.

La partie des chemins par terre,  
de iour & de nuit, depuis le sei-  
gneur de la neuuesme iusques à la  
neuuesme prinse sur l'equalité de  
l'ecliptique, par l'ascendant.

La partie des voyages par eaux,  
de iour, depuis Saturne iusques au  
quinzième degré de Cancer, par l'a-  
scendant: de nuit au contraire.

Si Saturne se rencôtre audit quin-  
zième degré de Cancer, il sera signi-  
ficateur de ceste partie avec l'ascen-  
dant.

*De la dixième.*

La partie de noblesse, de iour, de-  
puis le Soleil iusques au 19. degré  
d'Aries, contant par l'ascendant: de  
nuit, depuis la Lune iusques au troi-  
siesme degré de Taurus. Si la Lune  
de nuit est audit degré de Taurus,  
ou le Soleil de iour audit degré d'A-  
ries,

ries, ils seront significateurs de la dite partie.

La partie du regne, de iour, depuis Mars iusques à la Lune, par l'ascendant: de nuit au contraire.

La partie des magistrats, comme la partie de l'entendement descrire sur la premiere maison.

La partie de domination & victoire comme la partie du pere.

La partie de subit auancement, de iour, depuis Saturne iusques à la partie de fortune, par l'ascendant: de nuit au contraire. Si Saturne est bruslé, prenez en son lieu Iupiter.

La partie d'estimation, de iour & nuit, depuis Mercure iusques au Soleil, contant par l'ascendant.

La partie des gouuernemens en faits de guerre, de iour, depuis Mars iusques à Saturne, par l'ascendant de nuit au contraire.

La partie de la profession & actiō,

B 5

de iour & de nuit, depuis Saturne iusques à la Lune, par l'ascendant.

La partie de l'honneur prouenant de la profession, de iour & de nuit, depuis le degré du Soleil iusques au degré de la dixiesme maison, par l'ascendant.

La partie de l'industrie des mains, de iour depuis Mercure à Venus, par l'ascendant: de nuit au contraire.

La partie du fait de marchandise, de iour, depuis la partie de l'ame iusques à la partie de fortune, par l'ascendant: de nuit au contraire.

La partie de felicité & de profit, de iour, depuis la partie de fortune iusques à Iupiter, par l'ascendant: de nuit au contraire.

La partie de la mere, de iour, depuis Venus, iusques à la Lune, par l'ascendant: de nuit au contraire.

*De l'onzieme.*

La partie des amis, de iour & de nuit,

nuiet, depuis Mercure iusques à la Lune, par l'ascendant.

La partie de louange, de iour, depuis Iupiter, iusques à Venus, par l'ascendant: de nuit au contraire.

La partie de compagnies honorables, de iour, depuis la partie de fortune iusques au Soleil, par l'ascendant: de nuit, au contraire.

*De la douzième.*

La partie des ennemis, de iour & de nuit, depuis le seigneur de la douzième maison iusques à ladite douzième, prise sur l'égalité de l'ecliptique, par l'ascendant.

La seconde partie des ennemis, comme la partie des maladies inseparables descrite à la sixième maison.

La partie de peine, travail, & affliction, de iour & de nuit, depuis la partie de l'ame, iusques à la partie de fortune.

*Des*



**A**Yant appliqué les planètes en ladite figure, & ordonné comme nous auons dit au precedent chapitre, les parties prouenant des proportions desdits planètes, il faut consequemment tirer des Ephemerides leurs latitudes, & mettre à part tous les aspects qu'ils fôr entre eux, & enuers lesdites parties, & douze maisons: ensemble les radiations selon le dernier probleme du liure des directions de Iean de Regiomonte. Surquoy faut noter, que les aspects opposites ont tousiours latitudes diuerſes à celles de leurs planètes, combien qu'ils retiennent le meſme nombre. Comme ſi Saturne auoit deux degrez de latitude Septentrionale, ſon opposition auroit deux degrez de latitude Meridionale.

Outre ce est à noter : que l'oppo-  
sition

sition est aspect d'ouerture & parfaite inimitié: le quadrat de moindre inimitié: le trine de parfaite amitié: le sextil d'imparfaite amitié. Ce que toutesfois reçoit exception en Iupiter, & Venus, desquels les opposites & quadrats aspects profitent au Soleil, & à la Lune, avec reception, ou sans réception: & aux autres aussi, avec reception.

*Des fortunes & infortunes des planettes,  
& parties du ciel. Chap. vi.*

**A** Pres cecy il faut considerer les forces, & debilitations des planettes, des parties, & des maisons: & conferant les vnes significatiōs avec les autres, faut colliger les fortunes & infortunes de chacun lieu, ainsi que s'ensuit.

*S'ensuyuent les infortunes.*

Les planettes & autres lieux du  
ciel

ciel sont dits infortunez, quand ils sont bruslez, ou sous les rayons du Soleil. Bruslez sont appellez Saturne & Iupiter, quand entre eux & le Soleil y a moins de douze degres. Mars, quand il n'est eslongné du Soleil à tout le moins de onze degrez & demy. Venus, & Mercure quand ils sont pres au Soleil iusques à onze degrez. La Lune quand elle n'est eslongnee de treize degrez & demy. Encores y trouue-on autres termes, quand on veut prendre vn planette pour donneur des ans. Car alors les trois superieurs sont estimez bruslez tant qu'ils sont prochains du Soleil de quinze degrez, & ce, s'ils sont occidentaux: car quand ils sont orientaux, iusques à dix degrez sont bruslez: depuis les dix iusques à quinze, sous les rayons. Venus & Mercure occidentaux prochains du Soleil de sept degrez, ou orientaux de cinq, sont

font bruslez: des là iusques à douze,  
font souz les rayons. La Lune pro-  
chaine de douze degrez est bruslee:  
des là iusques à quinze, souz les  
rayons. Et faut noter, que lesdits ac-  
cidents ne sont fort pernicleux,  
quand ils sont faits aux signes d'A-  
ries, & du Lyon.

Infortunez sont aussi planettes,  
quand ils sont retrogrades: & quand  
ils sont ioints à Saturne ou à Mars:  
ou quand ils reçoivent mauuais af-  
pects d'eux.

Quand ils sont ioints à quelque  
estaille fixe de violente nature.

Quand sont en leurs detrimens,  
ou cheute: c'est à sçauoir, es lieux op-  
posites à leurs maisons ou exalta-  
tions.

Quand ils sont dedans les maisons  
cadentes.

Quand sont stationnaires premiers.  
C'est à dire, quand sont au degré &  
minute

& minute auquel commence incontinent la retrogradation.

Quand sont au chemin bruslé, qui commence au 19. degré de Libra, & finit au 3. du Scorpion.

Quand ils sont avec la queue du dragon.

Quand ils sont ioints à vn planete retrograde, ou autrement infortuné.

Quand sont peregrins, sans estre receus. Peregrins sont appelez, quand ils n'ont aucune dignité au lieu ou ils sont de la reception nous dirons apres.

Quand sont meridionaux descédās.

Quand aucun des trois superieurs est occidental:ou Venus & Mereure orientaux.

Quand ils sont en mauuais aspect du Soleil.

Quand ne regardent aucun autre planete.

C

Quand sont opposites au seigneur  
du signe auquel ils sont.

Quand sont assiegez, c'est à sça-  
voir entre deux malings planettes:  
combien qu'il y ait trente degrez de  
distance.

Quand sont dedans les maisons ou  
termes des malings.

Quand sont au douzieme signe  
de leurs principales maisons.

Quand sont souz l'horizon de  
iour, ou dessus l'horizon de nuit:  
s'ils sont diurnes: comme Saturne,  
Iupiter, le Soleil.

Quand sont de iour dessus l'hor-  
izon, ou de nuit dessouz: s'ils sont  
nocturnes: comme Mars, Venus,  
Mercure, la Lune.

Quand sont en signes & degrez  
feminins, s'ils sont masculins: ou en  
signes & degrez masculins, s'ils sont  
feminins. Feminins sont Venus, &  
la Lune, Mercure est Androgyn: les  
autres



autres sont masculins.

Quand sont en degrez que l'on nomme Azemenæ , ou degrez pute aux tenebreux, & fumeux. Ce qui est marqué aux Ephemerides à la table des dignitez des planettes.

*Infortunes particulieres à la Lune.*

Quand elle décroist.

Quand elle est dedans la huitiesme maison hors de ses principales dignitez.

Quand elle est dedans la septiesme : & ce quand à la vie. Car quant aux autres significations , elle n'est infortunee dedans la septiesme.

Quand elle est au 29. degre d'un signe.

Quand elle est tardive en son cours. C'est à sçavoir, quand elle chemine en vingt & quatre heures moins de treize degrez & onze minutes.

*Les fortunes des planettes.*

C 2



36 JVGEMENTS D'ASTROLOGIE

Fortunez sont les planettes, & autres lieux du ciel, quand sont aux angles: ou à tout le moins és maisons succedantes.

Quand sont en bon aspect de Iupiter, ou de Venus: ou à tout le moins en mauuais, avec reception.

Quand sont ioints au Soleil dedans seize minutes.

Quand sont en bon aspect du Soleil, ou de la Lune, ou de Mercure fortuné.

Quand sont ioints à quelque estoille fixe d'amiable nature.

Quand sont directes, ou à tout le moins en la seconde station. C'est à sçauoir, quant sont au degré & minute auquel commence incontinent la direction.

Quand sont dedans leurs propres maisons ou exaltations.

Quand sont en leurs triplicitez & termes ensemble, ou triplicité & face

ce

ce ensemble.

Quand sont és maisons, esquelles naturellement ils se resiouissent. Comme Mercure en l'ascendant, la Lune en la troisieme: Venez en la cinquieme: Mars en la sixieme: le Soleil en la neuvieme: Iupiter en l'oziesme: Saturne en la douzieme.

Quand ils sont en aucune de leur dignitez: ou s'ils sont peregrins, quand sont receus. Receus dit-on les planettes, qui reçoivent aspect d'iceluy qui en leur lieu ha à tout le moins quatre dignitez. Laquelle reception est fortunate, quand elle est faite d'un bon aspect. Toutesfois les receptions de Iupiter & de Venus sont tousiours fauorables, combien que ne soyent faites de bons aspects.

Quand ils montent en la partie hautes de leurs cercles.

Quand sont Septentrionaux: prin-

C 2

## 38 JVGEMENTS D'ASTROLOGIE

ciatement ascendants.

Quand aucun des trois superieurs est Oriental : ou Venus & Mercure Occidentaux.

Quand ils commencent à sortir hors des rayons du Soleil.

Quand sont és maisons, ou termes des fauorables planettes.

Quand sont dessus l'horizon de iour, ou dessous l'horizon de nuit: s'ils sont diurnes.

Quand sont dessous l'horizon de iour, ou dessus, de nuit: s'ils sont nocturnes.

Quand sont en signes & degrez masculins, s'ils sont masculins: ou en signes & degrez feminins, s'ils sont feminins.

Quand sont aux degrez fortunez, & degrez clairs, qu'ils appellent lucides.

*Fortunes particulieres à la Lune.*

Quand elle croit.

Quand

Quand elle est dedans la maison  
ou exaltation du Soleil.

Quãd est assez hastiue en son cours.  
C'est à sçauoir, quand elle chemine  
plus de treize degrez & onze minu-  
tes en vingt & quatre heures.

---

*Si l'enfant viura, ou non.*

CHAP. VII.

**T**Out ce dessus considéré, il faut  
premierement regarder si ce-  
luy qui est né, est pour auoir vice en  
ce monde, ou non. Ce que principa-  
lement nous démonstrent le lumi-  
naire du tēps (c'est à sçauoir le Soleil  
de iour, & la Lune de nuict) les sei-  
gneurs de la triplicité d'iceluy, & l'as-  
cendant avec son dominateur. Quãd  
le dominateur de l'ascendant sera  
infortuné par le seigneur de la hui-  
tiesme maison, l'enfant ne pourra vi-

C 4

40 JVGEMENTS D'ASTROLOGIE  
ure, & moins si les seigneurs de la  
triplicité du lumineux temporel  
sont infortunez.

Quand dedans la premiere mai-  
son sera aucune estoille fixe de vio-  
lente nature, au aucune infortune  
(c'est à sçavoir Saturne ou Mars) sans  
y auoir à tout le moins quatre digni-  
tez, & le lumineux temporel sera  
infortuné, l'enfant mourra bié tost si  
là ne se trouue aucune estoille fixe  
d'amiable nature, ou si Iupiter ou  
Venus ou le Soleil ou la Lune ne luy  
communiquent leurs rayons. Car  
ainsi, si l'aspect est d'amitié, ou d'ini-  
mitié avec reception, l'enfant viura.

Si le dominateur de l'ascendant est  
brulé, l'enfant mourra auant neuf  
iours complets: & plustost, s'il est  
brulé dedans la huitiesme maison,  
ou si en cest estat il est ioint au sei-  
gneur de la huitiesme. Excepté quād  
il est brulé en sa propre maison ou  
exal

exaltation, ou dedans la maison ou exaltation du Soleil.

Quand la Lune estant lumineaire temporel sera infortunee dedans la premiere maison, sans aucun aspect des fortunes, & sans conionction d'aucune estoille fixe d'amiable nature, l'espoir de vie ne sera grand.

Quand la Lune sera infortunee dedans la quatriesme maison, & celuy qui l'infortune sera aussi infortuné, & hors de ses principales dignitez, l'enfant ne pourra viure, & la mere sera en grād peril de mort à l'enfant: principalement si l'ascendant est maison, ou exaltation de la Lune.

Quand les infortunes sont coniointes dedans la huitiesme maison, signifiēt fort courtevie: excepté quād Mars & Saturne y sont en Capricorne.

Plusieurs planettes ioints dedans la premiere maison, ne portent bon

C 5

4. JVGEMENTS D'ASTROLOGIE  
tesmoignage de vie, combien qu'ils  
soient tous fortunez.

Quand le dominateur de l'ascen-  
dant, & le lumineux temporel, & les  
seigneurs de leurs triplicitez ne se-  
ront totalement ou tous infortunez,  
l'enfant viura facilement.

*Du donneur de vie, nommé  
des Arabes Hyleg.*

CHAP. VIII.

**L**E donneur de vie se prend des  
principaux lieux de la figure:  
c'est à sçauoir du Soleil, de la Lune,  
de l'ascendant, de la partie de fortu-  
ne, & du degré de la dernière cōion-  
ction ou opposition des lumineux.  
Lesquels ayans bié notez, nous cō-  
sidererons premieremēt si la natiuité  
est diurne, ou nocturne. Car si elle est  
diurne, nous commencerons au So-  
leil.



leil. Lequel dedans la premiere , dixiesme, ou onzieme maisõ, en signe masculin ou feminin , sera idoyne pour donner vie, s'il a aucũ dõneur de temps qui le regarde. S'il est, dedãs la neuuesme , huitiesme, ou septiesme maison, il pourra aussi estre donneur de vie, s'il est en signe masculin , & non en feminin, en autres lieux il ne peut estre dõneur de vie, que par contrainte. Il est tousiours necessaire pour vn tel acte, que le dõneur de tẽps regarde le dõneur de vie: autrement ledit dõneur de vie sera comme vne personne qui a bon vouloir de faire du biẽ à ses amis, & n'a dequoy. Par ainsi quand le Soleil sera sans aspect d'aucun donneur de temps, il le faut laisser là, & venir à la Lune: laquelle peut donner la vie dedãs la premiere maison, en signe masculin , ou feminin : & dedans la dixiesme , onzieme , septiesme,



me, quatriefme, cinquiefme, feconde, & tierce maifon, en fignes feminins, & nō mafculins, receuât aspect d'aucun donneur de temps. Si la Lune n'a toutes cefdites conditions, il faut venir au degré ascendant, fi la natiuité eft conionctionale ( conionctionale eft dite la natiuité, auant laquelle dernièrement les luminaires ont efté conioints ) & fi ledit degré reçoit aspect de fon donneur de temps, il fera donneur de vie autrement non. Parquoy faudra examiner la partie de fortune, laquelle donnera vie és angles, & maifons fuccedantes, avec aspect du donneur de temps, autrement faudra venir au degré auquel dernièrement les luminaires auront efté conioints: Lequel dedans les angles, ou maifons fuccedantes fera donneur de vie, s'il reçoit aspect de fon donneur de téps. Il eft icy neceffaire  
que le

que le donneur de temps ait dignité de maison ou d'exaltation es lieux de la partie de fortune, & dudit degré coniōctional. Par cest ordre faut chercher le dōneur de vie quand la natiuité est conionctionale. Quand elle est preuentionale (preuētionale est dite, auant laquelle dernièrement les luminaires ont esté opposites) apres auoir considéré le Soleil & la Lune, il faut consequemment contempler la partie de fortune, puis le degré ascendant, & finalement le degré de l'oppositiō des luminaires. Et veu qu'il y a deux degrez en l'opposition, l'un celuy du Soleil, l'autre celuy de la Lune : les Astrologues commandent considerer celuy qui au temps de l'opposition aura esté en la premiere maison, ou ailleurs dessus l'horizon.

Quād la natiuité est nocturne, nous suyuons le mesme ordre : excepté  
que

## 46 JVGEMENT D'ASTROLOGIE.

que premierement cōsiderōs la Lune, secondement le Soleil, &c. Ce donneur de vie, quand ou par direction, ou par profec̃tion, ou par autre voye, rencontre aucun mauuais aspect des infortunes, ou les estoilles fixes de violente nature, ou aucune des notables conionc̃tions, ou eclipses des luminaires, il cause alors quelque maladie, & bien souuent ameine la mort, quand les fortunes n'y entremessent leurs fauorables rayons.

*Du donneur des ans, dit des Arabe,*

*Alcoden.*

## CHAP. I E.

**L**E donneur de temps ou dōneur des ans est celuy qui a dignité de maison, exaltation, triplicité, ou terme, au lieu ou est le donneur de vie. Comme si le Soleil estoit en la onziel-

onzième, au signe de Sagittaire (là  
ou il peut estre donneur de vie) &  
Iupiter fust au signe d'Aquarius, il  
regarderoit le Soleil de sextil aspect.  
& veu qu'il a dignité de maison au  
signe du Soleil, il seroit donneur des  
ans. Il est donc necessaire que ces  
deux choses concurrent ensemble,  
à fin qu'un planete soit doneur des  
ans: c'est à sçavoir qu'il ait dignité à  
tout le moins de terme (car la digni-  
té de face n'est assez suffisante pour  
un si grand effect) au signe & degré  
auquel sera le donneur de vie: &  
qu'il regarde ledit donneur de vie  
d'un aspect, ou d'autre. Ce doneur de  
tēps bien logé sur le poinct des an-  
gles, donne ses vieux ans: es poincts  
des maisons succedātes, les moyens:  
es cadātes, les moindres, & d'autant  
plus qu'il sera loing des cōmēcemēs  
desdites maisōs d'autāt pl<sup>us</sup> ou moins  
il faut diminuer du nombre des ans  
vieux,

48. JVGEMENS D'ASTROLOGIE  
vieux, moyens, & moindres, selō la  
différence prinse des prochaines mai-  
sons, avec la difference des ans.

Et premierement, s'il est dedans  
aucun angle du ciel, & non toutes-  
fois au premier poinct, il faut proce-  
der ainsi. Prenez en premier lieu la  
distāce dudit angle & de la prochai-  
ne maison succedāte. Notez apres de  
combien de degrez ledit dōneur des  
ans est esloigné du poinct de l'angle.  
Puis prenez la difference de ses ans  
vieux & moyēs. Ceste difference mul-  
tipliez par le nōbre dudit esloigne-  
mēt: & partirez par la distance dudit  
angle, & de la maison succedāte. Ce  
que restera prenez pour nombre  
exacte des ans de la vie, promis  
par ledit donneur des ans. S'il est de-  
dans aucune maison succedante  
hors des poincts & commencemēs  
d'icelle, vous prédrez premieremēt  
la distance de la maison succedan-  
te &

te & de la prochaine cadante. Puis noterez de cōbié de degrez ledit dōner des ans sera esloigné du poinct de ladite maison succedante. Apres prenez la difference des ans moyens & moindres. Laquelle multipliez par le second nombre, & partirez par le premier. Le residu sera le temps de la vie que promettra ledit donneur des ans. S'il est és maisons cadantes, soit sur le poinct d'icelles, ou apres, il ne donne que ses ans moindres seulement. Excepté quād il est aux cinq degrez prochains des poincts desdits angles: & alors il faut conter ainsi que sensuit. Prenez la difference des ans vieux & moindres du planette qui donne les ans, & la diuisez en cinq parties. Regardez apres en quel desdits cinq degrez sera ledit planette. Car s'il est au premier & plus prochain du poinct de l'angle: cest à dire, s'il est esloigné

D

50 JUGEMENTS D'ASTROLOGIE  
dudit angle d'un degré seulement, alors il conuiet oster de ses vieux ans vne desdites cinq parties : s'il est eslongné de deux degrez, il en faut oster deux parties: s'il est esloigné de trois degrez: il en faut soustraire trois parties, &c. Il faut noter que la Lune dedans la huitiesme ne donne que ses ans moindres: & que le Soleil dedans la neuuesme, & Iupiter en l'onzieme, & Venus en la cinquiesme, & Venus en la cinquiesme, & Mercure par tout l'ascendant, & la Lune en la troisieme donnent leurs vieux ans si parfaitement comme s'ils estoient sur les poincts des angles. Car ce sont les lieux ausquels principalement ils se resiouissent. Iupiter, Venus & Mercure, dedans la neuuesme donnent leurs ans moyens: & la Lune en l'onzieme donne ses vieux. Mars en la sixiesme, & Saturne en la douzieme leurs moyes, pource que esdits lieux grande-



mēt ils se delectēt. Parquoy s'ils n'estoyēt malings, ils dōneroyēt la leurs ans vieux. Sur ce propos cōuiēt aussi noter, qu'un planette brulé ne peut estre dōneur des ans: & la Lune opprimee des rayōs du Soleil ne peut dōner vie, ne temps. Si un planette qui autrement pouuoit estre dōneur des ans est brulé en sa propre maisō ou exaltatiō, receuāt illec le Soleil, fait que le Soleil prend la charge de dōner les ans. S'il aduiēt que le Soleil ou la Lune soyent en leurs propres maisōs ou exaltations, ils pourrōt estre dōneurs de vie, & donneurs de tēps ensemble, sans qu'il faille desirer aspect d'autre planette. Si un lieu significateur de vie a plusieurs donneurs des ans, no<sup>s</sup> prédrōs celuy qui aura pl<sup>s</sup> de dignitez audit lieu: & s'ils sōt egaux en dignitez nous prédrōs celuy qui aura sō aspect plus entier, & ses rayōs plus prochains dudit dō-



**§ 2 JVGEMENTS D'ASTROLOGIE**  
 neur de vie. S'ils se trouuent deux, ou  
 trois, ou plusieurs donneurs de vie,  
 qui ayent leurs donneurs des ans, il  
 les faut tous confiderer, & diriger  
 comme le premier & principal. Sen-  
 fuyuent les ans des planettes.

*Ans vieux. Ans moyens. Ans  
 moindres De.*

57	43	30 Saturne ♄
79	45	12 Iupiter ♃
66	40	15 Mars ♂
120	69	19 Soleil ☉
82	45	8 Venus ♀
76	48	20 Mercure ☿
108	66	25 la Lune ☾

*De ceux qui augmentent & diminuent  
 le nombre desdits ans.*

CHAP. X.

**C**Eux qui augmentent le nôbre  
 desdits ans, sôt Iupiter, Venus,  
 le

le Soleil, la Lune, & Mercure fortifié. Lesquels fortunez, regardans le donneur des ans d'aspect d'amitié, adioustent leurs moindres années. C'est à sçauoir le Soleil dix & neuf. Venus huit, la Lune vingt & cinq, &c. Semblablement si le donneur de temps est ioint avec aucune estoille fixe d'amiable nature, il prend de ladite estoille le nombre des ans moindres du planette, duquel ladite estoille tient sa nature. Si lesdits planettes regardent le donneur de temps de mauuais aspect avec reception, ils adioustent comme parauant: ce que ne font quand ny a reception. Excepté Iupiter & Venus: qui de toute sorte d'aspects avec reception, ou sans receptio, toujours adioustent leurs moindres ans: prouueu que le donneur de temps ne soit Saturne ou Mars Enuers lesquels la reception est necessaire, si l'aspect est d'inimi-

54 JVGEMENS D'ASTROLOGIE  
tié. Lefdits planettes mal colloquez  
& infortunez, au lieu des moindres  
entiers, en adioustent la moitié, ou la  
tierce, ou quatre partie, ou certain  
nombre de mois, de sepmaines, ou  
de iours, selon la grandeur ou peti-  
tesse de leur infelicité. Les amiables  
aspects des infortunez avec recep-  
tion, dōnent leurs ans moindres sans  
reception ne font bien ny mal. Si le  
donneur des ans est Retrograde, ou  
Meridional descendāt, ou en sacheu-  
te, ou detrimēt, ou au chemin brulé,  
cela luy oste la cinquiesme partie de  
ce qu'il eust dōné estāt autremēt dis-  
posé. Ce que aduient aussi aux trois  
superieurs planettes, quand sōt occi-  
dentaux: & à la Lune, quand elle de-  
croit, & quand elle est au vingt &  
neufiesme degré d'un signe, & quād  
est tardiue en son cours. Le Soleil re-  
gardant la Lune, d'aspect d'inimitié,  
sans reception, diminue. Saturne,  
Mars,

Mars, ou Mercure de praué, regardas  
de maling aspect le donneur des ans,  
ostét le nóbres de leurs moindres an-  
nees: excepté s'ils le reçoient. Car  
alors par opposition ne font que la  
moitié du mal: par quadrat aspect, ne  
diminuent que la quatriesme partie.  
La queue du dragon oste de la Lu-  
ne douze ans. J'ay trouué souuent  
par experience, que les fortunes (cest  
à sçauoir Iupiter & Venus) ou le So-  
leil & la Lune, & Mercure, fortunez  
en la premiere maison, ou tout au  
pres du donneur de vie, adioustoyent  
leurs ans moindres, combien qu'ils  
ne regardassent le donneur de téps:  
& au contraire, que les infortunez  
esdits lieux ostoyent les ans moi-  
ndres, sans regarder ledit donneur de  
temps. Excepté quand ils estoient  
bien dignifiez esdits lieux, ou quand  
ils estoient seigneurs des nauitez.

*Du seigneur de la natiuité.*

## CHAP. XI.

**I**L faut prendre le seigneur de la natiuité des lieux desquels auons tiré le donneur de vie: c'est à sçauoir du lieu du Soleil, & de la Lune, du degré de la precedente conionction, ou opposition des luminaires. Sur tous ces lieux ensemble faut considerer quel planete a plus de dignitez. Car celuy sera le seigneur de la natiuité, qui avec le donneur des ans signifiera le temps de nostre vie, selon sa situation & felicité, ou infelicité, comme parauant auons dit du donneur des ans. Et si l'un en donne plus que l'autre, il faut prendre la difference des deux, & la moitié adiouster ou diminuer selon que sera necessaire.

*De*

## CHAP. XII.

P Our cognoistre la felicité ou infelicité de l'esprit, & la nature de l'ame, il faut regarder au lieu de Mercure, & de la Lune. La planette qui en ces deux lieux aura plus de dignitez, sera significateur de l'ame. Lequel si c'est Saturne bien disposé, signifiera l'homme d'un grand & profond sçavoir, de bon conseil, de bõne gravité, de forte opiniõ, caut, secret, solitaire, dissimulant son bien & son mal, amateur de gens iustes & de bõs vieillards, resuât sur les thresors, heritages, & labourages, tenant propos d'antiquitez, & de grands affaires, admirateur d'edifices, ores quelque peu ioyeux, incontinent triste, aucunesfois riant ou murmurât à par soy tout seul, vn peu paresseux, vn peu enuieux, & ne tenât tousiours sa pro-

D 5

58 JVGEMENS D'ASTROLOGIE  
 messe. S'il est infortuné, il denotera  
 vn enuieux, triste, solitaire, craintif,  
 melancolique, pusillanime, oisif, res-  
 ueur, ialoux, fascheux, maling, blas-  
 phemateur, menteur, trompeur, vsu-  
 rier, opiniastre, reiettant le conseil  
 des autres, craignant que tout le mô-  
 de le vueille deceuoir, inciuil, vilain,  
 souïllart, deshoneste, fuyant les hô-  
 mes sinon pour les tromper, & enti-  
 rer quelque profit, n'ayât autre amy  
 que son vilain gaing, vsant aucunes-  
 fois de forcelerie. Iupiter significa-  
 teur de l'ame, bien disposé, signifie  
 l'homme doux, courtois, honneste,  
 gtacieux, amiable, feal, pitoyable, li-  
 beral, de bonne rencontre, de bon  
 cœur & bon amour, suiuant nobles-  
 se & toute honnesteté, aimant Dieu,  
 abondant en amis, songeât tousiours  
 à quelque chose de vertu, & se ren-  
 dant aucunes fois solitaire pour pen-  
 ser à quelque bonté : vsant en tout  
 & par



& par tous ses affaires d'une grand' equité, prudence, & modestie, ayant grand courage de parvenir. S'il est infortuné de soy-mesme, & non de rencontre d'autres estoilles, au lieu de bon amour, il donnera quelque sotie: au lieu d'honnesteté, superbe: au lieu de liberalité, prodigalité: au lieu de bien aimer Dieu, le rendra hypocrite: feignant sçavoir noblesse, fera qu'il méprisera tout le monde: au lieu de honnestement parvenir, le fera songer à tyrannie. Si ledit Jupiter est infortuné des autres planettes, & non de soy, il prendra leurs vices, & les couvrira de dites vertus, en sorte d'un mauvais hypocrite. Si Mars bien fortuné est ledit significateur, il fera l'homme de haut courage, hardi, iracunde, furieux, hazardeux, conducteur de guerres, & des premiers en besogne, & totalement en faits & cogitations  
adonné



60 JVGEMENS D'ASTROLOGIE

adonné aux armes, fort roide & puissant, se confiant trop de sa puissance, ne craignant aucun peril, & en tous ces actes heureux. S'il est infortuné, il fait l'homme temeraire, larron, menteur, blasphémateur, mutin, cruel, meurtrier, estourdi, superbe, arrogant, insupportable, dissipateur de ses biens propres & des biens d'autrui, usant de force & violence contre ses parens, & contre tout le monde, homme diabolique, sans honte, sans conseil, sans vertu, sans loy, sans aucune crainte ou reuerence de Dieu, furieux, seditieux, adonné & prompt à toute malice. Si le Soleil est significateur en sa bonne disposition, il fait l'homme meur, sage, prudent, de bon conseil, amateur de noblesse, suyuant gloire & honneur, adonné à iustice, & à gouuernemens de villes & citez, aimant la chasse, magnifique, & de grande ostentation. S'il est infortuné,

fortuné, il excite vne grande superbe, vne excessiue ambition & Tyrannie, & fait nourrir la pance. Si Venus signifie la qualité de l'ame, en bonne disposition, fera l'homme plaissant, ioyeux, dançant, riât, pacifique, amiable, gracieux, de bonne conuersation, amoureux, & vn peu ialoux: Infortunee, le fera ridicule, & par trop facetieux, de facheux maintien, vsât de paroles deshonestes, adonné à volupté, & ialoux de ce que ne luy touche rien. Si c'est Mercure fortuné, il donnera bon entendement, bonne memoire, grande apprehension, grande subtilité d'esprit, bon discours de raison, affluence de sçauoir, ample cognoissance des mathematiques, & des secrets de nature, fera l'homme poëte, orateur, bien disant, bien escriuant, & grand trafiqueur. S'il est mal disposé, il le fait outre-uidé, de petit sçauoir, avec grande

esti

estimation de sa personne, inconstât, menteur, moqueur, trompeur ordinaire, fin affiné, fâtaftique & vitieux. Si c'est la Lune bié fortunée, elle fera celui qui est né, pacifique, modeste, de bō cœur, de bonne volonté, & facile à induire à tout ce que l'on voudra : Infortunée, denote inconstance, legereté d'esprit, pusillanimité, prodigalité, fatuité. Si lesdits significateurs ne sont gueres fortunez ou infortunez, il conuient rabaisser lesdites significations bonnes & vicieuses, selon la qualité de leurs bōnes ou mauuaises dispositions. Si aucun planette est participant en la signification des mœurs, ou s'il a grāde communication d'aspect avec le principal significateur, alors considerans les vices & vertus de cestuy-cy (selon sa bonne ou mauuaise dispositiō) nous les ioindrons à ce que dōne le principal. Comme si Saturne  
bien

bien disposé est principal significateur, & Mars infortuné est participant, ou regarde Saturne d'un entier aspect avec reception, alors il convient meller quelque peu de la nature de Mars infortuné, avec les significations de Saturne fortuné. Les Astrologues aduertissent, que si le seigneur de l'ascendant est bien colloqué, & ledit significateur des mœurs mal disposé, qu'il se faut plus renger sur ce que le seigneur de l'ascendant signifie, que sur ce que ledit significateur promet. Outre ce, ils considèrent particulièrement le lieu de Mercure, & de la Lune, & les aspects qu'ils reçoivent. Si Mercure est en l'ascendant, il fait l'homme ingenieux, de grād & profond sçavoir, grād Philosophe, mathématicien, orateur, poète, diuineur : principalement quand il est en lieu auquel Saturne a pour le moins quatre dignitez : ou quand

64 JVGEMENS D'ASTROLOGIE  
quand il reçoit aspect de Saturne.  
Mercure en la douzième, receuant  
aspect de la Lune, a de bien pres si  
grand force pour donner engin &  
sçauoir, comme s'il estoit en la pre-  
miere. Et ou que Mercure soit, s'il re-  
garde la Lune, & tous deux, ou l'un  
ou l'autre regardant l'ascendant, ou  
le seigneur de l'ascendant, cest signe  
de bon & subtil esprit. Et si Saturne,  
Iupiter, Mars, ou autres planettes luy  
communiquent leurs fauorables ra-  
yons, ils y meslent leurs bonnes ver-  
tus : s'ils regardent de mauuais af-  
pect, ils y entremeslent leurs vices.  
Excepté Iupiter & Venus, qui de  
mauuais aspect ne nuysent iamais,  
& moins quand il y a reception. Si  
le Soleil est lumineux temporel, il  
peut signifier la qualité de l'ame a-  
uec la Lune & Mercure, en la forme  
dessusdite. Si Mercure est occidental  
dedans la maison ou exaltation du  
Soleil

Soleil, ayans aspect de la Lune , ou de l'ascendant , ou de son seigneur, cest le souuerain signe des bons & hauts esprits, de gés de tout sçauoir, adonnez à grandes entreprises & vertus. poètes, orateurs, mathématiciens, Jurisconsultes, administrateurs de Republiques, gouuerneurs de Royaumes, principalement quand il est fortuné en quelque angle du ciel. Mercure dedans la septiesme maison fortuné donne bon entendement & iugement meur, fait l'homme caut, speculatif & de bon conseil, avec grande ruse à gouuerner les affaires. Mercure en la neufiesme ou tierce maison donne science & contemplation. La partie de l'entendement & de l'ame, avec leurs seigneurs fortunez signifient bon esprit & bonnes mœurs. Mercure au signe de Pisces n'aime aucunement les lettres. Le contraire ad-

— E



uient quand il est au signe de Virgo  
& de Gemini, par tous les lieux de la  
figure du ciel. Saturne dedans les  
maisons de Mercure, est toujours  
cōtemplatif: Mars vn peu trompeur.  
Mercure dedans les maisons de Sa-  
turne fortuné, est toujours studieux:  
dedans celles de Mars, est plein de  
paroles facheuses, & souuent faulces.

Quand les luminaires & les signi-  
ficateurs des mœurs seront des in-  
fortunes opprimez, l'enfant sera de  
fort estrange & peruerse nature. La  
Lune opposite au Soleil fait haïr  
toute sorte de gens. Si le Soleil & la  
Lune, avec l'ascendāt & sō seigneur,  
sont tous en signes feminins, les  
mœurs d'iceluy serōt feminins, & se-  
ra homme de petit cœur. S'ils sont  
en signes masculins en la natiuité  
d'vne femme ses actes serōt viriles,  
& sera femme de grande entreprin-  
se. Si Venus est au signe du Lyon, ou  
souz

fouz les rayons du Soleil, ou en con-  
ionction, ou autre aspect de Mars, el-  
le fait que l'homme sera prompte-  
mēt frappé d'amour. Et si en tel estat  
elle est dedans la premiere ou dixief-  
me maison, sans aucun aspect de Ju-  
piter, il sera voluptueux sans en a-  
voir honte, & pis quand elle sera au  
signe du Scorpion. L'aspect de Jupi-  
ter enuers Venus donne toujours  
chasteté, & amour de vertu.

*Des richesses & pauvreté.*

CHAP. XIII.

**P**Our les richesses, & pauvreté il  
conuient premierement regar-  
der à la secōde maison. Car si elle &  
son seigneur sont fortunez, nous di-  
rōs que l'ēfant fera riche: & s'ils sont  
infortunez, qu'il sera pauvre de ce co-  
sté. Puis apres il faut cōsiderer la par-  
tie de fortune. Laquelle avec sō sei-



68 JVGEMENTS D'ASTROLOGIE  
gneur bien disposee promet beau-  
coup de biens , sans autre tesmoi-  
gnage. S'ils sont mal disposez, il faut  
venir à la partie des biens , laquelle  
avec s<sup>o</sup> seigneur fortunee enrichist:  
infortunee, ne donne rien. Sembla-  
blemēt faut iuger de la partie de fe-  
licité, & de son seigneur. Et quelle  
chose que les autres lieux signifient,  
il faut tousiours auoir recours au na-  
turel significateur des richesses, qui  
est Iupiter. Lequel bien colloqué &  
fortuné donne des biens à foison,  
principalement s'il est seigneur de  
la natiuité, ou seigneur de l'heure,  
ou de l'ascendant, ou de la seconde  
maison, ou de la partie de fortune,  
ou de la partie des biés, ou de la par-  
tie de felicité, ou du luminaire tem-  
porel, ou de la dixiesme maison: au-  
trement, il ne donne rien. Quand les  
suddits significateurs seront infor-  
tunez, l'enfant ne pourra estre riche:  
fi la

si la dixiesme maison (de laquelle di-  
rons apres) ne luy promet quelque  
bon rencontre. Lon trouue aussi sou-  
uent par experience, que quand vn  
planette est dedans la maison ou e-  
xaltation, ou en sa ioye sans estre in-  
fortuné, ou ailleurs enuironné des  
fortunes ou de leurs rayons, qu'il  
donne des biens, combien que au-  
trement il ne soit significateur de ri-  
chesses. Si en la quatriesme maison  
est son seigneur, ou autre planette  
fortuné, il promet heritages. Si aucu-  
ne estoille fixe de la premiere ou se-  
conde grandeur est iointe au lumi-  
naire téporel, ou au degré ascendant,  
ou aux poincts des autres angles, ou  
aux planettes esdits lieux collo-  
quez, elle esleue l'homme de bas e-  
stat en grandissime autorité &  
honneur: & s'il est de race de princes,  
le fera puissant seigneur & Roy.  
Quād vn mesmes planette sera sei-

E 3

70 JVGEMENTS D'ASTROLOGIE  
 gneur de l'ascendant , & de la se-  
 conde maison , l'enfant sera cupide  
 d'argent, & auare, ce que aduiét quād  
 Capricorne est ascendant. Quand le  
 seigneur de la seconde maison sera  
 dedans la première , le bien viendra  
 sans labeur. Semblablement quand  
 le seigneur de la seconde donera vi-  
 gueur au seigneur de l'ascédāt. Quād  
 le seigneur de l'ascendant sera en la  
 seconde, le bien n'aduiēdra sans tra-  
 uailer: ny quand le seigneur de l'as-  
 cendant donera vigueur au seigneur  
 de la seconde. Saturne, Mars, Mercu-  
 re de prauē, le Soleil, & la queue du  
 dragon Lunaire , dedans la seconde,  
 destruisent l'homme, & luy dissipēt  
 son bien. Excepté quand ils y ont  
 pour le moins quatre dignitez : ou  
 quand ils y sont receuz. Quand le  
 seigneur de l'ascendant regardera  
 de mauuais aspect la seconde maisō,  
 ou la partie des biens & de fortune, ou  
 leurs

leurs seigneurs, l'enfant de son propre vouloir dissipera son bien. Si le seigneur de l'ascendât est infortuné dedans la seconde maison, l'enfant sera trop l'arge donneur & prodigue. Si aucune infortune, n'ayant domination sur l'ascendant, est en la seconde, l'enfant sera destruit par autres qui luy emporteront son bien à pieces, & le desroberont. Quand lesdits significateurs des biens seront infortunez, l'enfant sera toute sa vie en peines & traux, sans rien auancer ou proufiter. Dit Abraham Auencste, que si le seigneur de la seconde est brullé, & Iupiter mal disposé, que l'enfant sera tousiours pauvre. Et dit Hermes, Quand le seigneur de la profession, duquel dirons au 27. chapitre, sera brullé, ou retrograde, ou en la sixiesme ou douzieme maison, & aucun planete ne regardera la Lane, l'enfant cherche-

72 IJGEMENS D'ASTROLOGIE  
 ra sa vie de porte en porte cōme vn  
 coquin. Iupiter, Venus, & la teste du  
 dragon on la seconde tousiours enri-  
 chissēt. Venus en la cinquieme pro-  
 met quelque bien. Le Soleil dedans  
 la neuuesme fortune donne benefi-  
 ces, ou autres biens du costé de gens  
 d'Eglise. Mars en la sixiesme biē dis-  
 posé, donne du bien ou de nourritu-  
 re de bestial, ou de l'exercice de Me-  
 decine. Le Soleil au signe du Lyō, ne  
 permet iamais l'enfant estre pauvre.

*Duquel endroit viendront les richesses  
 & pauuretez.*

#### CHAP. XIV.

**A**Yans noté les lieux qui promet-  
 tent & deuient richesse, en re-  
 gardant la situation desdits significa-  
 teurs, nous scaurons par quel mo-  
 yen doit venir le bien & le mal. Car  
 si le significateur est en la premiere  
 mai

maison receu & fortuné, facilement  
il enrichist le personnage de son in-  
dustrie & propre labeur: & si audit  
lieu il est infortuné, il faut que l'in-  
dustrie & labeur ne luy proufiterôt  
rien, & que plustost de là en viendra  
perte & dōmage. S'il est en la secon-  
de bien disposé, il proufite de com-  
muniquer avec marchāds, & prester  
marchādise & argēt, & de les faire  
valoir. S'il est illec mal disposé, de  
dits negoces apporte grād dōmage.  
S'il est dedās la tierce maison. infor-  
tuné, il ameine les richesses du co-  
sté des freres & des sœurs, des cou-  
fins & alliez: ou du costé des gens  
d'Eglise en prenant charge de leurs  
affaires: ou de traffiquer ça & là alē.  
tour de son pays. S'il est en la qua-  
triefme biē logé, il enrichit d'heri-  
tages, & biēs de nōs peres & prede-  
cesseurs, de labourages & cultiuatiō  
de terres, d'edifices, & aucunesfoi

E s

74 IJGEMENS D'ASTROLOGIE  
de rencontre de threfors. S'il est de-  
dans la cinquiesme, il proufite pour  
estre bon danceur, bon ioueur, pour  
estre braue, gratieux, plaissant & de-  
lectable, & aucunesfois pour estre  
voluptueux, bié souuēt à cause de cō-  
peres & de commeres, & de ses pro-  
pres enfans: où à cause de donatiōs,  
où pour voyager & faire quelque  
ambassade. Ceux qui vendēt choses  
appartenantes à braueté & volupté,  
& apprestent friandises, odeurs, &  
parfums, de ceste maison tirent bié  
souuent leur proufit. Si ledit signifi-  
cateur est en la sixiesme bié collo-  
qué, il fera son proufit de nourrir &  
marchander brebis, moutons, & au-  
tre menu bestail, ou deuiendra riche  
par la diligence & fidelité de ses ser-  
uiteurs, ou gaignera de l'exercice de  
medecine. Les Geoliers, & autres  
qui ont charge des prisons, tirēt au-  
cunesfois leur proufit de ceste mai-  
son.



son. Si le significateur est en la septiesme fortuné, il promet grand bié du costé des femmes, par mariages, ou semblables accords, & aucunes fois pour auoir plaidé & gagné son proces, ou auoir esté en guerre & pillé les ennemis. S'il est en la huitiesme bié disposé, il dōne grād doüaire, & grās biés à cause des femmes, & souuēt heritages, ausquels il n'aura grādemēt pensé. S'il est en la neuuesme fortuné, il enrichist de biens d'Eglise: ou de traffiquer en pays estrāges, & peregriner. S'il est bien en la dixiesme, il ameine l'vtilité du costé des seigneurs, Princes & Roys, & les fait gouuerneurs de villes ou officiers hōnorables: ou de leur propre vacation & professiō enrichit. S'il est dedās la onzieme en bonne disposition, il proufite à cause des amis, & par faueur de gens d'authorité. S'il est en la douzieme fortuné,

il

il donne gaing de nourrir & marchander cheuaux, iuments, bœufs, vache, chameaux, & autres grans animaux: ou d'auoir charge de prisonniers: ou de persécution des ennemis avec profitable victoire à la fin. Comme souuent aduient à aucuns, qui accusans d'autres, & ne pouuans prouuer les crimes intentez, sont condamnés à vne bonne amende enuers la partie, de laquelle apres toute persécution ladite partie se trouue bien. Saturne de soy enrichit par heritages, labourages, nourriture de tout bestail, & de traffiquer avecq' gens anciens, ou avec paysans, mariniers, & autres gens viles, en bleds, vins, huiles, poissons, pastel, poix, alums, cuirs, tuilles, pierres, plastre, croye, chaux, & sēblables marchandises. Iupiter par offices, benefices, & negoces de gēs d'Eglise, & tous gaings qui se font sans fraude: excepté quand il est

il est infortuné. Car alors souz ombre de vertu il fait cauteleusement ses affaires. Mais par guerres, proces ou larrecins: ou par occision & vente de bestail: ou s'il est en aspect de Venus, par medecine. Le Soleil par honorables offices, dignitez, & seigneuries, par grand credit, par charges de leuer & garder les deniers des Princes & republicques. Ven<sup>o</sup> par Musique, plaissante, grace, & beauté, par braueté, par ieux, & aucunesfois par volupté, & souuent pour seruir quelque grand' dame. Mercure pour bien parler, bien escrire, & estre bien sçauant, pour estre Secretaire, Greffier, Poëte, Orateur & bon Aduocat: pour estre Geometrien, Arithmeticien, Astrologue, & bon trafiqueur. La Lune pour voyager, nauiger peregriner, & traffiquer en longs pays: pour auoir charge des menus affaires de la police. Si lesdits significateurs

78 IJGEMENS D'ASTROLOGIE  
 leurs font infortunez, des mesmes  
 endroits ils apporteront les dommages  
 & interets. Et s'ils font dedans les  
 maisons de Saturne, Iupiter, ou au-  
 tre planete, nous iugerons le proufit  
 & interet selon la nature de Satur-  
 ne, Iupiter, & autres planettes, qui  
 seront seigneurs desdits lieux.

*Du temps que les richesses & dommages  
 aduendront.*

CHAP. XV.

**L**es dites richesses aduendront,  
 quand les significateurs des biens  
 se rencontreront par direction en  
 corps ou en aspects d'amitie. Come  
 si Venus en quelque natiuite pro-  
 met des biens: ils aduendront quand  
 Venus par directio touchera le lieu  
 de Iupiter, ou le degre de la seconde  
 maison, ou la partie de fortune, ou  
 leurs bons aspects. Semblablement  
 faut

BIU Santé  
LIBRE L. 79  
faut iuger du dommage des biens.  
Car quand vn significateur de dom-  
mages & interets rencontre par di-  
rection vn significateur des biés, ou  
ses aspects d'inimitié, alors certaine-  
ment vient ladite perte & domma-  
ge. Cōme quād Saturne ou Mars ren-  
cōtrēt Iupiter, la partie de fortune,  
la partie des biens, & autres lieux  
qui signifēt richesses. Lesquels aussi  
dirigez aux dites infortunes, ou à  
leurs malings aspects, signifient tou-  
siours quelque perte. Par les reuolu-  
tiōs aussi se peut cognoistre le tēps  
de bonne ou mauuaise fortune. Car  
quand Iupiter en la natiuité sera au  
signe de Libra bien disposé, toutes  
& quātesfois qu'il se trouuera en la  
reuolutiō audit signe, en la mesmes  
fortune, certainement il apportera  
alors les biens qu'il aura promis à  
l'heure de la natiuité. Au cōtraire, s'il  
est infortuné par Saturne ou Mars  
en la

**80 JVGEMENTS D'ASTROLOGIE**  
en la natiuité: toutes & quantes fois  
qu'il sera en la reuolution opprimé  
desdits infortunateurs, alors le-  
dit dommage aduiendra en la sorte  
& maniere qu'il estoit signifié en la  
natiuité. Si le significateur des biens  
est Oriental, le bien viendra en  
ieunesse: s'il est Occidental, en  
vieillesse. S'il est en la premiere  
maison, il sera riche en son premier  
aage. S'il est entre la premiere &  
dixiesme, sur le temps de vingt &  
vingt & sept ans. S'il est en la di-  
xiesme enuiron trente & trente-  
cinq. S'il est en la dixiesme & sep-  
tiesme, enuiron quarante & qua-  
rante huit. S'il est dedans la septies-  
me, il sera riche en sa vieillesse. Il  
faut aussi regarder aux trois seigneurs  
de la triplicité d'un chacun signifi-  
cateur des biens. Car le premier seigneur  
signifie le premier aage: le second,  
le temps de trente ou quarante huit  
ans.

ans: le tiers, l'aage dernier. Parquoy si le premier seigneur de la triplicité d'un significateur de richesses est fortuné, ledit bien significé aduendra au premier temps: ou s'il est infortuné, le dommage alors poindra par ce moyen faut accommoder les autres seigneurs aux aages ensuyuans, & selon leur bonne ou mauuaise disposition faut iuger de la fortune d'un chacun.

*Des Freres. CHAP. XVI.*

**M**Ars, & Saturne dedans la tierce maisō hors de leurs principales dignitez, & nō receus, signifiet que l'enfant n'aura aucun frere ny sœur. Et s'ils sōt en leurs principales dignitez, ou ils sōt heureusement receus, ils peuuent alors donner quelques freres: mais à cause desquels il sera tousiours en tristesse,

**P**



82 JUGEMENTS D'ASTROLOGIE  
noises, & contentions. La queue du dragon lunaire, fait voir la mort de ses freres, quand elle est en la tierce maison. Ce que fait aussi le seigneur de ladite maison quand il est en la dixiesme ou huitiesme: & quand il est brulé, ou autrement mal disposé. Si en la neuuesme est aucun planete bien signifié, & le seigneur de la troisieme maison est infortuné, ses freres mourront avant luy: si dedans ladite maison ne se trouue quelque fauorable planete: ou si le seigneur de ladite maison n'est amiablement regardé des fortunes Iupiter, le Soleil, Venus, la Teste du dragon, la Lune, & Mercure fortuné, dedans la tierce maison, donnent beaucoup de freres, heureux, pacifiques, & fortunez. Mars regardant ladite maison ou son seigneur de maling aspect, signifie noises & debats entre les freres. Ce que signifie aussi le seigneur de ladite mai

maison en la septiesme, & douziesme: & Mars opposite à l'ascendant, ou au seigneur de l'ascendant, & au luminaire temporel : & quand vn mesme planette est seigneur de la tierce & septiesme, ou douziesme maison. La partie de l'amitié des freres avec sō seigneur fortunee, signifie cōcorde, infortunee, discorde entre les freres. La partie des freres & la tierce maisō, avec leurs seigneurs en signes aquees, denotēt beaucoup des freres & de sœurs : & s'ils sont fortunez, signifient paix, cōcorde & bon amour ensemble : infortunez, denotent le contraire.

*Du pere & de la mere.*

CHAP. XVII.

**L**Es seigneurs de la quatriesme, & de la partie du pere baillés, hors de leurs propres maisons &

F 2

§4. IJGEMENS D'ASTROLOGIE  
 exaltations, signifient que le pere ne  
 viura gueres. Les infortunez dedans  
 la quatriefme, signifient que le pere  
 mourra bien tost apres, si dedans la-  
 dite maison ne font bien signifiees,  
 ou si les fortunes n'y entrelaissent  
 leurs fauorables rayons. Semblable-  
 ment faut iuger de la mere, quand  
 lesdits constellations seront en la  
 dixiefme. Les fortunes en la quatrief-  
 me signifient longue vie au pree, &  
 heureuse fortune: & le semblable de  
 la mere, quand sont dedans la dixief-  
 me. Le Soleil infortuné dedans la  
 quatriefme ou huitiefme maison,  
 tesmoigne que le pere ne viura pas  
 longuement: semblablement faut  
 iuger de la mere, quand la Lune sera  
 ainsi disposee. Si le seigneur de la  
 quatriefme est en lonziiefme, l'en-  
 fant verra la mort de son pere. Si le  
 seigneur de la dixiefme est en la cin-  
 quiefme, il verra la mort de sa mere.

Venus

Venus ou la Lune en la quatriesme infortunez, donnent peril de mort à la mere à l'heure de l'enfantement. Le Seigneur de la quatriesme en la septiesme, ou douzieme maison, ou en maling aspect des infortunes, signifie noies & querelles entre le pere & le fils. Semblablement faut iuger de la mere, quand le seigneur de la dixiesme sera en ladite disposition. La partie du pere fortunee, denote heureuse & longue vie au pere: Infortunee, qu'il mourra bié tost. La partie de la mere en signifie autant de la mere, selon la bonne ou mauuaise disposition. Communement les Astrologues ont regard au Soleil & à Saturne, pour le pere: & à Venus & à la Lune pour la mere. Si la natiuité est diurne, ils prennent le Soleil pour significateur du pere: si elle est nocturne, ils prennent Saturne, si le Soleil n'est en aucū angle du

86 JVGEMENTS DASTROLOGIE.  
 ciel. Car s'il est en la premiere ou  
 quatriesme, ils le preferent tousiours  
 à Saturne. Si le Soleil est la premiere  
 en la natiuité du premier enfant, la  
 figure de la natiuité du pere & de  
 l'enfant seront semblables. Les si-  
 gnificateurs du pere ioints aux fortu-  
 nes, ou receuans leurs amiables as-  
 pects, denotent bonne fortune & lo-  
 gue vie au pere. Le contraire faut  
 entendre quand ils sont infortunez.  
 Si le seigneur de l'ascendant & le  
 seigneur de la quatriesme se regar-  
 dent de mauuais aspect, l'enfant &  
 le pere seront en discorde principa-  
 lement si Mars y entremesse ses  
 pernicieux rayons. Pour la mere il  
 faut principalement regarder à Ve-  
 nus, si la natiuité est diuine : ou à la  
 Lune, si elle est nocturne : & selon  
 leur bonne ou mauuaise disposition,  
 faut iuger la bonne ou aduerse for-  
 tune de lam ere.

Di

**L** Es fortunes , ou autre planette fortuné dedās la quatriesme, ou huitiesme maison, denotent heritages, & possessions : les infortunes, les denient, ou font dissiper. Saturne naturel significateur des heritages, terres & possessions , bien disposé, donne grāns biens de terre , & fait l'homme heureux en labourages, & cultivations. Ce que signifient aussi les significateurs de richesses, quand ils sont bien disposez dedans les maisons de Saturne. Et la partie d'heritages, & la partie de fortune en semences & cultures, quand elles sont fortunées avec leurs seigneurs. Si lesdits significateurs sōt infortunez, il faut iuger le contraire. Quand vn mesmes planette est seigneur de la premiere & quatriesme maison,

88 IJGEMENS D'ASTROLOGIE  
l'enfant aura des heritages : lesquels  
il enrichira, si le dit seigneur est for-  
tuné: ou les viendra & dissipera, s'il  
est infortuné. Le seigneur de l'ascen-  
dant, ou la Lune dedans la quatries-  
me fortunez, & amiablemēt par Iu-  
piter ou Venus regardez, denotent  
qu'il trouuera quelque grande som-  
me d'argent cachee sous terre: prin-  
cipalement si Saturne y iette ses tri-  
nes ou sextiles rayōs: ou que des mi-  
nes d'or & d'argent il sera riche. La  
queuē du dragon en la quatriesme,  
fait vendre & dissiper les biens. Ce  
que fait aussi la teste du dragon, quād  
elle y est en signe terrestre ou aquee:  
en signes aērees ou ignees, donne  
grans biens de terre.

*Des enfans. CHAP. XIX.*

**L**Es fortunes en la cinquiesme  
donnent des enfans: Les infortu-  
nes



nes les denient, excepté quand elles sont en leurs propres maisons ou exaltations. Car alors elles donnent des mauuais enfans: ce que font aussi quand regardent ladite maison, ou le seigneur d'icelle de mauuais aspects. Si le seigneur de la cinquiesme est brullé, il donne des enfans abortifs, ou qui bien tost apres leur naissance mourront. Si ledit seigneur est en la douziesme, il verra la mort de ses enfans. S'il est en la septiesme, ou douziesme, ou si vn mesme planette est seigneur de la cinquiesme & septiesme ou douziesme, il aura proces, & questions avec ses enfans. Le seigneur de l'ascendant en mauuais aspect du seigneur de la cinquiesme en denote autant. Auant arrester iugement des enfans, il faut considerer la dixiesme, & septiesme maison: & les parties des enfans, avec leurs seigneurs. Les significateurs des en-

F 5

90 IUGÉMENTS D'ASTROLOGIE  
fans en signes masculins, signifient  
enfans masles: en feminins, denotent  
filles: semblablement faut iuger  
quand ils sont accouplez avec pla-  
nettes masculins ou feminins.

*Des seruiteurs.*

CHAP. XX.

**L**Es significacions des seruiteurs  
faut prendre du lieu de Mars, &  
de Mercure, de la sixiesme maison,  
de la partie des seruiteurs, & de leurs  
seigneurs. Lesquels fortunez, don-  
nent fideles seruiteurs: infortunez les  
donnent mauuais. Quand le seigneur  
de l'ascendant & le seigneur de la si-  
xiesme seront en bon aspect, accou-  
plez aux significateurs de richesses,  
l'enfant deuiendra riche par l'indu-  
strie & fidelité de ses seruiteurs. Sé-  
blablement quand les fortunes serót  
dedans la sixiesme maison. Au con-  
traire,

L I V R E I I. 91

traire, quand les significateurs de richesses serot infortunez en la sixiesme maiso, il sera destruit par ses seruiteurs. Semblablemēt quand les infortunes seront en ladite maison. Si le seigneur de la sixiesme est en la dixiesme, il rēdra ses seruiteurs plus grans maistres que luy. Si le seigneur de la sixiesme est en signe d'humaine figure, les seruiteurs luy porteront reuerence, & obeyront à ses commandemens.

*Des maladies.*

CHAP. XXI.

**I**L faut premierement regarder les lieux de Saturne & de Mars, & du seigneur de la sixiesme maison. Et selon le signe auquel ils seront il faudra iuger la maladie estre en la partie designée par ledit signe. Comme si Saturne estoit au signe de Libra, il denoteroit la maladie estre aux reins de la nature de Saturne: pour-

ce

92 IJGEMENS D'ASTROLOGIE  
ce que Libra est le signe qui a regard  
sur les reins, comme sera declairé au  
second liure. Semblablement faut  
iuger des autres significateurs selon  
le regard du signe auquel ils seront.  
Les maladies & accidens prouenant  
de Saturne, Mars, & autres planet-  
tes, seront expliquez au second liure.  
Mars en l'ascendât donne tousiours  
quelque notable blessure sur la face  
ou sur la teste: & souuent aupres des  
yeux, quand il est prochain des lumi-  
naires. Saturne en la premiere mai-  
son rend l'homme fort triste & me-  
lancolique, & luy vexe la fantasie,  
causât horribles & fascheuses crain-  
tes & imaginations. La queue du  
dragon en la premiere, offusque fort  
la veüe, & souuent rend les gens  
aueugles, quand les luminaires, ou  
les fortunes n'y entremeslent leurs  
fauorables rayôs. Saturne & Mars en  
la dixiesme, signifient maladies au  
col:

col: en la septiesme, au bout des boyaux, comme fistules, hemorroïdes, vlceres, blessures, &c. en la sixiesme, maladies és pieds: en la douziesme, blessures ou douleurs aux iambes, comme i'ay souuent experimenté. Saturne infortuné signifie maladies és parties appartenantes à Saturne. Iupiter & les autres en signifient autant, quād ils sont mal disposez. Des parties qui appartiennēt aux planettes nous dirons au secōd liure. Ceux qui ont les luminaires, ou aucun des principaux lieux de la figure infortunez au signe du Scorpion, sont fort subiets à la maladie de Naples. Les infortunes au signe de Gemini, donnent tousiours quelques violents coups sur les espauls, sur les iambes, & bras. La Lune infortune au signe d'Aries signifie grande douleur de teste. Saturne & Mars joints aux luminaires, ou au seigneur de l'af

94 IJGEMENS D'ASTROLOGIE

l'ascendant, troublent la veuë, ou gastent les yeux de quelque coup. Le Soleil és natiuitez diurnes signifie l'œil droit, la Lune le gauche: és nocturnes, au contraire. Si le degré de la premiere maison, ou les luminaires sont ioints avec quelque estoille nubileuse, les yeux seront obscurs, & la veuë trouble: semblablement s'ils sont és degrez que les Astrologues nomment Azemenæ & degrez pureaux, &c. Saturne en la sixiesme maison brulé en signe aquee, denote quelque forme de ladrerie. Saturne en l'ascendant fait quelque notable deformité à la face, quand il est pres de la Lune. Les infortunes, & la Lune & Venus en signes aquees, signifient lepre, vlceres, chancres par le corps, & vilaines taches au visage. Saturne en la neuuesme & la Lune en la huitiesme infortunee, denotét troublement de sens, & folie. Venus iointe

iointe à Mercure, infortunee par Saturne ou Mars sans aspect de Jupiter, ou du Soleil, signifie notable leſion és parties de generation. Si Venus & Mercure ſont ſous les rayons du Soleil ils en ſignifient autant. Saturne avec la Lune brûlé, cauſe paralyſie & apoplexie. Mercure infortuné donne touſiours quelque empeſchemēt à la langue. Ce que fait auſſi Saturne, quand il infortune le lumineux temporel. Le Soleil infortuné denote debilitation de cœur, principalement quād il eſt ſeigneur de la ſixieſme maiſon, ou ſeigneur de la partie des maladies. Les infortunés avec la queue du dragon, cauſent dyſcēteries, & flux de vētre. Ceux qui ont le Soleil ou Mars aux ſignes d'Aries & de Gemini, ſōt ſubiets à la pierre. La retrogradation & brûlure de Saturne & de Jupiter, gaſtēt l'ouyr, & les dents. Quād la Lune & Mercure

ne



96 IJGEMENS D'ASTROLOGIE.  
 ne se regardent entre eux, & ne regardét l'ascendant, ny le seigneur de l'ascendant, l'enfant sera troublé de son entendement. La retrogradation de tous les cinq planettes, signifie epilepsie. Les infortunes iointes en l'ascendant, en mauuais aspect de la Lune, ou du seigneur de l'ascendant, denotét folie entiere. La partie des maladies avec sô seigneur fortunee, preſerue de maladies : infortunee, donne beaucoup de maux.

*Du Mariage.*

CHAP. XXI.

**P**Our le mariage il faut regarder la septiesme maison & sô seigneur, les lieux de Venus & de la Lune és natiuitez des hommes : ou les lieux du Soleil & de Mars, és natiuitez des femmes : & les parties de mariage & le

le lieu de Iupiter. Si lesdits significateurs sont fortunez, le mariage sera heureux: s'ils sont infortunez, il sera plein d'ennuis, de reproches, & de malheurs: Si les vns sont fortunez, les autres infortunez, par certains temps ores l'heur, ores le malheur se manifestera. Plusieurs planettes dedans la septiesme maison, donnent plusieurs femmes: semblablement quand plusieurs planettes regardent ladite maison, ou son seigneur. Si Venus & le seigneur de la septiesme maiso sont brulés, ou autrement de Saturne. opprimez, l'enfant ne se mariera iamais. Iupiter & Venus dedans la sixiesme ou huitiesme, signifient qu'il espousera vne vefue. Iupiter brulé, en signifie autant. Autrement, si Iupiter regarde Venus & les autres significateurs de mariage, il promet pucelles & vierges. Si Venus ou Iupiter, ou le seigneur de la

G

**¶** IUGEMENS D'ASTROLOGIE  
 septiesme maisō sont ioints à Satur-  
 ne, ou si Saturne est dedās la septies-  
 me maison, la femme aura quelque  
 note d'infamie: c'est à sçauoir ou se-  
 ra d'esfrange religion, ou sera bastar-  
 de, ou de race de lepreux, ou de la-  
 quelle les parens auront receu quel-  
 que ignominie; ou elle sera diffor-  
 me, & ses parens de fort infime cō-  
 dition. Mars en ladite maison, ou ré-  
 gardāt de mauuais aspect les signifi-  
 cateurs de mariage, entremesse noi-  
 ses & contentiōs entre le mary & la  
 femme. Ce que aussi fait Venus en la  
 septiesme ou douziesme maison.  
 Mars en la neufiesme tant en la nati-  
 uité des femmes que des hōmes, de-  
 note quelque maniere de separatiō  
 de mariage. Et Venus en la neufies-  
 me, signifie que l'hōme hayra la fé-  
 me: non tāt pour vice qu'il trouue en  
 elle, que d'un desir d'estre solitaire.  
 Les significateurs de mariage infor-  
 tunez,

tunez, ou dedans les maisons cadâtes, signifient la femme estre de plus infime race: ou le mary, és natiuitez des femmes. Si Venus, & le seigneur de la septiesme maison, accouplez avec les significateurs de richesses, regardent le seigneur de l'ascendant d'amiable aspect, ils donnent beaucoup de biens à cause des femmes. Les significateurs de mariage dedâs la tierce ou neufiesme maiso, ou ailleurs peregrins, signifiet qu'il se mariera hors de son pays. Les fortunes dedans la septiesme maison, denotent heureux mariage: les infortunes, le rendent malheureux. Le seigneur de la septiesme dedans la seconde, signifie qu'il verra la mort de sa fême. Les significateurs de mariage occidentaux, tesmoignent qu'il se mariera tard, ou que en ieunesse il prendra vne femme plus vieille que luy: orientaux, signifient qu'il se ma-

G

2

## 100 IJGEMENS D'ASTROLOGIE

riate en ieunesse, ou que en vieillesse, il espoulera vne ieune femme. Semblablement faut iuger des maris és natiuitez des femmes.

*Du doüaire, & autres biens du costé de mariage.*

## C H A P. XXIII.

P Ource que la huitiesme raison est succedante à la septiesme, par bonne raison elle signifie le proufit des significations de la septiesme, c'est à sçauoir du mariage. Si dōques en la huitiesme est aucun planette fortune, ou quelque partie fortunee, l'enfant aura grand doüaire de la femme, & de ce costé rencontrera grans heritages & grans biens. Au contraire, si Saturne & Mars infortunent la dite maison, il n'aura grand doüaire, & d'iceluy mesmes ne sera iamais entierement payé.

Quand

Quand les fortunes sont en ladite maisō infortunees, il y a espoir de grās biens: desquels à la parfin l'ō ne peut iouyr. Le seigneur dudit lieu infortuné en signifie autant: & s'il est fortuné, & accouplé avec les significateurs de richesses, il denote grand proufit & grans biens de ce costé. Bien souuent il aduient que la septiesme maisō est fortunee, & la huitiesme infortunee. Ce qui signifie petit douaire, & desespoir d'autres biens deuers la femme: & que toutesfois il sera enrichi par la diligēce, industrie & fidelité de sa femme.

*De la mort.*

CHAP. XXIV.

**I**L faut premierement regarder si aucun planette est en la huitiesme maison, car il conuient prendre iceluy pour significateur de la mort. Si dedans ladite maison n'y est aucun

G 3

## 102 IJGEMENS D'ASTROLOGIE

planette, prenez pour significateurs  
 ceux qui seront en la septiesme, pre-  
 ferant celuy qui sera mieux dignifié.  
 Si dedans la septiesme n'y trouuez  
 aucun, tirez le significateur de la  
 mort des lieux qui ensuyuent.  
 De l'ascendant & de son seigneur.  
 De la huitiesme maison, & de son  
 seigneur.  
 De la partie de la mort, & de son sei-  
 gneur.  
 De l'huitiesme signe depuis le lieu  
 du Soleil, & de son seigneur.  
 De l'huitiesme signe depuis la Lu-  
 ne, & de son seigneur.  
 Du lieu du premier seigneur de la  
 triplicité du quatriesme angle.  
 Du lieu du planette qui a dignité de  
 terme au degré de la septiesme  
 maison.  
 Le planette qui entous ces lieux se-  
 ra plus dignifié sera principal signi-  
 ficateur de la mort. Si Saturne estant  
 en la huitiesme ou septiesme mai-



so, ou ailleurs plus dignifié es susdits  
 poinçts de la figure, est principal si-  
 gnificateur de la mort, s'il est bien  
 disposé, il tesmoigne que ledit per-  
 sonnage mourra d'hydropisie, de  
 quelque grande opilation du foye &  
 de la ratele, ou de fiebure quarte, de  
 flux de ventre, de phthisis, de quel-  
 que fiebure hectique, d'apostematión  
 des oreilles, &c. S'il est grandement  
 infortuné, & enséble le seigneur de  
 l'ascendant, & le luminaire tēporēl  
 sont mal disposez, il signifie mort  
 violente par Apoplexies, paralyties,  
 catarrhes, suffocations, submersion  
 en eaues, quād il est en signes aquees:  
 par quelque cheute ou ruyne quand  
 il est en terrestres: par grans coups,  
 pour estre pendu, quand il est en si-  
 gnes aërez. Si Iupiter est significateur  
 de la mort il signifie qu'il mourra  
 d'un pleuresis, d'une Squinance, de  
 quelque chaude apostematión du foye.

on du poulmon, ou d'autre maladie  
prouenante de vétositez, ou de sang,  
& ce s'il est fortuné: car quand il est  
mal disposé & infortuné il fait mou-  
rir par main de iustice, par comman-  
dement du Prince, par sentence de  
iuste ou de preuost par submerfion  
en eaues, pour estre fouetté, & flagel-  
lé, par long emprisonnemēt. Si c'est  
Mars bien disposé, par fièvre tierces,  
& continues, par flux de sang, par  
carboncles & pestilences, par apo-  
stumes prouenantes de matieres  
choleriques & ardantes, par abortif-  
semens aux femmes. S'il est fort mal  
disposé, il fait pendre & estrangler, ou  
suffoquer, ou autrement tuer en son  
liet, ou dessus le cheual, quand il est  
en signe aéré: ou precipiter dedans  
l'eau, quand il est en signe aquee: ou  
tomber de haut, ou de quelque ruïne  
meurtrir, quand il est en terrestre: ou  
brusler, quand il est en signe igne,  
prin

principalement si le seigneur de l'ascendant, & le luminaire temporel sont infortunez par Mars. Si c'est le Soleil bien disposé, il mourra de quelque maladie chaude. S'il est infortuné, par comādemēt du Prince, ou par sentence de iuge, ou il mourra en grāde compagnie de gens, de mort subite, ou en prison, ou en vn boubier, ou en'autre lieu puāt & infame. Si c'est Venus bien disposée, il mourra de trop manger fruits, ou de trop continuer ses voluptez, ou de quelque fistule, ou apostume. Si elle est infortunee, signifie mort par venin, principalement quād elle est bruslee, ou iointe à Saturne: ou de trop ardāte affectiō d'amour, ou des fortes douleurs du mal de Naples. Si c'est Mercure fortuné, il fait mourir par tristesses & fortes apprehensions, par iaunisse, par phthisis, par fiebure hectique, & par trop veiller.

## 106 IJGEMENS D'ASTROLOGIE

Si l'est grādemēt infortuné, par manie, epilepsie, par violente tous avec rompure de veines, par folle melancholie, & ialouzie. Si c'est la Lune bien disposée, pour trop mager viandes humides, pour boire de l'eau, pour trop continuer ses voluptez. Si elle est infortunee, il faut cōsiderer la nature d'iceluy qui l'infortune, car si cest Mars, il mourra par feu, ou par blessure: ou par abortissement, si cest vne fēme. Si cest Saturne, par ruynes, cheuttes, pestilēces & semblables accidens. Auant conclurre de quelle mort la personne mourra, il faut ensemble considerer la dispositiō du seigneur de l'ascendāt & du luminaire tēporel. Car s'ils sont biē disposez, la mort ne sera violente, combien que le principal significateur soit grandemēt infortuné. Si le dit significateur est infortuné, ensemble le luminaire temporel, ou le seigneur

gneur de l'ascendât mal disposez, l'estime que certainemēt la mort sera violente, si Iupiter ou Venus n'y entremessent leurs fauorables rayōs, & alors la personne tombera en grand dāger de ladite mort violente, de laquelle toutesfois il eschappera miraculeusemēt. Si l'une des infortunes est au signe de Cancer, & l'autre au signe du Lyō, la mort sera violente: semblablemēt si aucune desdites infortunes est au signe du Lyon, & le luminaire temporel, ou le seigneur de l'ascendât est infortuné: & si l'une des infortunes est en la premiere maison, & l'autre en la septiesme ou quatriesme: ou si l'une est en la dixiesme, l'autre en la quatriesme. Le Soleil ou la Lune ou le seigneur de l'ascendât ioints avec Mars, à droit d'une estoille fixe q̄ les Astrologues nomēt la Teste de Meduse, ou autremēt la teste du diable, fait par main de bourreau

108 JVGEMENTS D'ASTROLOGIE  
 bourreau perdre la teste. Quand le  
 Soleil & la Lune , Saturne & Mars  
 occupent les quatre angles du ciel,  
 ou à tout le moins les trois, la persó  
 ne fera horrible mort. Car il perdra  
 la teste, ou sera deffait à quatre quar  
 tiers , ou trainé à quatre chevaux:  
 principalemét si ausdits angles sont  
 les signes de Gemini, de Pisces, &  
 d'Aquari°. Mars en la neufiesme ou  
 huitiesme, au signé d'Aquarius ou de  
 Gemini, opposite à la Lune & au sei  
 gneur de l'ascendant, sans bõ aspect  
 des fortunes, fait perir par fouldre &  
 par feux du ciel. Saturne en la dou  
 ziesme sixiesme, huitiesme, ou qua  
 triesme maison, infortunant le sei  
 gneur de l'une desdites maisons, fait  
 mourir en prison, ou ailleurs en grã  
 des peines & travaux: principalemét  
 quand le luminaire temporel ou le  
 seigneur de l'ascendãt sont infortu  
 nez dedãs lesdites maisó. La queüe  
 du

du dragon iointe aux significateurs de mort, denote poisons venins, medecines violētes ou mal appropriees, & flux de vētre. Mars dedans la quatriesme, huitiesme, douziesme, ou sixiesme infortunāt leurs seigneurs, & le luminaire temporel, ou le seigneur de l'ascendant, tesmoigne mort violente par effusion de sang, ou autrement.

Les significateurs de mort dedans la neuvieme ou troisieme maisō, signifient que la personne mourra par les chemins, ou en estrange pays: excepté s'ils sont dedans leurs propres maisons ou exaltatiōs, car alors il mourra en sa maison, apportant son mal des chemins. Lesdits significateurs en leur propre maison ou exaltation font mourir en la maison: s'ils sont peregrins, ils font mourir hors de la maison. La Lune iointe à l'estoille fixe nommee. La claire de la balance Meridionale, signifie



## 110 IJGEMENS D'ASTROLOGIE

mort violente. Ce que elle fait aussi quād elle est iointe aux autres estoilles qui ont nature des luminaires. Mars en la huitiesme avec la Teste du dragon, fait pendre & estrangler. Plusieurs planettes dedās la septiesme maison, font mourir de quelque terrible & estrange mort.

Saturne, Mars, & la Teste du dragon en la premiere, Venus & Mercure avec la queüe, en la septiesme, font mettre le corps en mille pieces. Si le principal significateur de la mort est bruslé, dedans sa propre maison ou exaltation, sans estre autrement infortuné, il fait mourir subitement de quelque foiblesse, ou autre subit & secret accident, sans autre violence. Les fortunes bien disposees en la huitiesme maison, preseruent tousiours de mort violente.

Du

**I**upiter, Venus, le Soleil, & Mercu-  
re fortunez en la neufiesme, deno-  
tent qu'il sera heureux en voyages  
par terre & par mer. Saturne & Mars  
signifient le contraire. Et principale-  
mēt Saturne empesche les voyages  
par eaue : & Mars les chemins par  
terre. Si dedans la neufiesme n'y est  
aucū planette, il faut considerer la  
Lune & le seigneur de la neufiesme,  
& les parties des chemins & voya-  
ges par terre & par eaue, avec leurs  
seigneurs. Lesquels fortunez don-  
nēt proufitables peregrinatiōs & na-  
uigatiōs: infortunez denotent le cō-  
traire. Sēblablemēt faut iuger de la  
troisiesme maison & de sō seigneur  
quād ils sont bien ou mal disposez.  
La Teste du dragon en la neufiesme  
fauorise beaucoup à la fortune des  
voyages: la queüe fait le contraire.

*De*

**T**Out ainsi que la Teste du dragon, les fortunes, les luminaires, & mercure en la neufiesme bien disposez, denotent entiere foy & constance en sa religion : Saturne, Mars & la queue du dragon la peruertissent. Saturne de sa nature est plus enclin à la loy des Iuifz : & Mars à la loy des Turcs & Mahometistes : la queue du dragon fait tousiours hesiter de la verité de la loy. Le seigneur de la neufiesme, & la partie de la foy, avec son dominateur fortuné, rendent l'homme constant en sa foy : infortuné, le font varier. Si la partie de l'ame est au signe du Lion en la naissance d'un Chrestien, il sera fort constant en sa religion, si le Soleil est fortuné : & s'il est infortuné par Saturne, le fait deuiener sa foy, pour s'adresser à celle

celle des Iuifs: s'il est infortuné par Mars, le rend plus enclin à la loy des Turcs & Mahometistes. Si ladite partie est es maisons de Saturne en la natiuité d'un Iuif: ou es maisons de Mars en la natiuité d'un Mahometiste ils renieront leur loy si lesdits seigneurs de ladite partie sont retrogrades, ou autrement mal disposez. Saturne en la neufiesme, en la natiuité d'un Iuif, ne luy diminue en rien sa foy. Quant aux songes, Saturne en ladite maison les signifie vrais, quand il est fortuné: Mars & la queue du dragon, les signifient vains & faux. Les autres significateurs, les assurent vrais.

*De l'action & profession.*

C H A P. XXVII.

**P**Our sauoir de quelle professiō sera l'enfant, il faut premieremēt  
H

114 JVGEMENTS D'ASTROLOGIE  
regarder si aucun planete est en la  
profession. Autrement faut venir à  
la partie de fortune & à son seigneur,  
à la partie de la profession & à son  
seigneur, à dixiesme maison & à son  
seigneur, & aux lieux de Mars, Mer-  
cure & de Venus. Le planete qui  
sur ces lieux aura plus de dignitez,  
sera significateur de la profession.  
Lequel si c'est Saturne, il signifiera  
agriculture, mesnagerie, achats de  
reates, & aucunes fois gouverne-  
mens de villes, quand il est es angles  
fortuné. Jupiter denote les officiers,  
iuges beneficiez, Prelats, Euesques,  
& gouverneurs des biens de l'Egli-  
se. Mars signifie Capitaines, gens de  
guerre, monnoyeurs, forgerons, &  
autres qui vsent de fer & de feu: &  
Medecins, quand il est en aspect de  
Venus. Le Soleil, represente les  
Princes & seigneurs, les magistrats,  
chaf

chasseurs, thresoriers, & sagittaires.  
Venus, ioueurs, danceurs, perfu-  
meurs, apothicaires, & en aspect de  
Mars, Medecins.

Mercuré, aduocats, notaires, gref-  
fiers, poëtes, rhimeurs, philosophes,  
mathematiciens, deuineurs escri-  
uains, messagers, traffiqueurs. La Lu-  
ne, ambassades, assesseurs, consuls,  
syndics, voyageurs, chasseurs. S'ils  
sont plusieurs significateurs, ou si le  
principal est accouplé à plusieurs  
planettes, il faut mesler les significa-  
tions des vns & des autres, & de ladi-  
te mixtion colliger la profession cō-  
uenante à la cōcurrēce des Astres. Il  
faut aussi regarder dedās quelle mai-  
son sont leldits significateurs. S'ils  
sont dedās la secōde, la professiō sera  
de faits de marchandise, & de traf-  
fiques: si dedās la troisiēme ou neu-  
fiesme, de faits de religion ou des  
arrentemens des biens d'Eglise. Si

H 2

116 JVGEMENTS D'ASTROLOGIE  
aux angles, de dominations & gou-  
uernemens. Si en la cinquième, d'a-  
ballades, legations, & d'autres cho-  
ses de plaisirs. Si en la sixième, de  
faits de malades, de seruiteurs, & de  
bestail, &c. Si la partie de l'honneur  
prouenâre de la profession, eue avecq  
son seigneur fortunee, l'enfant ac-  
querra grand bruit & hõneur à cau-  
se de sa profession. S'ils sont infor-  
tunez, si bié qu'il fasse, il ne acquer-  
ra iamais hõneur en faits de sa pro-  
fession.

*Des dignitez, offices, & honneurs.*

CHAP. XXVII.

Pour les dignitez, offices, charges,  
& honneurs, il faut regarder à la  
dixième maison, au luminaire tem-  
porel, à la partie de noblesse, à la  
partie du regne, à la partie des ma-  
gistrats, & autres appartenantes à  
la dixième maison, avec leurs sei-  
gneurs



gneurs. Le planette qui esdits lieux  
aura plus de dignitez, sera significa-  
teur desdites considerations en bien  
ou mal, selon la bonne mauuaise  
disposition particulierement aussi il  
faut pour suyure lesdits lieux, l'un  
apres l'autre, pour sçauoir duquel  
costé principalement lesdites di-  
gnitez, offices, & honneurs doyuent  
venir. Saturne en la dixiesme mai-  
son, ou en l'ascendant, es natiuitez  
diuines, signifie grand auancement  
& honneur apres trente ans, quand  
il n'est mal disposé: es natiuitez noc-  
turnes, denote continuelle crainte  
de receuoir dommage des Princes  
& Rois. Mars esdits lieux, es natiui-  
tez nocturnes, signifie aussi grand auā-  
cement: es diurnes, pis que Saturne.  
La partie du regne & son seigneur  
dedans aucun des angles, telmoig-  
nent grande faueur des Rois sem-  
blablement faut iuger des autres.

H ;

## 118 JVGEMENTS D'ASTROLOGIE

parties que nous auons dedaitez sur la dixiesme maison. Mercure en la dixiesme bien disposé & fortuné, promet dignitez, offices, & honneurs à cause du sçauoir. Venus & la Lune à cause des femmes. Iupiter pour sa vertu. Le Soleil & la teste du dragon en ladite maison, en signifient autant. Les deux luminaires en leurs maisons ou exaltations, en la figure du ciel bien colloquez, denotent grand auancement & honneur. Ce que fait aussi Iupiter quand il reçoit la vertu de tous les autres planettes, & cōmunique la sienne à Saturne & au Soleil, & les fortunes. & les luminaires, quand ils sont es angles du ciel. Plusieurs planettes en la quatriesme maison denotent grand honneur apres la mort. Si aux poincts des angles est aucune estoile fixe de premiere ou seconde grandeur, ou autre ayāt nature des luminaires,

naires , c'est vn grand signe d'incré-  
dible auancement , Ce que aduient  
aussi quād lefdites estoilles sōt ioin-  
tes au luminaire téporel, ou à la par-  
tie de fortune, ou à son seigneur, ou  
aux planettes & parties qui sont es  
angles. Ceux qui ont Saturne en la  
dixiesme brulé, ou le seigneur de la  
dixiesme brulé, ou par Saturne op-  
primé, ou qui ont la queue du dragō  
en la dixiesme, reçoient cōmune-  
mēt quelque forme de deshonneur,  
& souuent sont priuez de leur estat,  
quand les fortunes n'y entremessent  
leurs fauorables rayōs: excepté quād  
ils sōt ainsi infortunes en leurs pro-  
pres maisons ou exaltations , ou es  
signes d'Aries & du Lyon. Il faut no-  
ter que Saturne & Mars empeschēt  
grandement les bōnes fortunes ius-  
ques à ce que l'hōme à passé le nō-  
bre des ans correspondans au nōbre  
des ans moindres desdits planettes:

& s'ils empeschent plus de temps, ce sera iusques à ce que l'homme aura accompli le nombre des ans respondans au nombre des degrez des ascensions obliques du signe auquel ils seront en la natiuité.

*Des compagnies, & amis.*

CHAP. XXXIX.

**P**Our les compagnies & amis, regardez le lieu de Iupiter, l'ôzième maisō, la partie des amis, la partie de compagnies honorables, avec leurs seigneurs. Le planette ayāt plus de dignitez ausdits lieux, sera principal significateur des amis. Le quel selon sa bōne ou mauuaise disposition denotera honorables, fideles & profitables amis: ou inutiles, peu loyaux, & de basse cōdition. Iupiter & le Soleil en ladite maisō signifiet cōpagnies hōnorables & profitables

fitables. Ce que font auffi Venus la Lune, & Mercure audit lieu. Saturne en l'onzième fortuné, tesmoigne amis graues, anciens, & honorables: Mars gens de guerre, Capitaines & Seigneurs. Saturne ou Mars en l'onzième, hors de leurs principales dignitez, despourueus des rayons des fauorables planettes, signifient quelque grand proces contre les amis: ou quelque grande fâcherie à cause d'eux, comme il aduient communement aux respondans & aux cautiōs. Les parties des compagnies honorables, & de louange, avec leurs seigneurs fortunées signifient proufit & honneur du costé des amis: infortunées, denotent le contraire. La partie des amis en signifie autât. La teste du dragon en l'onzième, donne faueur des amis: la queue donne mille fâcheries à cause d'eux.

H 5

## CHAP. XXX.

Les fortunes dedans la septiesme & douziesme maison donnent victoire contre les ennemis, quand elles sont en bon aspect du seigneur de l'ascendant. Et communement ceux qui ont ces deux maisons avec leurs seigneurs fortunées, sont heureux en proces. Le contraire faut iuger, quand elles avecq' leurs seigneurs sont infortunées. Les infortunez esdits lieux signifient beaucoup de noises & d'inimitiez. Ce que sont aussi les parties des ennemis, & de discorde & accord, quand elles & leurs seigneurs sont mal disposez. Le seigneur de la douziesme infortuné, signifie petite puissâce des ennemis-fortuné, de note le contraire. Si l'une des deux infortunes est en la douziesme, & l'autre en la sixiesme, en maling

maling aspect du luminaire temporel, ou du seigneur de l'ascendant, l'enfant sera tué par ses ennemis. Ceux qui ont Saturne ou Mars ou la Lune opposite au Soleil au signe de Cancer, sont communement contraires à tout le monde. Mars en aucun des quatre angles engendre naturellement noises, proces, débats, & inimitiez contre tout le monde: excepté quand il est en bon aspect de Jupiter & de Venus. Car alors il exploite son ire & courroux contre les vices, & de grand zele maintient le droit d'un chacun. Le seigneur de l'ascendant, ou la Lune, ou le Soleil, infortunez en la douzième maison, signifient grandes persecutiōs & calomnies des ennemis. Le seigneur de l'ascendant par le seigneur de la douzième opprimé, tefmoigne qu'il mourra de la main de ses ennemis. Le seigneur de la douzième,



124 JVGEMENS D'ASTROLOGIE  
 ziesme, & les planettes qui sont de-  
 dans la septiesme & douziesme mai-  
 son, signifient la qualité des enne-  
 mis. Cest à sçauoir le Soleil, signifie  
 les Princes & grands seigneurs, la  
 Lune tout le monde. Mars gens de  
 guerre, &c.

*Des empoisonnemens & captiuité.*

CHAP. XXXI.

**L**E seigneur de l'ascendant ou la  
 Lune, ou le Soleil grandement  
 infortunez dedans la douziesme, six-  
 iesme, & huitiesme, & quatriesme  
 maison denotent emprisonnemens  
 & mort dedans les prisons, ou en ca-  
 ptiuité: principalemēt quand ils sont  
 bruslez hors de leurs principales di-  
 gnitez, & hors des signes d'Aries &  
 du Lyon, & quād sont opprimez par  
 Saturne seigneur de l'une desdites  
 maisōs. Saturne & Mars es angles du  
 ciel signifiet tousiours quelque em-  
 prison

prisonnement : & principalement  
Saturne. Mercure es angles sous les  
rayons du Soleil, receuant malin as-  
pect des infortunes, en signifie autāt.  
Si Mercure, ou le seigneur de l'ascē-  
dant donne la vertu à Saturne estant  
en la huitiesme, l'esfant demeurera lo-  
guement en prison & captiuité. Si le  
seigneur de l'ascendant est en la dou-  
zielme en signe d'humaine figure,  
sans aspect des fortunes, ou des lu-  
minaires, il sera captiue & serf des sa-  
ieunesse. Si le seigneur de la neufies-  
me est bruslé dedans aucun angle du  
ciel, il sera prins par les chemins, &  
mis en prison. Les parties de prison,  
& de peine travail & affliction, avec  
leurs seigneurs bruslees, ou autre-  
ment infortunees, signifient empri-  
sonnemens & captiuité. Ce que font  
aussi les infortunees, quand sont biē  
dignifiees esdits lieux. Les parties de  
tous ennuis, & de l'an perilleux, en  
signi

126 JVGEMENS D'ASTROLOGIE  
signifient autant, quand elles, avec  
leurs seigneurs, sont grandement in-  
fortunées. Lesdites parties avec leurs  
seigneurs, fortunées preseruent de  
prisons & de captiuité.

*Des cheuaux, moutons, brebis & autres  
animaux.*

CHAP. XXXII.

**L**Es fortunes & planettes fortu-  
nez dedans la sixiesme & dou-  
ziesme maison, rendent les gés heu-  
reux en cheuaux & nourriture de be-  
stail. Les seigneurs desdites maisons  
fortunez, & accouplez avec les signi-  
ficateurs de richesses, en signifiet au-  
tant. Naturellement la sixiesme mai-  
son denote brebis, moutons, chieures,  
& autre menu bestail: la douziesme,  
cheuaux, bœufs, vaches, chameaux,  
& autres grans animaux. Les infor-  
tunes dedans lesdites maisons, ou  
les

les seigneurs desdites maisons infortunez, signifient perte & dommage esdits animaux. Saturne & Mars en la douziesme font tomber des chevaux avec notable lesion. Ce qu'ils font aussi quand ils sont ailleurs au signe du sagittaire. Le seigneur de la natiuité dedās la douziesme maison infortuné, en malin aspect du seigneur de la douziesme, fait tomber de la monture avec grand peril de mort, quand les fortunes & luminaires n'y iettēt leurs amiables aspects. Si la douziesme est du Sagittaire, ou du Lyon, & le seigneur de l'ascendant, où le Soleil, ou la Lune y sont infortunez, il tombera de son cheual, & mourra: si les fortunes dedans la huitiesme ne destournent le mal.

*Fin du premier Livre.*

DES



# DES IJGEMENTS ASTRONOMIQUES

SVS LES NATIVITÉZ, CON-  
tenant particulieres confi-  
derations Liure I I.



*Des significations des Planettes.*

## CHAP. I.

**S**ATVRNE a regard sur la droi-  
te partie de Septentrion, sur la  
terre & l'eau, sur la melancholie, &  
aucunesfois sur la phlegme crasse,  
sur les oreilles, la ratelle, la vessie,  
l'estomach, les nerfs, & les os. Et si-  
gnifie gens palles, ou noirs, maigres,  
pensifs, solitaires, craintifs, resueurs,  
graves,

graues, contemplatifs, laboureurs,  
 massons, acheteurs de rentes vsu-  
 riers, mefnagers, pecheurs, marchâs  
 d'huiles, cuirs, poissons, tuilles, pier-  
 res, alums, &c. Des malade signifie  
 le pere, chancres, pourritures, fieb-  
 ures quartes, opilations, hydropi-  
 sies, flux de ventre, colique, herme,  
 mole, podagre, chiragre, sciatique,  
 sourdesse, epilepsie, incubus, folies,  
 melancholiques, difficultez de res-  
 pirer, & autres engendrees d'hu-  
 meurs crasses, ou de ventositez, qui  
 durent longuemêt. Des aages, vieil-  
 lesse. Des parties de l'an, l'Autonne.  
 Des couleurs, le noir, liuide, plom-  
 bin, tanné, obscur. Des saueurs, l'ai-  
 gre & adstringent, le poingnant avec  
 austerité. Des iours, le samedi. Des  
 regions Bauiere, Saxe, Romandiole,  
 Constance, & le premier climat. Des  
 lieux particuliers, cauernes, lacs, e-  
 stangs, cloaques, edifices antiques &

LE JUGEMENTS D'ASTROLOGIE  
ruinez, cimitieres, lieux tristes, obscurs, desers & puants.

Jupiter regarde l'Occident, l'air, le sang avec les esprits vitaux, les poulmons, costes, foye, & autres. Et signifie gens de bonne stature, de face pleine, chaunes, crespes, blancs avec vne plaisante rougeur entremeslee, ayans les yeux assez grands, les narilles assez courtes, les dents premieres assez grâdes, gens honnestes, gratieux, benins, religieux, Abbez, Euesques, Prelats, Officiers, iuges, magistrats. Avec copulation de Saturne, signifie negromantiés, enchanteurs, exorcisateurs: avecq' Mars, medecins: avec le Soleil, appaiseurs de quereles, controuerfes, & disputations: avec Venus, musiciens: avec Mercure, mathematiciens: avec la Lune, geometriens, geographes, & hidrographes. Des maladies, signifie fieures, ephemerres, squinances, pleuresis,



refis, conuulsions, apoplexies phlegmons, & autres prouenant de sãg. Des aages, entre la ieunesse & la vieillesse. Des parties de l'an, le Printemps. Des couleurs, le clair comme saphir, le citrin, le verdoyant tirant vn peu sur le rouge. Des saueurs, le doux & amiable. Des iours, le ieudy. Des regions, Babylone, Perse, Hongrie, Espaigne, & le second climat. Des lieux particuliers, eglises, palais, lieux priuilegiez, nets, honnestes, & religieux.

Mars regarde le midy, le feu, les humeur, coleriques, les reins, le foye, les narilles, le fiel, & les genitoires. Et denote gës rouges de visage, le poil roux, la face røde, les yeux iaunes, horrible regard, gës furieux, cruels, hazardeux, superbes, seditioneux, souldars, capitaines, forgerôs, charbonniers, boulâgiers, alquemiſtes, armuriers, fournisseurs, bouchers.

132 JVGEMENTS D'ASTROLOGIE  
 chirurgiens , barbiers , sergents,  
 bourreaux , selon qu'il sera bien ou  
 mal disposé. Avec Saturne commu-  
 nement signifie chirurgiens : avec Ju-  
 piter medecins , & physiciens : avec  
 le Soieil , medecins oculistes : avec  
 Venus , barbiers , & tondeurs : avec  
 Mercure , gens industrieux à faire  
 phlebotomies : avec la Lune , arra-  
 cheurs de dents , & barbouilleurs des  
 oreilles. Des maladies , il denote fieb-  
 ures tierces & continues , epidemies ,  
 pestilences , migraines de teste , car-  
 boncles , feux volages , pustules cole-  
 riques & ardantes , manieres , phre-  
 nesies , flux de sang , vomissement de  
 sang , passions coleriques , iaunisses ,  
 nephritiques , dysenteries , & autres  
 prouenant d'humeurs coleriques ,  
 & adustes. Des aages , la fleur de ieu-  
 nesse. Des parties de l'an , l'Esté. Des  
 couleurs , le rouge , ardent , sanguino-  
 lent , & tirant sur le fer. Des saueurs ,  
 l'amer ,

l'amer, & le mordiquant. Des iours, le mardy. Des regions, Sarmate, Getulie, Lombardie, & le tiers climat. Des lieux particuliers, maisons de forgerons, & de forgers de monnoye, boucheries, fournaies, & tous lieux dediez à fer, à feu, & à sang.

Le Soleil domine sur l'orient & midy, sur le feu, sur le sang pur, & sur les esprits vitaux, sur les yeux, sur le cerueau, sur le cœur. Et signifie gens sages, prudents, discrets, cupides de gloire & d'honneur, de mediocre ou petite stature, couleur brune, grande barbe, les yeux jaunes, la face marquée, grosse voix & assez mal plaisante: Gens honorables, officiers, magistrats, seigneurs, princes & Rois, & gouverneurs des pays, & grâs chasseurs. Avec Saturne, denoté rentiers, principaux metaires, & laboureurs honorables avec Iupiter, beneficiez, prieurs, abbez, & pre-

lats, ou iuges & officiers de iustice, avec Mars, capitaines, & cōducteurs de guerres, avec Venus, gouuerneurs des biens des princesses, & officiers d'icelles, avec Mercure, conseillers, secretares, chancelliers, avec la Lune, legats, embassadeurs, messagers honorables. Des maladies, rheumes chaudes sur le visage & sur les yeux, rougeur de visage, cardiaque, palpitation de cœur, douleur de teste prouenantes de repletion du sang, ou d'auoir trop demeuré aux rayons du Soleil. Des aages, ieunesse. Des parties de l'an, le commencement d'Esté. Des couleurs, le iaune, le clair rouge, couleur d'or. Des faueurs, le poignant avec vne douceur agreable entremeslee. Des iours, le dimanche. Des regions, d'Italie, Sicile, Boheme, & le quatriesme climat. Des lieux particuliers, maisons de Princes, palais, theatres, & autres lieux  
am

amples, magnifiques, & clairs.

Venus domine sur la droite partie d'Orient, sur l'air & l'eau, sur la mixtion de phlegme, sang, esprits, & semence de generation : sur les reins, ventre, nombril, foye, dos, & autres parties dediees à generation. Et signifie gens blancs ou bruns avec quelque rougeur entremeslee, belle face, plaisât regard, le nez aquilin, les cheveux pleins, ioyeux, riâts, liberals, plaisans, danceurs, entreteneurs de dames, ioüeurs parfumeurs, musiciens, messagers d'amours : avec Saturne signifie prestres, & autres qui chantent & assistēt ioyeusement aux sepulchres, & morts : avec Iupiter, musiciens & autres qui chantēt les loüanges de Dieu en hymnes solennels : avec Mars, trompettes, & tabourins de guerre : avec Mercure, châteurs de rithmes & poësies : avec la Lune chanteurs de vulgaires chā-

136 IJGEMENS D'ASTROLOGIE  
sons. Des maladies, apostumes de  
matieres humides, fistules, imbecil-  
lité d'estomach, de reins, & des par-  
ties de generation, folie prouenant  
de trop aimer, mal de Naples avec  
ses suppoits, & autres prouenant  
de matiere froide & humide, & de  
venins. Des aages, l'adolescence. Des  
parties de l'an, le commencement  
du Printemps. Des couleurs, le blâc,  
verd, rouge, & vn peu iaune. Des sa-  
ueurs, le doux, delectable, & sauou-  
reux. Des iours, le vendredy. Des re-  
gions, Arabie, Austrie, Suissès, & le  
cinquiesme climat. Des lieux parti-  
culiers, prez, iardins, fontaines,  
chambres bien parees, salles tapis-  
ses, liets aornez, & autres dediez à  
jeux, dances, chançons, & toutes vo-  
luptez.

Mercuré preside sur le Septen-  
trion, sur l'eau & la terre, sur les es-  
prits animaux, & sur la cõfusion des  
hu

humeurs, sur les mains, pieds, bras, nerfs, langue, bouche, dents. Et signifiez ny blancs ny noirs, maigres, de petite stature, à longs doigts. la face lógue, le frót esleué, le nez droit & lóquet, peu de barbe, les cheveux pleins, les yeux petis & hastifs gens subtils, ingenieux, inconstans, rhimeurs, poëtes, aduocats, orateurs, philosophes, diuineurs, arithmeticiens, marchands & negociateurs avec Saturne, geometriens, & Architectes, avec Iupiter, legistes, canonistes, & ceux qui gardent les registres des benefices des eglises, & proces, avec Mars, sergents de bande, archers de garde, &c. avec le Soleil, maistres d'hostels de Princes & grás seigneurs, & leurs secretaires & despenciers. avec Venus musiciens, apothicaires parfumeurs : la Lune, voyageurs, messagers, & traffiqueurs. Des maladies, vertigo, ou



tournemēt de teste, legereté de cer-  
 ueau semblable à folie, folles imagi-  
 nations, empeschemens de langue,  
 phthisis, excoriatiōs des iābes, pieds  
 & mains, & autres qui ont causes la-  
 tentes, & reuiennēt par certain tēps.  
 Des aages, le tēps d'ēuiron sept à 14.  
 ans. Des parties de l'an, l'Autonne.  
 Des couleurs, les estranges, diuers,  
 & mixtionnés. Des saueurs, les e-  
 stranges, & de nouueau goust. Des  
 iours, le mercredy. Des regions, l'E-  
 gypte, la Grece, Angleterre, Flan-  
 dres, Paris & sixiesme climat. Des  
 lieux particuliers, boutiques, foires,  
 marchez publiques, écoles, sales  
 de procureurs.

La Lune domine sur la droite  
 partie d'Occident, sur l'eau, sur le  
 phlegme, sur ses sueurs mēstrues, &  
 semblables superfluitez, sur l'esto-  
 mach, le ventre, le cerueau, le poul-  
 mō, les māmelles, & les yeux. Et re-  
 presente

BIU Santé LIVRE III 139  
 preséte gés de belle stature, blâcs, à  
 la face rōde & maculee, les yeux vn  
 peu noirs & assez eminés, la barbe  
 lōgue, les sourcils ioints, gens amia-  
 bles, pacifiques, modestes, voya-  
 geurs, peregrinateurs, chasseurs, am-  
 bassades, legats, cōsuls, syndics, af-  
 fesseurs, gouuerneurs des villes, pri-  
 cipalemēt en faits de police. avec Sa-  
 turne. signifie charretiers, & viles  
 negociateurs, avec Iupiter, geome-  
 triés, & geographes. avec Mars, arra-  
 cheurs de dets, alquemistes, & souf-  
 fleurs. avec le Soleil, messagers hō-  
 norables. avec Venus, pacquetiers.  
 avec Mercure, poētes, rhimeurs, mes-  
 sagers, voyageurs, traffiqueurs. Des  
 maladies, pōdagres, chiragres, sciati-  
 ques, hydropisies, apoplexies, paraly-  
 sies, catharres, tréblemēs de mēbres,  
 maladies somnolētes, flux de vêtre,  
 vomissemēs, fistules, vers, & autres  
 causees de froideur avec humidité.  
 Des

Des aages, l'enfance. Des parties de l'ã, l'hyuer. Des couleurs, le blãc, blond, jaune, verdoyãt. Des faueurs, le salé, & insipide, ou maufade. Des iours, le lundy. Des regions, Flandres, Afrique, & le septiesme climat. Des lieux particuliers, fontaines, champs, montaignes, riuieres, ports, riuies de mer, bois, chemins publiques, & lieux deserts.

*Des significations des douze signes.*

## CHAP. II.

**A**ries domine sur le cœur d'O-  
riët, sur le feu, sur les humeurs  
coleriques & adustes, sur le commé-  
cement du Printemps, sur la teste, le  
nez, la face, les oreilles, & les yeux,  
Et signifie gës maigres, roux, cam<sup>p</sup>,  
coleres, robustes, & adroits, gens de  
guerre, capitaines, souldats, alque-  
mistes, & autres martialistes. Des  
ma-

maladie denote apoplexie, manie, flux de sang, rougeur de visage, abortifsemens, cheutes, playes, & toutes maladies violentes & impetueuses. Des couleurs, le rouge, iaune, & sanguinolent. Des saueurs, le doux. Des regions, Bretagne, Allemaigne, Idumee, Iudee, Angleterre, Naples, Florece, Fauëce, Imole, Capue, Ferrare, Vicence, Verone, Paue, Cracouie, Marseille, Sarragosse, & le tiers climat. Des lieux particuliers, champs, pasturages, maisons de forgeurs de monoye, & lieux de sãg & de iustice.

Taurus, domine sur la partie gauche de midy sur la terre, sur les humeurs melâoliques, sur le milieu du Printëps. Sur les machoüeres & le col. Et signifie petites gens, charnus, à grosses espauls, grans yeux, le vëtre large, gens labourieux, liberals, veritables, voluptueux, messagers, d'amours, danceurs, iouëurs. Des maladies,

IVGEMENT D'ASTROLOGIE  
maladies, escroëles, catharres,  
squinnâces, & autres maladies du col.  
Des couleurs, le verd & blâc. Des  
saueurs, le doux avec adstrictiô. Des  
regions, les maritimes d'Asie la  
moindre, Cypre, Medie, Perse, Câ-  
panie, Rhetie, Suisse, Lorraine, Bo-  
longne, Sene, Mantoüe, Tarâte, Par-  
me, Panorme, Capue, Salerne, Verone,  
& fixiesme climat. Des lieux par-  
ticuliers, champs labourez, vignes  
cultiuees, prez verdoyans, iardins,  
& autres lieux plaisâs, & odoriferâs.  
Gemini, domine sur la partie droi-  
te d'Occidēt, sur l'air, sur le sang, sur  
la fin du printemps, sur les espaules,  
bras, & mains. Et signifie gens de  
mediocre stature, belle face, beau  
corps, abondans en poil, petis yeux,  
gens labourieux, subtils, ingenieux,  
prudens, dociles, fraudulens, arith-  
meticiens, geometriēs, astrologues,  
orateurs, poëtes, aduocats, fortile-  
ges.

LIVRE II. 143

ges diuineurs, negociateurs, tisseurs.  
 Des maladies phlegmons, forôcles,  
 & autres prouenant de sang auf-  
 dites parties. Des couleurs, les mix-  
 tionnees. Des faueurs le doux. Des  
 regions, Hyrcanie, Armenie, Man-  
 tiane Cyrenaique, Marmarique, E-  
 gypte le bas. Angleterre. Sardaigne,  
 Brabât, Flandres, Lombardie, Viter-  
 be, Vercel, Noremberg, Louvain,  
 Magonce, Bruges, Londres, Paris,  
 Cordube. Des lieux particuliers,  
 foires, escoles, boutiques: lieux de  
 montaignes hautes, lieux de chasse  
 d'oiseaux, lieux garnis d'instrumens  
 de musique.

Câcer domine sur le cœur de Se-  
 ptentrion. sur l'eau, sur les humeurs  
 crues, & phlegmatiques, sur la poi-  
 trine, les costez & poulmon, sur les  
 māmelles & l'estomach. Et represē-  
 te gens amiables, pacifiques, mode-  
 stes, blācs, la face remplie, le nez lō-  
 guet,

guet, larges espaules, peu de barbe, vn peu paresseux, inconstans & pusillanimes, nauigateurs, peregrinateurs, consuls, syndics, &c. Des maladies, apoplecie, lepre, obscurité des yeux, gales, & fascheuses maladies au visage & au corps. Des couleurs, le blâc & blond. Des faueurs, le salé, & son contraire l'insipide. Des regions, Bithynie, Phrygie, Afrique, Carthage, Escosse, royaume de Grenade, Côté de Bourgongne, Prusie, Holande, Zelande, Constantinople, Thunis, Venise, Milan, Genes, Luques, Pise, Treues, Madebourg, Berne. Des lieux particuliers, estangs, lacs, riuieres, mer, & ports de mer.

Leo domine sur la partie gauche d'Oriét, sur le feu, sur la colere, sur le cœur, estomach, foye, dos. Et represente belles gens droits, le nez large & petit, grandes oreilles, vn peu estrâge regard, la face brune, le corps  
rou-



rougeastres, chauues, magnanimes,  
de grand cœur, Princes, officiers,  
magistrats, gouuerneurs, Rois. Des  
maladies, cardiaque, tremblent de  
cœur, Syncopis. Des couleurs, le iau-  
ne & roux comme or. Des saueurs,  
l'amer, & le fort. Des regions, l'Ita-  
lie, France, Apulie, Sicilie, Chaldee,  
Boheme, Rome, Rauenne, Pragues,  
Vlme, Mantouë, Cremone Syracu-  
se. Des lieux particuliers, terres no-  
bles, seigneuries, chasteaux, villes,  
palais, & edifices royaux.

Virgo domine sur la partie droite  
de midy, sur la terre, sur la melan-  
colie, sur les boyaux, ventre, & dia-  
phragme. Et signifie gens de medio-  
cre grâdeur, le corps droit, belle fa-  
ce, bonne voix, les cheueux crespes,  
petits yeux, prudens, dociles, inge-  
nieux, cupides de gloire & d'hon-  
neur, escriuans, arithmeticiens,  
geometriens, bateleurs. Des mala-

K

dies, colique, iliaque, &c. Des couleurs, le blanc, & purpuree. Des faueurs, l'astringent. Des regions, la Grece, Achaye, Crette, Mesopotamie, Assyrie, Cilicie, Athenes, Rhodes, Alexandre, Hierusalem, Corinthe, Tarante, Beneuente, Ferrare, Pauie, Basse, Paris, Lyon, Tolouze. Des lieux particuliers, foires, boutiques, escoles terres semees.

Libra domine sur le cœur d'Occident, sur l'air, sur le sang, sur le commencement d'Autonne, sur les reins. Et denote gens simples, honnora- bles, belle face avec blancheur de tout le corps, les yeux vn peu trou- blez, ou gastez, ioueurs, danceurs, musiciens, chasseurs, iuges. Des ma- ladies, suppression d'vrine, flux de sang par bas, pierres aux reins, & ob- scurité des yeux. Des couleurs, le verd. Des faueurs, le doux. Des regi- ons, Bactriane, Caspie, Thebes, Tro- glody

glodytique, Ethiopie, Tuscie, Autricie, Sauoye, Dauphiné, Galette, Plaisance, Argenton, Vienne d'Autricie, Francfort, Spire, Auguste, Arles, Lysbonne. Des lieux particuliers, ou l'on iuge les proces, tous lieux hauts, & montagnes portans blez ou vins, ou autres fruits.

Scorpio domine sur la partie gauche de Septentrion, sur l'eau, sur les humeurs phlegmatiques & aquositez. Sur les parties dediees à generation. Et signifie gens assez difformes, la poitrine large, la teste mal faite, grans parleurs, iaseurs, moqueurs, méteurs, gourmās, voluptueux, traistres, espies, empoisonneurs. Des maladies, obscurité des yeux, rongnes, tignes, chançres, lepres, alopecies, & difformes maladies au visage, & par tout le corps, empoisonnemēs, violences de medecines, &c. Des cou-

leurs, le rouge, & tané. Des faueurs  
le salé & insipide. Des regions, Sy-  
rie, Cappadoce, Terre de Mores,  
Catalongne, Bauieres, Borgongne,  
Trapezonce, Saze, Padue, Virbin,  
Brixie, Valence en Espaigne, Viéne  
Dauphiné, Salusse. Des lieux parti-  
culiers, vignes & iardins mal accou-  
strez, lieux deserts, puâts, infects, a-  
bôdâsen vers, crapaux, scorpiôs, &c.

Sagitaris, domine sur la partie  
droite d'Oriët: sur le feu: sur la cho-  
lere: sur la fin de Autonne: sur les  
cuissés, & toutes parties superflues,  
côme vn fixie sme doit &c. Et repre-  
sente gés de haute & droiste stature:  
la face iaune rouffatre, la poitrine  
ample, les yeux de chat, gens iustes,  
& pitoyables, & ceremonieux, iu-  
ges, magistrats, prelates, beneficiez,  
marchans, chasseurs. Des maladies,  
obscurité des yeux, cheuttes d'éhaut,  
bleffures par cheuaux, fiebures, pla-  
yes.

yes. Des couleurs, le iaune clair. Des saueurs, le fort & agu avec quelque douceur entremeslee. Des regions, Tuscie, Espaigne, Arabie l'heureuse, Portugal, Hongrie, Sclauonie, Volterre, Mutiue, Bude, Caschouie, Narbonne, Auignon, Tolete. Des lieux particuliers, iardins, chemins, montagnes, & ou lon paist les cheuaux.

Capricorne domine sur le cœur de midy: sur la terre, melancholie, genoux: sur le commencement de l'hyuer. Et signifie petite stature, petite teste ronde, la face brune, beau nez, beaux yeux choleres & tristes, cault, secrets, prudens, laboureurs, pasteurs, pescheurs, nautoniers, mesnagers, acheteurs de rentes. Des maladies, rongens, gales, deformitez de la peau, empeschemés des oreilles, de la voix, & des yeux, flux de sang par bas. Des couleurs, le noir, & ter-

K 3

## I 50 IJGEMENS D'ASTROLOGIE

restre. Des faueurs, l'amer astringent. Des regions, Macedoine, Thracie, Indie, Brandebourg, Anchone, Fauence, Tortonne, Ausbourg, Cofstance, Gád, Malines. Des lieux particuliers, iardins, fontaines, riuieres, champs labourez, terres cultiuees, prisós, cauernes, lieux obscurs, profonds, & pleins de fumees & de vapeurs.

Aquarius domine sur la partie gauche d'Occident: sur l'air, le sang, & les iambes: sur le milieu de l'hyuer. Et signifie belles gens, beaux vilages longuets, la face vn peu rouge, la poitrine ou le coulde marqué, gens affables, sociables, auares, prudens, adonnez à actes Saturnes. Des maladies, fieures quartes, iaunisses noires &c. Des couleurs, le verd, & iaune obscurs. Des faueurs, le doux. Des regions, Arabie, Ethiopie, Samarie, Oxiane, Tartarie, Dannemarc, Piedmont,

mont, Montferrat, Pifaure. Des lieux particuliers, lacs, estangs, aloaques, caues, sepulcres, maisons infames.

Pisces domine sur la partie droite de Septentrion: sur l'eau, phlegme, aquositez, & sur les pieds: sur la fin de l'hyuer. Et signifie gens de couleur blanche, delicats, beau front, belle poitrine, belle barbe, les yeux ouuerts & assez grās assez, maladifz pescheurs, & nauigateurs. Des maladies, gales, vlceres, & taches difformes à la peau, douleurs aux pieds. Des couleurs le verd, blanc & mixtionné. Des saueurs, le salé & insipide. Des regions, Lydie, Lycie, Cilicie, Pamphilie, Calabre, Normandie, Ratisbone, Roüan, Compostelle. Des lieux particuliers, ports de mer riuies de riuieres, estangs, & lieux aquatiques.



*De ce que signifient les planettes esdits  
signes. CHAP. III.*

**S**aturne en ses signes de Capricorne & d'Aquarius, es natiuitez diuinez, donne cognoissance & amitié de gens nobles & de credit, & grandes richesses, principalemēt en l'ascendant avec la partie de fortune: & fait l'homme graue, prudent, superbe, & melancholique: & premier de tous ses freres, ou plus auancé. Es natiuitez nocturnes, donne grāds peines & traux, & beaucoup de maladies.

Iupiter esdits signes fait l'homme petit courage, infortuné en biés d'eglise, autrement riche, qui se dit tousiours pource.

Mars, le fait audacieux grand entrepreneur, non en vain: & fait voir la mort des freres.

Le Soleil, es natiuitez diurnes, signifie

fié qu'il sera parfait & heureux en toutes les entreprises:es nocturnes, qu'il aura inconstante fortune.

Venus le fait adultere,& effeminé,& denote que les femmes ne viuront gueres.

Mercuré,y prend empeschement de langue , & rend l'homme mal disant,autrement sçauant , & qui hantera gens de sçauoir & de religion.

La Lune,fait l'homme paresseux, de qui l'on a mauuaise estimation, & de sa mere aussi, & signifie imbecillité des yeux, & grande toux.

*Aux maisons de Iupiter. ✕ ✕*

Saturne dedans les maisons de Iupiter, qui sont Sagitarius & Pisces, fait l'homme beau , riche , puissant, veritable,es natiuitez diurnes:es nocturnes,noises contre gens d'autorité,& prochaine mort du pere.

Iupiter,signifie richesse,honneur, grand credit & offices.

K 5

154 JVGEMENS D'ASTROLOGIE

Mars, rend les gens nobles, & les fait conducteurs, de guerres, & amis des Princes.

Le Soleil, les fait beneficiez, prelats, officiers, & plus auancez qu'autres de toute leur famille : ils seront toutesfois, grandement luxurieux.

Venus, y donne des biens de l'Eglise, ou du costé de femmes : & les fait discrets, honnestes, entiers : lesquels toutesfois auront souuent noise à l'encontre de ses parens, domestiques, & alliez.

Mercure, les fait iustes, gés de bien, qui par leur propre vertu parviendront à la cognoissance & amitié de grans seigneurs & Rois.

La Lune, les rend premiers, & plus honnorez entre ses amis : les fait luxurieux, sains, & de longue vie.

*Aux maisons de Mars. V<sup>mo</sup>*

Saturne, donne grand courroux, & cruelle malice.

Jupi

Jupiter, fait l'homme heureux, & amy des grands seigneurs, & conducteur de guerres, principalement au signe d'Aries.

Mars, dedans les maisons, signifie capitaines, gouverneurs de guerres, & grands seigneurs.

Le Soleil, maladies chaudes, au signe du Scorpion: au signe d'Aries, grand auancement.

Venus, denote luxure, & toute vilaine volupté, voire contre nature: & mal traitement aux femmes. Toutes fois elle au signe d'Aries fait hayr les femmes, principalement si la Lune est au mesme signe, & si le Soleil est en signe masculin.

Mercure, fait l'homme menteur, malin, trompeur, facheux, demandeur de choses iniustes: autrement eloquent, ruzé en ses affaires, diliget, soupconneux, necromancien, vn peu faulxaire, ou larron.

La

La Lune,denote mauuaises compaignies,peril d'estre noyé, & brieue fin de la mere.

*Aux maisons du Soleil.¶*

Saturne au signe du Lyon,maison du Soleil, signifie bonne fortune & longue vie au pere.

Iupiter, fait l'homme sage,de bon esprit,de bonne nature,amiable, qui par vertu viendra à la cognoissance & amitié de grands Princes & Rois.

Mars,denote mort violente,grandes maladies,perte de biens,infirmitez des yeux,& de l'estomach.

Le Soleil en sadite maison signifie grand & incredible auancement, aux angles,ou maisons succedantes, quand la natiuité est diurne : quand elle est nocturne, signifie tristesses, ennuis, & brieue fin du pere.

Venus,forté amour,grande luxure,& impudique vie, quand iupiter ne la regarde.

Mer

Mercuré, bons escriuains, gens de  
scauoir, bonne memoire, grand con-  
seil.

La Lune, honorables compa-  
gnies, & viuacité d'esprit.

*Aux maisons de Venus. ♀ ♀*

Saturne, denote impudique vie,  
amour de filles & femmes de petite  
condition, maladies à cause de lubri-  
cité.

Iupiter, compagnies honorables,  
amitié de grands seigneurs, proufit  
du costé des femmes: ou biens eccle-  
siastiques, ou prouenans de gens d'E-  
glise.

Mars, gens furieux, raiisseurs de  
femmes, deshontez à leur lubricité,  
iusques à y contraindre les parentes,  
& alliees. Au signe de Taurus fait  
l'homme faux & traytre: au signe de  
Libra, denote quelque blesseure par  
fer ou par feu.

Le Soleil, le fait contemplatif, ve-  
ritable,

**158 JVGEMENTS D'ASTROLOGIE**  
 ritable, interpreteur de songes, curieux des secrets de nature, amateur de peregrinations.

Venus, signifie resiouyffance, grãde prosperité, heureux effects des entreprinſes, mais il aimera femmes reprehensibles.

Mercurę, donne beaucoup de bõs & proufitables amis : rend l'homme plaifant, ioyeux, & muſicien.

La Lune, donne proufit des fẽmes.

*Aux maisons de Mercure. II m*

Saturne, fait l'homme fort ſçauant, ingenieux, de grand iugement: qui aura des enuieux qui le pourſuyuront, ſa langue ſera empelchee, ſon courroux violent.

Iupiter, le fait auſſi ſçauant, ou marchand, homme de bonne foy, & plus riche que ſes parens.

Mars, pareſſeux, prudẽs, cauteleux, gens de guerre, Sagittaires, negotiateurs, contrefaiſeurs de lettres, fauſſaires.

Le



Le Soleil , donne abondance de  
sçavoir tant en matiere de iugemés,  
que en mathematiques.

Venus,compagnies & amitez de  
gens d'Eglise:autrement elle les red  
fort lubriques.

Mercur en ses propre maisons, si-  
gnifie gens pleins de tout sçavoir,  
philosophes, mathematiciens, ora-  
teurs,aduocats,poètes,rhimeurs, di-  
uineurs, mechaniques industrieux.

La Lune, bonne vie & longue,  
grande intelligence des affaires qu'il  
entreprend, bonne fortune en mar-  
chandises, amour de ieunes garces.

*Ala maison de la Lune. ☾*

Saturne,grandes maladies, perte  
de biens,dommage aux yeux, voya-  
ges,desquels il ne retournera iamais,  
ou bien tard,auec grand' peine.

Iupiter,amitié de gens hōnorables,  
bonne renommee, & bōne fortune.

Mars, legereté d'esprit temerité,  
auda

160 JVGEMENS D'ASTROLOGIE  
audacieuses entreprinſes, leſion des  
yeux, perte des biens de la mere.

Le Soleil, bonne renommee : &  
ſ'il eſt ſoint à la queue du dragon, ou  
à Saturne, ou Mars, leſion aux yeux,  
peril de noyer, & frequens voyages.

Venus, ſignifie inconstance, & im-  
petueuſe luxure.

Mercuré, bonne volonté, chaſteté,  
fidelité, & heureuſe fortune en faits  
de marchandife.

La Lune, ſanté, & proufit en vo-  
yages, trafiques, & marchandifes,  
quand elle eſt fortunee: ou quand eſt  
infortunee, continuelles maladies,  
dommages aux yeux, perils de mort  
par terre & par eau.

*Des aspects des planettes entre eux.*

#### CHAP. IV.

**L**A conionction de Saturne & de  
Iupiter, donne belles poſſeſſions,  
metai

metairies, rentes, maisons, & charges des affaires du Roy, proufitables, si Mars ne les regarde.

La O-de Saturne & Mars, signifie que l'enfant sera repofé: mais il ne pourra accomplir les entreprinſes ſans grãde difficulté, & mourra pluſtoſt que ſon pere & ſa mere: & ſes freres encores mourront auant luy.

La O-de Saturne & du Soleil, perte du patrimoine, grand travail pour acquerir biens & pis es natiuitez nocturnes.

La O-de Saturne & Venus, denot que l'homme n'aura point d'enfans malſes, qu'il épouſera quelque vieille, ou quelque veſue, ou autre de ſorte infame condition, ou vne bachelere, ou autre, bleſſee de ſon honneur, Ion de laquelle les parens ont quelque tache.

La O-de Saturne & Mercure, le rend vagabond pauvre, indigent, de

L

162 JVGEMENTS D'ASTROLOGIE  
 nul mestier, duquel la langue est  
 empeschée.  
 La O de Saturne & de la Lune,  
 imbecillité du corps, perte du costé  
 des parens.  
 La O de Jupiter & Mars, signifie  
 richesse, domination, gouuernement  
 de guerres, bonne & grande re-  
 nommee.  
 La O de Jupiter & du Soleil, pa-  
 ureté, & indigence, s'il n'est orien-  
 tal, car alors il promet bonne fortune  
 au pere, à luy, & à ses enfans.  
 La O de Jupiter & Venus, bonne  
 institution, amitié de gens honno-  
 rables, & proufit d'eux, & de la fem-  
 me & des enfans.  
 La O de Jupiter & Mercure, signi-  
 fie legistes, secretaires, chancelliers.  
 La O de Jupiter & de la Lune,  
 grandes richesses.  
 La O de Mars & du Soleil, perte  
 du patrimoine, domage es biens  
 cour.

courte vie au pere, & grand peril  
d'estre brullé à l'enfant.

La O-de Mars & de Venus, pro-  
ces noïses, débats à cause des fem-  
mes, adulteres avec femmes d'infir-  
me condition.

La O-de Mars & Mercure, méteurs,  
ruzez, eloquens, diligēs, babillards.

La O-de Mars & la Lune, courte  
vie, playes, coups, danger de mort  
violente par fer, ou par feu, ou par  
cheuttes & ruines.

La O-du Soleil & de Venus, lou-  
ange, bonne renommee, faueur du po-  
pulaire, mesmement des femmes.

La O-du Soleil & de Mercure,  
sapience, science, grand auancemēt,  
& estimation d'estre fort sçauant.

La O-du Soleil & de la Lune, cour-  
te vie, domination, & compagnies  
honorables.

La O-de Venus & Mercure, fait

l'homme plaissant, ioyeux, iouëur, danseur, musicien, bien accoustre: & luy apporte dommage du costé des femmes. S'ils sont conioints sous les rayons du Soleil, ils font quelque notable lesion es parties de generation.

La  $\circ$  de Venus & de la Lune, fait l'homme beau & plaissant, superbe, adultere, & de qui la femme est adultere, si Mars y iette ses rayons, sans aspect de Iupiter.

La  $\gamma$  de Mercure & de la Lune, signifie louange, bonne renommee, science, & inconstance de mœurs & de fortune.

Le trine aspect de Saturne & Iupiter, signifie heritages, possessions, belles maisons, richesses, rencontres de thresors, grans gains, quand ils sont es fortunables lieux de la figure.

Le  $\Delta$  de Saturne & Mars, grand auancement, dignitez, grand credit, domi

domination & gouuernemens de  
villes & pays : & mort des freres.

Le  $\Delta$  de Saturne & du Soleil, do-  
mination, offices, dignitez, grande  
renomme, es natiuitez diurnes : es  
nocturnes, fait dissiper les biens pa-  
trimoniaux, & derechef les fait par  
sa vertu redresser, & acquerir de plus  
grans.

Le  $\Delta$  de Saturne & Venus, fait  
l'homme reposé, pacifique, honne-  
ste, pudique, de bonne conversation,  
de bonne renommée : qui de gens de  
basse condition sera pouruiuy d'en-  
uie, & se mariera tard.

Le  $\Delta$  de Saturne & Mercure, le  
fait prudent, ruzé en tous les affaires,  
homme de bien, & fort sçauant, inge-  
nieux, industrieux, arithmeticien, geo-  
metrien, astrologue, geographe, pre-  
sident en matieres de contes & cal-  
culations, chancelliers, secretares,  
grefiers.



166 JVGEMENTS D'ASTROLOGIE

Le  $\Delta$  de Saturne & de la Lune, faueur de grans seigneurs & Rois, gloire, honneur, domination.

Le  $\Delta$  de Iupiter & Mars, signifie audace, honneur, victoire, faueur de Rois, gouuernemens de ville, grãd credit.

Le  $\Delta$  de Iupiter & Soleil, fauorise grãdemēt à gloire, honneur, domination, credit, & dōne grãdes richesses, & belles possēssions, & beaux enfans.

Le  $\Delta$  de Iupiter & Venus, denote beauté, grace, fidelité, honnesteté, proufit des femmes, & des amis, dignitez, heritages par leurs moyens.

Le  $\Delta$  de Iupiter & Mercure, fait l'homme ingenieux, subtil, sçauant, de bon iugement & aduis, heureux en ses entreprinſes, iuge, officier, grand seigneur, secretaire, bien entendu en secrets de nature, & en Astrologie.

Le

Le  $\Delta$  de Iupiter avec la Lune, signi-  
 fie noblesse, gloire, honneur, bone re-  
 nommee, amour de vertu, fidelité,  
 principauté & dominations. s. l.  
 Le  $\Delta$  de Mars avec le Soleil, grãd  
 auancement, grand credit, dignitez,  
 dominations administrations de re-  
 publiques, & conduites de guerre.  
 Le  $\Delta$  de Mars avec Venus, gaing,  
 richesses, biens des femmes, super-  
 be, arrogance, braueté, lubri-  
 cité. s. l.  
 Le  $\Delta$  de Mars, & Mercure, pru-  
 dence, ruse, subtilité d'esprit: & fait  
 l'homme secretement studieux, bon  
 aduocat, president en matieres de  
 contes, & riche. s. l.  
 Le  $\Delta$  de Mars avec la Lune, le  
 fait heureux en tout ce qu'il entre-  
 prend, president en matieres de co-  
 res, officier honorable, & grand  
 seigneur avec bonne renommee.  
 Le  $\Delta$  du Soleil avec Venus, signi-  
s. l.

168 JUGEMENTS D'ASTROLOGIE  
 fie ce que le trine de Mars & Venus,  
 avec grand honneur des dites signi-  
 fications. *utroque ab utroque, communon*  
 Le  $\Delta$  du Soleil avec Mercure &  
 avec la Lune, semblablement com-  
 me de Mars, avec grand honneur &  
 prouffit. *utroque ab utroque, communon*  
 Le  $\Delta$  de Venus avec Mercure,  
 braueté, plaifance, grâce & beauté,  
 & heureufes entreprinſes avec  
 prouffit. *utroque ab utroque, communon*  
 Le  $\Delta$  de Venus & la Lune, beau-  
 té, grace, braueté, fupérbe, aduſiere.  
 Le  $\Delta$  de Mercure avec la Lune,  
 fait grandement eſtimer l'homme  
 en la profeſſion, ſoit en musique,  
 peinture ou autre induſtrie, mecha-  
 nique, ou en tout ſçauoir, ou en mar-  
 chandiſe, ou office. *utroque ab utroque, communon*  
 Les ſextiles aspects ſont les meſ-  
 mes effets que les trines, à excepté  
 que les ſextiles ne ſont de ſi parfaite  
 vertu. *utroque ab utroque, communon*  
 Le

Le quadrat aspect de Saturne & Jupiter, signifie perte de biens patrimoniaux grâdes adueltitez empeschemēt en toutes entreprinſes, vainēs cogitations, principalement quand Saturne eſt eſſeué ſur Jupiter, ſans le recevoir.

Le II de Saturne & Mars en-  
signifie autant : & outre, fait voir la  
mort des freres.

Le II. de Saturne. & du Soleil, ou-  
tre les dites significations, porte grãd  
dommage à l'honneur. & gaste le  
corps de maladies froides, & con-  
tractions de nerfs; & fait mourir le  
père plustost que la mère. & rend  
l'estat un peu mal agreable au pere.

291 Le Juy de Saturne avec Venus, per-  
te de biens, pauuereté, misérables for-  
tunes aux femmes; incivilité, quand  
Saturne tient la droite partie de l'as-  
pect. Car quand Venus la tient,  
l'enfant sera pudique & de bonnes

amours, & ses femmes l'aimeront affectueusement, combien que elles dissimulent l'amour, & veulent dominer en la maison.

Le ☐ de Saturne & Mercure, fait l'homme laborieux, fief, de pauvre conseil, sourd, ou mal ouyant, begue, ou mal parlant, pourfuiuy d'enuie.

Le ☐ de Saturne & de la Lune, le fait paresseux, maladif, mal gracieux, chagrin, sans amis, dissipateur des biens de sa mere & de ses femmes.

Le ☐ de Jupiter & Mars, si Jupiter est plus puissant, signifie que l'enfant sera estimé, prisé, & honoré des Princes & Rois, & qu'il sera perseuerant en ses entreprises avec prouit, toutesfois il perdra ou dissipera les heritages & possessions, & verra la mort ou destruction de ses enfans. Si Mars est plus eslené, il signifie procès, débats, perte à cause de grands seigneurs, & vie laborieuse.

Le

Le  $\Pi$  de Iupiter avec le Soleil,  
si Iupiter est superieur, honneur prou-  
fit, & bonne fortune au pere, si le So-  
leil est superieur, l'enfant dissipera  
ses biens, & ne sera aimé de ses voi-  
sins, & s'en ira hors de son pays.

Le  $\square$  de Iupiter & venus, proufit  
des femmes, fidelité, honnesteté, ci-  
vilité, quand Iupiter est plus haut.  
Quand il est inferieur, luxure, dece-  
ption par femmes, inconstance, ioye  
incontinent tournée en tristesse,  
quand Venus n'est par Iupiter re-  
ceüe.

Le  $\square$  de Iupiter & Mercure, signi-  
fie l'homme sçauant, mathematicien,  
sortilege, deuineur, abondant en ser-  
uiteurs assez fideles, & luy assez ri-  
che, principalement quand Mercu-  
re est receu par Iupiter.

Le  $\square$  de Iupiter & la Lune, bô-  
ne renommee, grand honneur, co-  
gnoissance & amitié de grâs seigneurs  
avec

171 JVGEMENTS D'ASTROLOGIE  
auec vne petite inconstance de fortune, & des mœurs.

Le ☐ de Mars auec le Soleil, signifie beaucoup de maux, perte de biens, obscurité des yeux, & grand danger de mort violente, ou publique.

Le ☐ de Mars auec Venus, grandes facheries & tribulations à cause des femmes, inconstance, legereté d'esprit, & fait espouser femmes de basse condition, ou impudiques & aucunement diffamees, quand Mars est en signe mobile.

Le ☐ de Mars auec Mercure, imbecillité de tout le corps, prisons, poursuites, accusations, faule nature de l'enfant, auecq' malice, & iniquité.

Le ☐ de Mars & la Lune, signifie la mere estre imbecille & de fort courte vie, & l'enfant mauuais garçon, prodigue, incōstant, pauvre, qui mourra miserablement, & duquel  
les



les femmes seront superbes, arrogantes & terribles.

Le  $\square$  du Soleil & Venus, signifie ce que le quadrat de Iupiter & Ven<sup>us</sup>.

Le  $\square$  du Soleil & Mercure, ce que le quadrat de Iupiter & Mercure.

Le  $\square$  du Soleil avec la Lune, augmente les dignitez & l'honneur, & donne des enuieux.

Le  $\square$  de Ven<sup>us</sup> & Mercure, fait l'homme diligent, & industrieux en son office, & bien renommé: mais il recevra quelque infamie à cause des femmes.

Le  $\square$  de Venus avec la Lune, le fait assez riche, & heureux en sa profession, eloquent, gracieux, assez heureux en femmes & enfans: mais il aura quelque perte de biens & de l'honneur à cause des femmes.

Le  $\square$  de Mercure avec la Lune, le fait sçavant, ingenieux, eloquent, inconstant de mœurs & de fortune, qui de sedition populaire sera sur-

surpris, ou sera accusé par plusieurs conspirateurs.

¶ L'oppositiō de Saturne & Iupiter signifie grans troubles, mille facheries, & tribulations; priuation d'enfans. Si Saturne est en l'ascendant, & Iupiter en la septiesme, le commencement de la vie fera avec peines, tribulations & tourmens: la fin avec repos, prouffit, & honneur.

¶ La ☿ de Saturne & Mars, sans aspect de Iupiter & Venus, denote grands troubles, seditions populaires, & conspirations à l'encontre dudit homme, beaucoup de maladies insupportables, ruines, cheutes, perils en eauës, mort violente, ou pestilence: & miserable pere.

¶ La ☿ de Saturne & du Soleil, sans aspect de Iupiter, fait l'homme malade, triste, plein de soucis, plein de tribulations, avec grande perte de biens & danger de mort violente.

La ☿ de Saturne & Venus, le fait mal gracieux, despourueu de beauté & de vertu, lubrique, infamé à cause des femmes.

La ☿ de Saturne & Mercure, empeschement de la langue, separation de ses freres, sciéce, taciturnité.

La ☿ de Saturne & la Lune, dissipation des biens maternels, griefs accidés à la mere, troubles & tribulations, avec grands dangers de mort violente, selon la nature du signe auquel sera la Lune.

La ☿ de Jupiter & Mars, temerité, dissipation de biens, inimitiez de ceux qui estoient amis, inconstante fortune.

La ☿ de Jupiter & du Soleil, fait dissiper les biens paternels, & vendre ses offices, & gaster son honneur.

La ☿ de Jupiter & Venus, signifie inconstances amities, ingratitude de ceux à qui il aura fait du bien.

## 176 IJGEMENS D'ASTROLOGIE

bien, autrement suffisante fortune.

La ☿ de Jupiter & Mercure, seditions populaires, enuies, conspirations, noies, proces, inimitez des freres desquels il verra la mort.

La ☿ de Jupiter avec la Lune, suffisante fortune apres long travail.

La ☿ de Mars & du Soleil, gaste les yeux fait estre tué, ou tober d'ehaut, fait dissiper les biens paternels, & bien tost mourir le pere.

La ☿ de Mars & Venus, red l'homme voluptueux, & un peu vitieux, imbecille, inconstant, & fait mourir ses femmes & enfans. En signes tropiques fait espouser femmes de basse condition, ou aucunement dissolues.

La ☿ de Mars & Mercure sous l'ascpe & de Jupiter, red l'homme faulx, de mauvaise conscience, accompagné de mauvais garçons, accusé de plusieurs crimes, pour lesquels il sera fugitif.

ou

ou bāny, principalement si Mercure est dedans les maisons de Saturne.

La ☿ de Mars & de la Lune, gaste les yeux, & le corps de coups, blessures, & autres maladies, donne grandes aduersitez, fait haïr le mariage, & cause de mort violente, & souuēt publique : principalement quand la Lune croit es angles, sans suffisant aspect des fortunes.

La ☼ du Soleil & de Venus & de Mercure, signifient ce que nous auons dit de Iupiter.

La ☼ du Soleil & de la Lune, changement de fortune, de biés, & d'honneur, pauureté apres richesse, deshonneur apres honneur, imbecillité du corps apres santé, & mutation de bien à mal: avecq' grande inconstance de mœurs.

La ☿ de Venus & Mercure, enuies, querelles & inimitiez à cause des femmes: autrement grace, elo-

M

178 IJGEMENS D'ASTROLOGIE  
 quence, beauté, braueté.  
 La  $\odot$  de Venus avecq' la  $\text{Lune}$ ,  
 mariage malheureux, iniures des fē-  
 mes, & priuation d'enfans.  
 La  $\odot$  de Mercure & de la  $\text{Lune}$ ,  
 conspiratiōs à l'encontre de luy, en-  
 nieux, trahisons, crainte, lubri-  
 cité.  
 Semblablement faut regarder la  
 partie de l'ame, & de leurs aspects  
 avec lesdits planettes faut iuger  
 comme des aspects des planettes  
 avec le Soleil & la  $\text{Lune}$ . Car la  
 partie de fortune est partie de la  $\text{Lune}$ :  
 & la partie de l'ame, est partie du  
 Soleil. Qui voudra considerer les as-  
 pects enuers les autres parties &  
 maisons du ciel, il en pourra iuger  
 comme des planettes desquels les  
 projections desdites parties seront  
 faites, &c.

Des significations des douze maisons.

CHAP. V.

**L**A premiere maison signifie la vie, nourriture, & disposition du corps, & de l'ame, & la complexion, & represente la teste, le cerueau, la face, les oreilles, & le nez, & s'appelle horoscope angle d'Orient, & ascendant.

La seconde maison, signifie biens, traffiques, richesses, gaings, compagnie pour faire prouffit, gens qui aident à gagner: signifie aussi or & argent & tous biens meublés: & s'appelle Maison succedante à l'ascendant, & basse entree, & domine sur le col.

La tierce, denoté les freres & sœurs, les cousins & alliez, & petits voyages, & la foy, & deuinations, & songes, & s'appelle Maison cadante de l'ascendant autrement deesse, & a regard sur les espaules, iâbes, & bras.



180. JUGEMENTS D'ASTROLOGIE  
 La quatriefme signifie les peres  
 & parreins, possessions, heritages,  
 maisons, champs, prez, vignes, la-  
 bourages, bois, & autres biens im-  
 meubles, thresors & biens sous terre  
 cachez, & choses minerales, prisons,  
 lieux obscurs, & la fin de toutes cho-  
 ses, & ce que adient apres la mort,  
 comme sepulture, bonne renommee,  
 &c. E s'appelle angle de la terre, &  
 profond de la terre, & domine sur la  
 poitrine & poulmon.  
 La cinquieme signifie enfans &  
 filles, neveux, estreines, donations,  
 plaisirs, voluptez, aornemens, bra-  
 uetee, dances, ieux, banquets, legati-  
 ons, ambassades, l'or & l'argent & la  
 richesse du pere, le profit d'herita-  
 ges, possessions, & labourages. Et  
 s'appelle maison succedante à la  
 quatriefme, & autrement bone fortune,  
 & regarde le coeur & l'estomach.  
 La sixieme denote les seruiteurs,  
 les

SIDOIOE IV RE XII M DVI 181  
 les maladies, & bestes inhabiles à  
 cheuaucher, comme sont chies, bre-  
 bis, moutons, chieures, gelines, &c.  
 & a quelque signification sur les pri-  
 sons, sur les iniustices, & faulces ac-  
 cusations. Et se nomme Maison ca-  
 dange de la quatriesme, & autrement  
 mauuaise fortune, & regarde le ven-  
 tre, & les boyaux.  
 La septiesme, noces, mariages,  
 fegunes, proces, querelles, noies,  
 débats, inimitiez declarees, & gens  
 qui participent aux gaings & prou-  
 fits, & signifie aussi, vieillesse, &  
 lieux estranges. Et se nomme, Angle  
 d'Occident, & domine sur les reins.  
 La huitiesme, tristesse, ennuis, lōgs  
 tourmens, la qualite de la mort, le  
 debuire des femmes, heritages d'au-  
 tres que de ses parens, proufit de  
 ceux qui participent au gaing, biens  
 auxquels l'on n'aura grandement  
 penie. Et se nomme Maison suece-  
 M 3

181 IJGEMENS D'ASTROLOGIE  
dante à l'angle occidental : & autrement, entree d'en haut . Et regarde les parties de generation.

La neufiesme, longs voyages, lo-  
gues peregrinations & nauigations,  
foy, religion, sacrifices, ceremonies,  
science, sagesse, deuinations, songes,  
prodiges, interpretations, & nouue-  
aux intellects, sectes, paradoxes, si-  
gnes du ciel, punitions diuines, Et se  
nomme, Maison cadante de l'angle  
occidental: & autrement, maison de  
Dieu, & regarde les cuisses.

La dixiesme, honneur, dignitez,  
offices, magistrats, administrations,  
gouuernemens, dominations, con-  
duites, bonne renommee estimatio,  
profession & action, & la mere. Et se  
nomme Milieu du ciel, Cœur du  
ciel, Point meridional, Angle me-  
ridional, & regarde les genouils.

La vnzieline, amis, compagnies,  
espoir, confiance, faueur, aide, se-  
cours,

M

cours, louange, estimation, renommée, conseil des amis : & se nomme Maison succedante à l'angle Meridional: autrement bon ange, & regarde les iambes.

La douziésme, inimiti s'occultes, prisons, captiuité, seruitudes, tristesses, tourmens, plaintes, lamentations, regrets, haynes, trahisons, ribaudes, cheuaux, & autres grans animaux principalement equitables. Et s'appelle maison cadante de l'angle Meridional: & autrement malin esprit: & regarde les pieds.

*Des seigneurs des triplicitez desdites*

*maisons.*

#### CHAP. VI.

**L**E premier seigneur de la triplicite du premier angle signifie la nature & vie de l'enfant, & les cogitations & volonte, ce qu'il aime

184 IJGEMENS D'ASTROLOGIE  
 & reiette, ce qui luy doit aduenir de  
 santé ou maladie, de bô ou mauuais  
 entretenement, de perils de sa vie, à  
 son premier aage.  
 Le second seigneur de la triplicité  
 dudit angle, signifie la force &  
 vigueur du corps, & le milieu de  
 la vie.  
 Le tiers, represente la fin de la vie.  
 Le premier seigneur de la triplici-  
 té de la seconde maison, signifie  
 richesses.  
 Le second, la maniere d'vser desdi-  
 tes richesses.  
 Le tiers, l'intention & conscience  
 en les acquerant.  
 Le premier seigneur de la triplicité  
 de la tierce maison, signifie les  
 plus vieux & premiers freres.  
 Le second, les moyens.  
 Le tiers, les moindres & plus ieunes.  
 Le premier de la quatriesme, signi-  
 fie les parens.

M

Le

Le second, les terres, possessions & maisons.  
 Le tiers, emprisonnemens, & fin des choses.  
 Le premier de la cinquième, signifie enfans.  
 Le second, amour, plaisir, grace, braveté.  
 Le tiers, legations, ambassades, messages.  
 Le premier de la sixième, maladies & tribulations.  
 Le second, seruiteurs.  
 Le tiers, bestail, prisons, & le proufit des significations de ladite maison.  
 Le premier de la septième, femmes.  
 Le second, noies & proces.  
 Le tiers, participations.  
 Le premier de la huitième, la mort.  
 Le second, antiquitez.  
 Le tiers, heritages.  
 Le premier de la neuvième, peregrin.

M s

nations, longs voyages, navigations.

Le second, foy, religion, deuotion.

Le tiers, science, deuinations, songes, propheties, sorts, augures, prodiges, sectes.

Le premier de la dixiesme, la profession, honneur, dignitez, auancement.

Le second, audace & façon de faire en sa profession.

Le tiers, signifie s'il perséuera en telle fortune.

Le premier de l'onzieme, signifie confiance, espoir.

Le second, les amis.

Le tiers, le proufit de l'onzieme maison.

Le premier de la douzieme, signifie les ennemis.

Le second, les peines & travaux.

Le tiers, les bestes equitables, & autres dedies à charger & labourer.

De



De ce que signifient les planettes dedans  
les douze maisons.

CHAP. VII.

**E**N la premiere maison, Saturne  
hors de ses principales dignitez,  
signifie que l'enfant sera de courte  
vie, & infortuné, difforme, mal gra-  
cieux, qui mourra à cause de debtes  
ou de terres & possessions: toutesfois  
il sera le premier de ses freres.  
Lupiter en ladite maison, signifie  
longue vie, bonne fortune, beauté,  
honnesteté, amour de vertu, crainte  
de Dieu, honneur, amis, faueurs: &  
fait l'homme premier de ses freres.  
Mars audit lieu blesse tousiours la  
teste, ou la face, & fait despendre vne  
partie du bien, & entremesse beau-  
coup de discordes & contentions. Si il  
est en la maison ou exaltation il le  
fait puissant & vaillant homme, har-  
dy,

dy, fortuné aux armes. Hors de ses principales dignitez, le rend malin, malin, iracunde, furieux, sedicieux, mutin, quereleux, principalement quand les fortunes n'y entremellent leurs rayons.

Le Soleil y donne, honneur, loiange, estimation, credit, grand auancement, faueur de grans seigneurs, richesses du costé des Princes, & fait l'enfant premist né, ou plus auancé que tous les autres freres.

Venus y donne grace, beauté, braueté, ciuilité, amitié des femmes, santé, & prosperité: & rend l'homme lubrique, ioyeux, musicien, danseur, vn peu inconstant.

Mercuré le fait ingenieux, diliget, sçauant, apprehensif, de bon jugement, de bonne memoire, bon lecteur, bon escriuant, grand mathematicien, & versé en tout sçauoir.

La Lune le rend inconstant, vagabond,

189  
 bon, qui entreprend diuers affaires,  
 addonne à plusieurs voyages, hom-  
 me sain, fortuné, beau, vn peu taché  
 au visage, qui sera remuneré de  
 grands seigneurs.  
 La teste du dragon lunaire, l'hon-  
 neurs, dignitez, faueur de grans sei-  
 gneurs, & de prelatz.  
 La queue du dragon, perte de biens  
 & d'honneur, difformité, obscurité  
 des yeux, & grand danger de perdre  
 la veüe.  
 En la seconde maison, Saturne  
 hors de ses principales dignitez de-  
 struit l'homme, & luy fait despendre  
 & dissiper son bien, le rend pauvre &  
 despourueu de secours. En la maison  
 ou exaltation le fait riche, auare, &  
 avec tout son bien miserable.  
 Jupiter y donne grandes richesses  
 par honnestes moyens.  
 Mars, luy fait despendre son bien,  
 & à la fin le rend pauvre par diuer-  
 ses

190 IJGEMENS D'ASTROLOGIE

les facons.

Le Soleil, le fait honnorable, magnifique, liberal, braue: qui en magnificences despendra son bien.

Venus, donne aide & secours, & grandement entichit, principalement du costé des femmes, & des gens d'eglise.

Mercure, proufite en fait de marchandise, & d'eseritures, & industries mechainiques, & mille moyés pour deuenir riche.

La Lune, richesses, & auancement par ambassades, messages & legations, quand elle est fortunee. Infortunee, signifie peines & traualx pour les biens de ce monde, sans rien auancer: & empeschemens à tout ce que l'on'entrepren.

La teste du dragon, richesse, grand gaing & proufit, heritages, ou biens d'Eglise.

La queue du dragon, pauureté, destruction,

LIVRE II. 191

struction, prodigalité, folle despence  
 en ieux, & cheutte d'enhaut sans y  
 penser.

En la troiefme, Saturne destruit  
 les freres, & fait voir leur mort, en-  
 tremelle noises & proces entre les  
 freres, rend l'homme infortuné en  
 voyages petis, hypocrite; supersti-  
 tieux, timide, craintif, estonné de ter-  
 ribles songes.

Jupiter, signifie bonne paix & cõ-  
 corde entre les freres, non sans prou-  
 fit: & fait l'homme prudent, deuot,  
 heureux en voyages prochains, & de  
 qui les songes seront vrais.

Mars, signifie grandes iniures, noi-  
 ses, & proces entre les freres, & fait  
 tost mourir tous les freres: & rend  
 l'homme terrible; blasphemateur,  
 parjure, trompeur, ne craignât Dieu,  
 qui sera infortuné par les chemins,  
 & souvent sera en danger de tom-  
 ber entre les mains des brigans &  
 larrons,

192 JUGE MENS D'ASTROLOGIE  
 larrons, & sera tourmenté de terri-  
 bles & vains songes.  
 Le Soleil, honneur, dignitez, of-  
 fices hors de son pays, longues pere-  
 grinations, honorables freres, &  
 songes veritables.  
 Venus, amour entre freres, heu-  
 reux voyages, crainte de Dieu, son-  
 ges veritables.  
 Mercure, proufit en traffiques, vo-  
 yages, foires, marchiez, & donne grâd  
 sçauoir, & bon heur en tous faits cõ-  
 cernans les biens de gens d'eglise: au  
 signe de Gemini ou de Libra, fait  
 l'homme bon musiciẽ, sonneur d'in-  
 strumens de musique, principale-  
 ment en conionction ou bon aspect  
 de Venus.  
 La Lune, le fait adonné à souuent  
 aller çà & là, à peregriner, tellement  
 qu'il ne s'arrestera gueres en vn  
 lieu: toutesfois il sera en ces actes  
 prisé & honoré, & rencontrera  
 bonne

bonne fortune, bons amis, & grans seigneurs qui l'employeront à legations, ambassades & autres voyages, & il sera aimé & prisé de ses freres.

La teste du dragon, signifie que les freres seront de plus grand estat & de plus grande autorité que luy. Toutesfois il donne quelques biens ecclesiastiques.

La queue du dragon destruit les freres, & les fait tous mourir bien tost.

En la quatriesme, Saturne hors de ses principales dignitez, fait dissiper le patrimoine, rend l'homme pauvre, & infortuné en biens immeubles en maisons, terres & possessions, en semences & cultures. Et signifie que la mere sera d'infime condition, & ne viura gueres. S'il est dedans sa maison ou exaltation, il donne heritages, maisons, terres, possessions,

N



& signifie la mere estre honorable,  
& de assez longue vie.

Iupiter, le rend fort heureux en  
biens immeubles, luy donne beau-  
coup d'heritages, & aucune fois fait  
rencontrer thresors, & biens aus-  
quels il n'aura iamais grandement  
pensé, & signifie le pere estre de lon-  
gue vie, & heureux, & que l'enfant  
sera estimé apres sa mort, & sera ho-  
norablement mis en sepulture.

Mars, perte de biens par feu, ven-  
te de maisons, terres & possessions,  
destruction d'arbres, dissipation d'he-  
ritages, mauuaise fin, playes, effusion  
de sang, mauuais renom apres sa  
mort, & courte vie au pere.

Le Soleil, belles possessions, sei-  
gneuries, dominations, heritages,  
belles maisons, loüange, honneur,  
bonne fortune sur ses vieux ans, &  
bonne renommée apres la mort, &  
honorable sepulture. Et naturelle-  
ment

ment le rend apte à deviner, & prevoir les choses futures.

Venus signifie ce que Jupiter.

Mercuré fortuné, rend l'homme industrieux, provident, prevoyant les choses à venir, acheteur de rêtes, de maisons, terres & possessions: planteur d'arbres, curieux des rustiques affaires, enclin à assembler or & argent: S'il est infortuné, le rend querelleux, noisif, haï de ses voisins, toujours fâché, plein de despits, & peu estimé.

La Lune, signifie ce que auons dit de Mercuré, excepte qu'elle incite plus à moulins, estangs, & semblables acquisitions, & rend l'homme au commencement infortuné, & sur la fin heureux, principalement quand la natiuité est diurne.

La teste du dragon en signes aërez & ignees, signifie ce que Jupiter: en terrestres & aquees, ce que la queue.

La queue, fait bien tost mourir le pere, & dissiper les heritages & biens immeubles.

EN la cinquiesme Saturne signifie tristesse, rustilité, inciuilité mauuaise grace, mal entretien, priuation ou mort des enfans, & naturellement fait aller mal propre & mal vestu.

Iupiter y donne grace, honesteté, prudence ciuilité, braueté, richesse, proufit de legations & embassades, abondance d'enfans beaux, bien mo- rigenez, bien instruits & aimez: bonne fortune du costé de gens d'eglise, donations: & fait porter anneaux, pierreries, doreures, & bonnes odeurs.

Mars y destruit & fait mourir les enfans, ou totalement le priue d'enfans, & red l'homme mal-heureux en toutes significations de la cinquiesme maison, quand il est hors de

de ses principales dignitez. Dedans sa maison ou exaltation, le rend fort lubrique, impudent, temeraire, effronté, abondant en bastards & mauvais enfans.

Le Soleil, beaux enfans, compagnies honorables, bonne renommée, legations, dons de grans seigneurs, & incite à porter anneaux, doreures, pierreries & odeurs.

Venus, fait l'homme plaissant, delectable, ioyeux, danseur, fauteur, ioueur, riant, braue, magnifique, musicien, heureux en enfans, lubrique, & vn peu ialoux.

Mercure, le fait iaseur, moqueur, braue, bien escriuant, bon peintre, industrieux de ses mains, ingenieux, musicien, voluptueux, ne se souciât gueres des affaires & tribulations, & assez heureux en enfans, adonné à ambassades, voyages & legations.

La Lune, le fait syndic, consul, af-

N. 3.

seigneur, legat, ambassade esleu par le peuple, & du peuple richement remuneré, adonné à banquets, & heureux en enfans.

La teste du dragon, ce que Iupiter.

La queue, ce que Mars & Saturne signifient des enfans.

En la sixiesme, Saturne, douleur de ventre & de dents, plusieurs maladies, mauvais seruiteurs & malheur en brebis, moutons, & semblable bestail.

Iupiter, bons seruiteurs, santé du corps, bonne fortune en nourriture de bestail.

Mars dedans la maison ou exaltation, bons seruiteurs de guerre, profession de medecine. Hors desdits lieux, maladies chaudes, pestilences, epidemies, mauvais seruiteurs, rebelles & larrons.

Le Soleil, maladies du cœur, imbecillité du corps, facheries pour les  
ser

seruiteurs.

Venus, imbecillité de reins & des parties de generation; autremēt santé du corps, bons & fideles seruiteurs bonne fortune en nourriture de bestail, & communement fait aimer impudiquement les chamabrieres: & es natiuitez des femmes, fait aimer les seruiteurs: & signifie perils de mort aux enfentemens.

Mercur, signifie qu'il deceura les femmes, & sera deceu d'elles, & de ses seruiteurs: & le rend trompeur, dissimulateur, detracteur de mauuais memoire. S'il est avec Saturne ou Mars, il menasse de mort par venin, ou de conspiration des seruiteurs, ou en prison.

La Lune, denote imbecillité des yeux & du cerueau, grādes & frequētes maladies, noīses contre les parens, inimitiez des femmes, compagnies de gens d'infime condition,

N 4

100 JUGEMENTS D'ASTROLOGIE  
 quand elle est infortunee : fortunee  
 donne santé, & proufit de nourritu-  
 re de bestail, & bon seruiteurs.  
 La teste du dragon, preserue de  
 maladies, donne bons seruiteurs, &  
 bonne fortune en bestail.  
 La queue, maladies, infideles ser-  
 uiteurs, perte de bestail.  
 En la septiesme, Saturne hors de  
 ses principales dignitez, signifie  
 qu'il espousera vne mauuaise fem-  
 me, ou tachee de quelque infamie,  
 propre, ou de ses parens : ruyne des  
 ennemis, & peril de mauuaise mort.  
 En signe aquee, denote hemorroy-  
 des, fistules, contraction de nerfs, &  
 maladies au doz. En sa maison ou  
 exaltation, signifie la femme estre ri-  
 che, & les ennemis puissans.  
 Iupiter, heureux mariage, la fem-  
 me honneste, pudique, vertueuse,  
 belle, riche : victoire contre ses en-  
 nemis, & fortunee vieillesse.

Mars



Mars en sa maison ou exaltation, ou hors de ses dignitez, tousiours signifie puissans & terribles aduersaires, femmes brutales, ou marys brutaux es natiuitez des femmes: impudence de l'homme, temerité, lubricité, dangers d'estre tué, & d'auoir coupez les pieds & les mains.

Le Soleil, puissans ennemis, riche femme & bien aparentee, honnorable vieillesse.

Venus, honneste mariage, femme vertueuse & proufitable au mary, heureuse vieillesse.

Mercuré, lubricité, noises & debats entre le mary & la fême, facheries à cause de ses impudiques desirs, astuce scièce de nobres, amour de vertu. S'il est avec Saturne ou Mars il tuera sa femme, & fera tué, ou mis en prison, & mis en exil, ou condamné à mort par sentence de iuge.

La Lune, proufit des femmes.

N 5.

mille noïses & proces, desir de chāger de pays. Si elle est fortunee, signifie tout bien en toutes significations de ladite maison : infortunee denote le contraire.

La teste du dragon, ce que Iupiter.

La queue, fait tost mourir la femme, & destruire les ennemis.

En la huitiesme, Saturne hors de ses principales dignitez signifie mort estrange, regrets, pleintes, lamentations, longs tourmens, tristesses, angoïsses, pauureté. En la maison, ou exaltation, heritages, biens ausquels il n'aura grandement pensé, mort par flux de ventre, ou par peste, ou de quelque maladie froide & lōgue.

Iupiter, longue vie, cest à sçauoir iusques à soixante & douze ans, heritages, bien des femmes, bonne mort.

Mars hors de ses principales dignitez signifie mort hastiue, pestilence,

lence, epidemie, occision, & autres  
façons de mort violente. S'il est avec  
la teste du dragō, il sera pēdu. S'il est  
en sa maison ou exaltation il donne  
des biens, non sans grandes noïses,  
& terribles proces.

Le Soleil, le fait mourir inconti-  
nent après estre mis en honneur, si-  
gnifie courte vie au pere, heritages à  
l'enfant, perte de biens par violēce  
de grās seigneurs, bone mort: exce-  
pté quand il est opprimé des infor-  
tunés. Car alors en signe aéré fait pē-  
dre & estrāgler: en ignee, brusler ou  
tuer: en terrestre, fait mourir de  
cheutte, ou ruyne: en aquee, noyer:  
excepté au signe du Scorpion, là ou  
souuent fait mourir de peste, ou de  
venin, ou de morsure de chiens en-  
ragez, & de bestes venimeuses.

Venus, bonne mort, heritages, ri-  
chesses, longue vie, courte vie de la  
mere & des nourrices, & femmes  
plus

plus anciennes que luy.

Mercuré inimitiez des voisins, vaine esperance d'heritages, & mort de trop profondement penser aux affaires.

La Lune, heritages, richesses du costé des femmes, & longue vie. Si elle est infortunee, signifie courte vie, prisons, calomnies & faux témoignages contre luy, noies, proces, querelles, & vexation d'esprit, comme s'ils estoient lunatiques & transportez.

La teste du dragon heritages, richesses, honneurs, liberalité, prodigalité, bonne mort.

La queue, horrible mort, petit douaire, & nul bien appartenant à la signification de ceste maison.

En la neufiesme, Saturne, songes terribles, horribles visions, hypocrisie, superstition, ceremonies, prestres, moynes, & religieux : & mille ennuis

nuis par les chemins, mille troubles  
& empeschemens , perturbation  
d'esprit.

Iupiter donne foy, constance en sa  
religion, proufitables voyages , a-  
mour de vertu, crainte & amour de  
Dieu, & cognoissance de mysteres  
diuins, interpretations de songes, re-  
uelations, & proufit en l'estat eccle-  
siastique.

Mars, hors de ses principales di-  
gnitez, dangers par les chemins, infi-  
delité, impugnation de la foy, terri-  
bles opiniōs, & plus que heretiques,  
temerité, violence, impudence, hor-  
ribles songes & faux, dexterité aux  
armes, & vaillantise quand il est au-  
trement fortuné. Et sa maison ou e-  
xaltation fait l'homme fort terrible,  
necromancien, assez heureux en vo-  
yages & peregrinations, hazardeux,  
hardy, & de grand courage.

Le Soleil, benefices, abbayes,  
euef

eueschez, dignitez ecclesiastiques, Cardinaux, Papes, Legats, principalement en signe masculin: bone foy, constante religion, reuerence de choses sacrez, amour de Dieu & de vertu, songes veritables, proufitables voyages, honneur en la profession.

Venus, songes veritables, excepté en imaginations de femmes, dignitez ecclesiastiques constante religion, amour & reuerence de Dieu, longues peregrinations par tout le monde, proufitables voyages, honneur en la profession, & oste tout desir de se marier.

Mercuré, biens ecclesiastiques, haute cognoissance des mysteres diuins, admiration de la iustice & providence de Dieu, cogitations de Dieu, des anges, & des esprits: proufitables voyages, grande science en Theologie, Astrologie, & toute autre philosophie, interpretations de songes,

songes, oracles, & prodiges, proufit de traffiquer en lointain pays, bonne renommee.

La Lune, longues peregrinatiōs, peruerſes cogitations, inconstance de mœurs & de fortune, songes veritables, cognoiſſance des astres, quand la neuſieſme est maison de Mercure: ou d'autres choses correspondantes à la nature du seigneur de la neuſieſme.

La teste du dragon, songes vatidiques, honneur & proufit de faire voyages, biens ecclesiastiques.

La queue, faute de foy, songes terribles, voyages perilleux, & pleins de facheries, peu d'honneur en la profession.

En la dixieſme, Saturne hors de ses principales dignitez, signifie courte vie de la mere, beaucoup d'infortunes, regrets, plaintes, emprisonnemens. Si la dixieſme est du Lyon, &

aucun



aucun des luminaires est avecq' Saturne, il mourra en prison. Si Saturne est avec Iupiter es maisons de Iupiter, il sera condamné à tort. S'il est avecq' Mars dedans les maisons de Mars, il sera condamné selon le merite de son crime. S'il est avec Mercure, il prendra mort fort honteuse par faux tesmoings. S'il est avec Venus & Mars, il sera fouëtté, & gehenné, & condamné à mort. Saturne en sa maison ou exaltation en la dixiesme maison, promet dignitez, preeminences, dominations.

Iupiter signifie grand honneur de sa profession, dignitez ecclesiastiques, & bonne renommee.

Mars, hors de ses principales dignitez fait l'homme terrible, cruel, seditieux, querelleux, arrogant, dissipateur de ses biens, vsurpateur des biens d'autrui, hay de son pere & de sa mere, & de ses freres, & autres parens,

rens, qui souvent sera mis en prison,  
& recevra quelque punition de ius-  
tice. En sa maison ou exaltation le  
fait vaillant, hazardeux, hardi, & heu-  
reux en faits d'armes. Dedans les  
maisons de Jupiter, bien disposé, &  
regardé des fortunes, le fait presidēt,  
conseillier, iuge souverain.

Le Soleil, donne grand honneur,  
offices, dignitez, preeminences, do-  
minatiōs, gouvernemens, grād cre-  
dit, faueur de plusieurs grans sei-  
gneurs, estimatiō du populaire, hon-  
neur en sa professiō, avec richesses,  
& grās biens, principalement s'il est  
en signes ignees. Et si l'enfant est  
pauvre & de basse condition, il le  
esleue en grād honneur & dignitez.

Venus, honneur en sa profession,  
biens des princes & grāds seigneurs,  
grand credit, longue vie à la mere,  
avec prosperité & honneur.

Mercur, le fait chancelier, secre-

Q

## 210 IJGEMENS D'ASTROLOGIE

raire conseiller, president, mis en grande dignité, sçauant en arithmetique, geometrie, & astrologie: bien renommé, riche, & abondât en biens. S'il est infortuné par Mars, il viendra à mauuaise fin, pour auoir trop entrepris: ou pour auoir prins querelles contre plus grans que luy.

La Lune, signifie qu'il sera prisé & honnoré de grans seigneurs, & sera heureux en ses entreprinſes, & estimé de tout le monde.

La teste du dragon, ce que Iupiter.

La queue, fait receuoir quelque deshonneur, & perdre son estat, & tomber d'en haut: & denote courte vie à la mere.

En la onzième, Saturne hors de ses principales dignitez, signifie acointance & compagnie des gens viles, infames, & de basse condition: facheries & tristesse à cause des amis, vain espoir de paruenir à ce que l'on entre

entreprend , difficulté en tous affaires, pertes d'amis. S'il est en la maison ou exaltation, il donne amitié de gens saturnins , comme sont grans seigneurs anciens.

Iupiter, le fait heureux en tout ce qu'il entreprend , donne faueur de grans seigneurs, grand credit, abondance d'amis, grād auancement par le moyen des amis, grans biens , richesses, & beaux enfans, desquels le premier sera masse.

Mars en la maison ou exaltation, le fait amy de gens de guerre, & fortuné en fait d'armes : hors desdits lieux, signifie desespoir, malheureuses entreprinſes, perte d'amis, & inimities avec les amis, & qu'il sera peu loyal à ses seigneurs, & amis, dōt luy en prouiendra grand dommage.

Le Soleil, heureuses entreprinſes, biens & honneur & dignitez par les moyens des amis , qui seront gens

d'autorité & grans seigneurs.

Venus, donne bons amis qui seront gens honorables & d'autorité, & de bon vouloir, signifie bonne fortune, heureuses entreprinſes, & beaucoup d'enfans.

Mercuré, cognoiſſance & compaignie & amitié de gens de ſçauoir & de vertu, bonne renommee entre amis, heureuses entreprinſes.

La Lune, donne biens, richesses, honneur, bonne renommee, bons amis qui seront grans seigneurs, & heureuses entreprinſes.

La teſte du dragon, ce que Iupiter.

La queue, ce que Saturne & Mars.

En la douxiſme, Saturne hors de ſes principales dignitez le fait malheureux en cheuaux & autres grâs animaux, deſquels il tombera ou receura quelque dommage: & ſi ſignifie crainte de iuſtice, emprisonnemens, ou exil. En ſa maiſon ou exaltation,

tation, victoire contre les ennemis, bonne fortune en cheuaux, & animaux dediez à charges & labourages.

Iupiter hors de ses principales dignitez puissans ennemis, aduersaires gens d'autorité, prisons, exil, condamnation, pauureté. Bien dignifié, signifie le contraire.

Mars, cheutte de cheuaux, blessure ou autre grand dommage par bestes à quatre pieds, abondance d'ennemis, prisons, calumnies, & mille persecutions : & grans maux aux iambes & pieds.

Le Soleil, bonne fortune en cheuaux & semblables grans animaux : mais persecution des ennemis qui seront grâs seigneurs & fort puissâs : confiscation ou perte des biens, prisons exil, calūnies, faux tesmoings, faux rapports, amende honorable, priuatiō de son estat, peruers & traytres domestiques & seruiteurs.

O 3

## 214 IJGEMENS D'ASTROLOGIE

Venus, donne bon-heur en che-  
uaux, noïses & inimitiez pour fem-  
mes, mespris de son mariage, fache-  
ries, & mauuais renó à cause des fé-  
mes, principalemét d'icelles qui sôt  
d'infime cōditiō, impudique amour  
enuers fēmes infames, pour lesquel-  
les il entrera en prison, & souffrira  
quelque deshonneur. Si elle est au si-  
gne de Virgo, ou de Capricorne, ou  
d'Aquarius, iointe au Soleil, Satur-  
ne, ou à Mars, signifie qu'il sera en  
grand peril de mort pour aimer.

Mercure, donne grand scaoir,  
principalement en sciences qui ne  
luy porterót aucū proufit, fait l'hom-  
me philosophe, mathématicien, &  
versé en tout scaoir, vn peu folla-  
tre, & leger de son esprit, ayant plu-  
sieurs ennemis, adonné à ses volu-  
ptez, mal fortuné, & hay de gens de  
scaoir, qui sera calomnié & mis en  
prison. Si Mercure est bien disposé,  
il



il donne bonne fortune en cheuaux  
& autres grans animaux.

La Lune, donne beaucoup d'ennemis, qui de iour en iour croistront en nombre. Si elle est infortunee, signifie emprisonnemens, & exil. Si elle est bruslee, ou iointe à Saturne, ou à Mars, il faut iuger que l'enfant sera totalement miserable, de courte vie, qui recevra plusieurs maux des bestes equitables, & mourra de peste, ou sera tué, ou noyé. Si elle est fortunee, il eschappera de tous lesdits malheurs.

La teste du dragon, ce que Iupiter.

La queue, dommage par bestes equitables, & destruction & ruyne des ennemis.

Et generally quand vn planette est bien dignifié, ou autrement bien disposé, & regardé des fortunes dedans lesdites maisons, il signifie bon-heur en toutes significacions

desdites maisons: quand il est infortuné, il rend malheureuses lesdites significations.

*Des significations des seigneurs des maisons par tous lieux de la figure.*

CHAP. VIII.

**L**E seigneur de la premiere maison, dedans la premiere fortune, signifie longue vie, santé de corps, biens & richesses par ses propres moyens, honneur de ses parens. En la seconde, richesses. En la troisieme, voyages frequens, & concorde avec ses freres. En la quatrieme, heritages, edifices, biens immeubles: & denote qu'il sera grand edificateur, grand planteur de vignes & d'arbres, & se voudra mesler des mines d'or & d'argent & d'autres choses selon la nature dudit planette. En la cinquieme, donne beaucoup d'enfans, lesquels

quels il aimera grādemēt, & sera adonné à bāquets, ieux, dances, braueté, & à toutes voluptez & plaisirs, & aura beaucoup d'amis qui l'enrichirōt. En la sixiesme, marchād de menu bestail, abōdāt en seruiteurs, lesquels il enseignera, & rēdra diligēs: toutesfois il sera assez maladif. En la septiesme, querelleux, noisif, adonné à proces, ayāt cure des affaires de mariage, fortuné en tous ces actes. En la huitiesme, triste, craintif, de courte vie. En la neuuesme, interpreteur de songes, d'oracles, prodiges, & visios, adonné à cognoistre les mysteres diuins, & à peregriner & habiter en pays estranges. En la dixiesme, biés, richesses, dignitez, & hōneur du costé des Princes & grans seigneurs, bonne fortune en la profession. En l'onzieme, heuruses entreprinles, bons amis, compagnies honnorbles, prosperité, peu d'enfans. En la

O ;

218 JVGEMENS D'ASTROLOGIE  
douzième, mauuaises mœurs, per-  
uerse nature, grandes inimitiez, bon-  
ne fortune en bestes equitables. S'il  
est infortuné en la première, l'enfant  
ne viura gueres. Si en la seconde, il  
sera destruit & pauvre. Si en la tierce,  
il receura grâs maux par ses freres. Si  
en la quatrième, il sera malheureux  
en terres, heritages, labourages &  
possessions, & mourra en prison. En  
la cinquième, denote tristesses &  
tribulations à cause des enfans, &  
des legations & donations & souuēt  
fait mourir de trop boire, ou man-  
ger, ou de trop prendre ses plaisirs.  
En la sixième, signifie grandes ma-  
ladies, & piteuse mort. En la septième,  
mort à cause de sa femme par  
venin, s'il est au signe du Scorpion  
par feu, s'il est en signe ignee: par  
cheutte d'en-haut, s'il est en terrestre.  
En la huitième, courte vte, & dâger  
de mort à la mere à l'enfantemēt. En  
la

la neufiesme, peril d'estre tué des brigans par les chemins. En la dixiesme, prisons, gehennes, condamnation, & mort à cause des Princes. En l'onziemesme, mille facheries & ennuis, pour les amis. En la douziemesme, mort en prison.

Le seigneur de la secóde dedans la premiere maison, signifie qu'il gagnera beaucoup, & deviendra fort riche. En la seconde, qu'il aura des biens, & sera fort riche & auare. En la troisiemesme, perte à cause des freres, & proufit en petits voyages. En la quatriemesme, biens immeubles, heritages, augmentation du patrimoine. En la cinquiesme, proufit de toutes choses de plaisirs & de magnificence, enfans qui parviendront en honneur, & seront riches, donations. En la sixiesme proufit du costé des seruiteurs, & de nourriture de bestail. En la septiesme, biens

216 JVGEMENTS D'ASTROLOGIE  
 biens des femmes, & des proces. En  
 la huitiesme, grād doüaire, quelques  
 heritages, car autrement il dissipera  
 son bien. En la neufiesme, biens d'E-  
 glise, fortune en longues peregrina-  
 tions. En la dixiesme, proufit de  
 sa profession, biens du costé de grās  
 seigneurs, & d'offices & dignitez.  
 En l'onziemesme, biens, richesses &  
 henneur par le moyen des amis. En  
 la douziemesme, proufit en cheuaux &  
 autres grādes bestes: autrement per-  
 te, & iniustes moyens de gagner.  
 Le seigneur de la tierce maison  
 en la premiere, signifie qu'il sera pl'  
 riche & plus prisé que ses freres, &  
 qu'il fera plusieurs voyages ça & là.  
 En la seconde, qu'il aura proces  
 contre ses freres à cause des biens.  
 En la tierce, qu'il ira souuent ça &  
 là pour prendre ses plaisirs, & que  
 ses freres s'etretiendrōt avec luy. En  
 la quatriemesme, qu'il ira souuēt visiter  
 ses

ses terres & possessions , & ses freres le laisseront, & luy retiendront vne partie de ses freres seront braues, plaisâs, gracieux, & adonnez à voluptez, & s'accorderont avec ses enfans. En la sixiesme, qu'il aura propos d'iniures avec ses freres , & que ses freres ne luy quitteront vne parole. En la septiesme, proces contre ses freres, voyage pour se marier. En la huitiesme, courte vie aux freres, fuite à cause de peste, ou pour meurtre. En la neuuesme, peregrinatiôs des freres, & voyages pour gaigner les pardôs. En la dixiesme, voyages à cause de sa profession , & pour dignitez , & mort des freres. En l'onzieme, bonne amitié entre les freres , voyages pour rencontrer quelque fortune. En la douzieme, inimitiés des freres , voyages à cause de ses ennemis.

Le



Le seigneur de la quatriesme en la premiere maison, signifie qu'il sera plus homme de bien & d'honneur & plus riche que autre de sa race : & qu'il sera magnifique en ediffices & possessions, & bastira maisons, plantera vignes & arbres, & fera diligement cultiuier ses terres. En la seconde, bon trafiqueur en matiere de bleds, vins, huilles, & fruits de terre, cher vendeur, achetant à bon marché, acheteur & vendeur de terres & maisons. En la tierce, qu'il aura les biens & heritages de ses freres. En la quatriesme, qu'il sera grandemēt fortuné en biens de terre, en maisons, & labourages : & rencontrera quelque thresor. En la cinquiesme, richesses du pere, enfans en heritages heureux. En la sixiesme, signifie que le pere ne sera de grande estimatiō : **excepté en medecine, chirurgie, & gouuernemens de malades, & pour-**  
riture

riture de bestail. En la septiesme, heritages du costé des femmes, inimitiez entre le pere & l'efant, mesnagerie de la femme. En la huitiesme, que son pere sera de courte vie, heritages, mort hors du pays. En la neuviemesme, terres & possessions iointes à biens d'Eglise ou subiettes à gens d'Eglise, & que le pere est estranger. En la dixiesme, que le pere sera cogné de grans seigneurs, dōt en viendra grand proufit à l'enfant: ou qu'il aura seigneuries, terres, & possessions, par le moyen de grans seigneurs. En l'onziemesme, courte vie au pere, heritages par le moyen des amis. En la douziemesme, que le pere est estranger & de basse condition, & hayra son fils, & qu'il aura quelques biens immeubles de ses ennemis, non sans long proces, & grande difficulté.

Le seigneur de la cinquiesme en la

## 224 IJGEMENS D'ASTROLOGIE

la premiere, signifie festins, bāquets, dāces, voluptez , & beaux enfans. En la seconde, riches enfans, & ioye d'auoir gaigné. En la tierce, voyages pour prendre ses plaisirs. En la quatriesme , biens de ses parrains & ayeuls. En la cinquiesme festins, banquetts, braueté, ieux, dāces, plaisirs, & beaux enfans. En la sixiesme , tel moigne qu'il sera pacifique, & ne sera grandemēt adonné à ses plaisirs, fors que entre ses seruiteurs , & en nourriture de bestail. En la septiesme, que les enfans hayront le pere, & y aura proces entre eux , toutes fois il sera contiēt de la femme, & se resiouyra avec elle. En la huitiesme, ioye d'auoir eu quelque nouueau heritage, & courte vie aux enfans. En la neufiesme, ioye en peregrinatiōs, veus, sainteté, religiō, & bons enfā, qui craindrōt & aimerōt Dieu. En la dixiesme, plaisirs en honneur.

En

En l'onzième, plaisir entre ses amis, & plusieurs enfans. En la douzième, courte vie aux enfans, inimitiez entre le pere & les enfans, plaisir en chevaux.

Le Seigneur de la sixième en la première, signifie beaucoup de maladies de la nature dudit seigneur, & que ses seruiteurs & s<sup>on</sup> bestail mourront bien tost. Et la seconde, qu'il sera riche de nourriture de bestail. En la tierce, maladies en allant ça & là hors de la ville, & pauvre freres. En la quatrième, que son pere sera de fort basse condition. En la cinquième, maladies de trop prédre ses plaisirs, enfans qui seront de plus basse condition que le pere. En la sixième, santé, si le seigneur de l'ascendant ne le regarde: autrement maladies de prendre trop grande peine. En la septième, maladies à cause des femmes, de noies & proces, & noies

P

216 JUGEMENTS D'ASTROLOGIE  
 entre ses seruiteurs & luy. En la huitiesme, mort à cause des seruiteurs. En la neuuesme, maladies hors du païs, ou à cause des chemins. En la dieuesme, maladies de trop trauailler en sa profession, & de trop penser à l'honneur. En l'onziemesme, accointance des gens incongneuz, & maladie à cause des amis. En la douziemesme, maladies à cause des ennemis, & de prisons, & inimitiez de ses propres seruiteurs.  
 Le seigneur de la septiesme en la premiere, signifie gaings par traffiques, pacts, & accords, par exercice de medecine, par Astrologie, & qu'il sera bien aimé de sa femme, & aura des biens d'elle, mais sera querelleux & aura proces. En la seconde, courte vie de la femme, proces pour les biens d'elle, & richesse d'elle. En la tierce, noises & proces contre ses freres, & que les freres aimeront la femme.

femmes impudiquement. En la quatriesme, heritages du costé des femmes, proces contre ses parens. En la cinquieme, ieune fême, honneste & vertueuse, qui se fera aimer de son mary, & proces contre ses enfans. En la sixieme, proces à cause de son bestail ou des seruiteurs, mariage avec quelque fême veue, ou de basse condition, ou notee de quelque infamie propre ou de ses parés. En la septieme, proces à cause des fêmes, noises domestiques, proufit des femmes, & de pactiser, & cōmuniquer ses biens. En la huitieme, proces pour heritages, grans biens des femmes. En la neuuiesme, proces & accusations en matiere de la foy, mariage avec femme estrangere. En la dixieme proces pour offices & pour l'honneur, fême honorable, & dignité du costé des parens de sa fême. En l'onzieme proces cōtre les amis, ou à cause d'eux, &

## 228 JVGEMENS D'ASTROLOGIE

sera marié par ses amis. En la douzième, proces contre ses ennemis, mariage avec femmes de basse condition, qui ne l'aimeront gueres.

Le seigneur de la huitième, en la première, signifie qu'il sera iracunde, triste, fâché de ce qu'il ne peut parvenir au bout de ses entreprises, & ne sera de longue vie. En la seconde quelques heritages. En la troisième, mort des freres. En la quatrième, qu'il mourra en sa maison, & verra la mort de ses parens, & aura des heritages. En la cinquième, qu'il verra la mort de ses enfans. En la sixième, que sa famille mourra avant luy, & ne sera heureux en bestail. En la septième, qu'il verra la mort de sa femme, & aura des heritages du costé d'elle, tellement qu'il en deviendra fort riche. En la huitième, qu'il pensera souuent à mourir, & sera sain de son corps, & souuent fâché de son esprit,



esprit, & aura suffisant douaire de sa femme, & heritages & autres biens. En la neufiesme, qu'il sera de mauvais courage, & mourra hors de son pays. En la dixiesme, honorable mort:ou autrement par le moyen de grans seigneurs & de inges:ou à cause de son honneur. En l'onzieme, mort entre ses amis. En la douziesme, mort entre ses ennemis, ou à cause d'eux.

Le seigneur de la neufiesme, en la premiere, signifie qu'il sera prudent, religieux, vertueux theologien, amateur de gens d'Eglise, & fera plusieurs voyages. En la seconde, qu'il fera quelques voyages desquels il deviendra riche. En la tierce, qu'il espousera sa femme hors de son pais, ou la prendra estrangere, & fera quelques voyages à cause de ses freres. En la quatrieme, qu'il mourra hors de son pais, & peregrinera à cause de ses

c3

P 3

130 JUGE MENS D'ASTROLOGIE  
 parens. En la cinquiesme, qu'il aura  
 des enfans, hors de son pays, & fera  
 quelques voyages pour les enfans.  
 En la sixiesme, qu'il espoufera quel-  
 que chambriere, ou autre femme de  
 basse condition, & fera malade hors  
 de son pais, & pour les seruiteurs &  
 son bestail fera quelques voyages.  
 En la septiesme, voyages à cause des  
 proces, des femmes, & de leurs biés:  
 & signifie la femme estre deuotieu-  
 se, moderee, & de bonnes mœurs. En  
 la huitiesme, grand desir d'assembler  
 or & argent, voyages pour les biens  
 de la femme. En la neuuesme bon  
 entendement, amour de vertu, crain-  
 te de Dieu, cognoissance des myste-  
 res diuins, oracles, prodiges, songes  
 veritables, voyages pour deuotion.  
 En la dixiesme, voyages pour sa pro-  
 fession & pour l'honneur. En l'on-  
 ziesme, bons amis hors de son pais.  
 En la douziesme, mauvais coura-  
 ge.

ge, inimitiez hors du païs, voyages à cause des ennemis.

Le seigneur de la dixiesme en la premiere, signifie que par son industrie il paruiendra à grand honneur, & aura offices, dignitez, gouuernemens. En la seconde, honneur pour les richesses. En la troisieme, honneur par le moyen des freres, ou d'auoir fait quelques voyages. En la quatrieme, biens immeubles, magnifiques maisons. En la cinquiesme, honneur à cause de ses enfans. En la sixiesme, peu d'honneur, excepté de ses domestiques & seruiteurs, ou en gouuernemens de malades. En la septiesme, honorable mariage. En la huitiesme, biens des femmes, heritages, & peril de mort à la mere à l'heure de l'enfantement. En la neufiesme, dignitez ecclesiastiques, honneur en pays estranges, & estimation à cause de ses voyages. En la dixiesme,

dignitez, offices, & grand honneur par son moyen, & faueur des Princes. En l'onzième, prosperité, honneur, & faueur des amis. En la douzième, honneur de ses ennemis, & estimatiō de gens d'infime conditiō.


Le seigneur de l'onzième, en la première, signifie bonne fortune, heureuses entreprinſes, bon amis, & beaucoup d'enfans. En la seconde, biens & richesses par le moyē de ses amis. En la troisieme, amitié des freres, voyages pour les amis. En la quatrieme, bon heur en biens immeubles. En la cinquieme, abondance d'enfans, banquets, ioye, liesse & bōne fortune. En la sixieme, fortune en sa mesnagerie. En la septieme, mariage riche & fortuné, bonnes alliances, noises & proces contre ses amis: & tesmoigne que en sa ieunesse il sera paître, & en sa vieillesse riche. En la huitieme, heritages,  
mort

mort des amis. En la neufiesme, proufitables voyages, amis hors du pays, & bonne fortune en lieux estranges. En la dixiesme, biens & hōneur du costé de gēs d'autorité, dignitez en ieunesse. En l'onzieme, abondāce d'amis & d'enfans, grans biēs & hōneur, faueur de gens d'autorité, bonne renommee & prosperité. En la douziesme peu de amis, peu de biens, & inimitiez avec les amis.

Le seigneur de la douziesme en la premiere, signifie pauvreté au commencement, tristesse, lōg trauail, inimitiez, & grādes conspiratiōs de ses ennemis à l'encontre de luy. En la secōde, mauuaises mœurs, inimitiez des freres. En la quatriesme, noises proces à cause des heritages, & biēs immeubles, & discordāce avec son pere. En la cinquiesme, enfans rebelles au pere, & inimitiez entre

P 5

eux. En la sixiesme, noies courroux  
contre les domestiques. En la se-  
ptiesme, tesmoigne qu'il prendra  
femmes de basse condition qui ne  
l'aimeront gueres, & aura grandes  
peines & trauaux à cause d'elles, se-  
ra en grâde tristesse pour elles, & ses  
alliez conspireront contre luy, & ses  
ennemis luy emporteront vne par-  
tie de ses biens, & seront paure &  
miserable à la fin de ses iours. En la  
huitiesme, haynes, & trahisôs à cau-  
se des heritages, & biens des fem-  
mes, mort des ennemis. En la neu-  
fiesme, inimitiez de gens d'eglise,  
falscheries par les chemins. En la di-  
xiesme, inimitiez de grâs seigneurs,  
persecutions à cause de sa professiô  
& de ses offices & honneur. En l'on-  
ziesme, signifie que les amis se ren-  
dront ennemis, & aura grandes fals-  
cheries pour les amis. En la douxi-  
esme, qu'il aura plusieurs enuieux &  
enne-







DES JVGEMENTS A-  
STRONOMIQUES SVS LES  
natiuitez, contenant les  
directions & re-  
uolutions.

LIVRE III.

*Des directions.*

CHAP. I.

**L**'ART des Directions de si  
diligémēt traictee par Iean  
de Regiomonte qu'il n'y a  
plus lieu d'en faire autre propos: ex-  
cepté que avec l'aide de Dieu, nous  
auons proposé de traduire en Fran-  
çois ses problemes & documēs ap-  
partenans à ladite matiere. Tandis  
nous toucherons icy les principaux  
poincts. Diriger (ie vseray de ce ter-  
me

me comme plus vſité, & de longue main receu, cōbien qu'il ſemble eſtre vn peu mal propre) n'eſt autre choſe que attendre le récontre d'un lieu du ciel àvn autre cōſequemmēt enſuyuant, ſelon l'ordre naturel des ſignes, & ce, par le mouuement du premier mobile. Le lieu premier eſt nommé le Significateur, le ſecond le Prometteur: comme ſi l'aſcendāt eſtoit le vingtiēſme degré de Sagittarius, & Saturne fuſt au dixiēſme de Capricornus, l'on pourroit diriger l'aſcendant à Saturne: & l'aſcendant ſeroit ſignificateur de vie, & Saturne prometteur de mort ou de maladie, & alors iugeroit on dāger de mort. Il y a vne autre forme de directiō attribuee aux parties & planettes retrogrades, qui ſe fait ſuyuāt l'ordre naturel du premier mobile, au cōtraire de la conſequence des ſignes: de laquelle l'artifice eſt ſem-

238 JVGEMENTS D'ASTROLOGIE  
 semblable au premier, & n'y a au-  
 tre difference fors que ce que nous  
 auons appellé significateur est icy  
 prometteur, & le prometteur est icy  
 significateur. Le poinct meridional  
 de la dixiesme maison faut diriger  
 par les ascensions droites. Le poinct  
 de l'ascendant par les ascensions o-  
 bliques trouuees à la table de la la-  
 titude de vostre region. Les poincts  
 & estoilles qui seront entre le meri-  
 diē & l'horizon, par les ascensions  
 obliques souz le cercle auquel ils  
 seront, lequel l'on nomme cercle de  
 position, pour lequel trouuer, en-  
 semble pour auoir les ascensions de  
 chacun lieu ayant latitude ou non,  
 il faut suyure la methode ensuy-  
 uante.

Premierement, il faut prendre la  
 longitude des planettes, estoilles fi-  
 xes, & autres lieux que vous voudrez  
 diriger: c'est à sçauoir le signe, de-  
 gré,

gré, & minute qu'ils tiendront au zodiac: & ce aux Ephemerides, ou autres tables astronomiques, &c.

Secondement, il faut calculer leurs latitudes en degrez & minutes, couchées aux Ephemerides.

Tiercement, leur declination par le premier probleme du liure des directions de Jean de Regiomonte.

Puis, leurs ascensions droites, par le tiers probleme dudit liure.

Puis encores, leurs distances du cercle meridien par le dixneufiesme probleme.

Incontinent, les cercles de leurs positions, par le vingtiesme probleme.

Cósequemment, les differences ascensionales par la table expresse.

Et finalement, les ascensions obliques par le dixiesme canon, si lesdites estoilles sôt entre le poinct meridien de la dixiesme maison, & le poinct

240 JVGEMENTS D'ASTROLOGIE  
 poinct de la quatriefme: ou les des-  
 censions obliques par l'onzième  
 probleme, si elles sôt entre le poinct  
 de la quatriefme & de la dixiefme.  
 Ce fait, ostez le nôbre, des ascensîs  
 obliques du significateur, du nôbre  
 des ascensions obliques du promet-  
 teur, prinſes à la table du cercle de  
 la position du significateur: ou le cõ-  
 traire, si vous dirigez les parties, &  
 planettes retrogrades. Ce que reste-  
 ra de degrez & minutes tournez en  
 ans, mois, & iours: & par ce moyen  
 aurez exactement le temps du bien  
 & du mal que vous doit aduenir par  
 direction: entendant que vn degre  
 vaut icy vn an, cinq minutes vn  
 mois, vne minute six iours, & quel-  
 ques heures d'auantage. Qui se vou-  
 dra aider des secondes, il touchera  
 au but plus parfaitement.

Pour ſçauoir les maladies & dâ-  
 gers de mort, il faut diriger les cinq  
 lieux

lieux vitaux, que nous auons considéré cherchans le donneur de vie, aux estoilles fixes, de violéte nature, au point de la quatriesme, sixiesme, septiesme, huitiesme, à la queue du dragon, aux infortunes & leurs malings, aspects, aux parties de mort, & bien souuent au Soleil & à la teste du dragon. Semblablement, pour la mesme consideration faut diriger lesdits lieux pernicioeux aux cinq lieux vitaux. A ces rencontres l'on iuge l'homme estre en grand dâger de mort, quand les fortunes n'y iettent leurs fauorables rayons.

Pour les biens, hôneurs, dignitez, amitez, & autres considerations, il faut diriger les vns signifiicateurs des biens avec les autres, & les vns signifiicateurs d'hôneur avec les autres, &c. Desquels nous auôs fait mentio au premier liure, pourfuyuôs les particuliers iugemens des natiuitez.

Q

## CHAP. II.

**L**E separateur ou bourneur, est le planette qui a dignité de terme au degré auquel respond l'an multiplié avec les ascensions d'un significateur.

Pour trouuer le separateur de la vie, prenez les ascensions obliques de l'ascendant, adioustez à icelles le nombre des ans de vostre aage, & cherchez le tout à la table de la latitude de vostre region, & regardez auquel signe & degré respondra ledit nombre, car iusques à ce point sera venue la perfection de vostre vie : voyez apres qui est le planette qui a dignité de terme audit degré : car celuy sera le separateur de la vie, par mesmes moyen faut chercher les separateurs de l'honneur, des biens, des gains, des amis, & d'autres considéra



derations , sur les cercles de leurs positions. Lesquels conuient chercher suyuant la susdite methode des directions.

*Des seigneurs des triplicitez.*

CHAP. III.

**I**L faut aussi noter tous les seigneurs des triplicitez des lieux qui signifient bien ou mal, tât es significatiōs de vie, que des biens, honneurs, amis, mariages, peregrinations, &c. S'ils sont bien disposez en la reuolution, ils signifient bien, touchant la signification du lieu duquel ils sont seigneurs: s'ils sont infortunez, ils en signifient mal. C'est à sçauoir les seigneurs des triplicitez des lieux vitaux, signifient de la vie: des lieux de fortune, de richesses & profits: des lieux d'honneur, de l'honneur, bien ou mal, selon qu'ils

20201

2

244 JVGEMENS D'ASTROLOGIE  
ferôt fortunez ou infortunez à l'heu-  
re de la reuolution.

*Des reuolutions. CHAP. IIIII.*

**L**E Soleil retournant au mesmes  
point auquel il estoit à l'heure  
de la natiuité, fait la reuolutio cha-  
cun an. Qui vouldra donc sçauoir  
l'heure & minute de la reuolution,  
il faut qu'il cherche aux Ephemer-  
ides à quelle heure & minute le So-  
leil commence entrer au degré, mi-  
nute, & seconde, auquel, il estoit à  
l'heure de la natiuité. Si les Epheme-  
rides ne vous semblent suffisantes  
pour cest affaire, ayez recours à vne  
table à ce propos descripte par Pier-  
re Pitat au cōmencement des Ephem-  
erides par luy corrigees & augmé-  
tees. Hierosime Cardan vse d'une au-  
tre que ie trouue assez exacte: laquel-  
le il décrit en son liure de la resti-  
tution

LIVRE III 245  
tution des temps & mouuemens ce-  
lestes, au cinquiesme chapitre.

*Des iugemens sur les reuolutions.*

CHAP. V.

**P**Remierement, regardez cōment  
est disposé le separateur de vie  
en la figure de la reuolution. Car  
s'il est infortuné, il signifiera mala-  
dies & autres dangereux accidēs: s'il  
est fortuné, il le tiendra sain & io-  
yeux toute l'annee. Semblablement  
faut iuger des separateurs des biens,  
amis, dignitez, & autres effets. C'est  
à sçauoir qu'ils donneront bonne  
fortune esdites significations, s'ils  
sont bien disposez: ou perte & mau-  
uaise fortune, s'ils sont infortunez.

En secōd lieu, voyez si les seigneurs  
des triplicitez des lieux vitans sont  
bien disposez: & des lieux qui signi-  
fient richesses, honneurs, voyages.

Q.

**249 IJGEMENS D'ASTROLOGIE**  
freres, parens, femmes & enfans, en  
faites autant Car esdites significatiōs  
l'homme sera heureux ou malheu-  
reux, selon que lesdits seigneurs se-  
ront bien ou mal disposez. Et prin-  
cipalement faut considerer le sei-  
gneur qui dominera à vostre aage.  
Car le premier seigneur d'une tri-  
plicité, gouuerne le premier aage:  
le second, le milieu de la vie: le tiers:  
les derniers ans.

Tiercement, confidez qui est le  
planette qui a gouuernemēt sur l'an  
de vostre aage: ce que les Arabes ap-  
pellent Fridarie.

Quartement, le seigneur du signe  
auquel sera icelle annee venue la  
profection.

En cinquiesme lieu, le seigneur de  
la circulation: contant du seigneur  
de l'heure de la natiuité.

Puis, le seigneur de la circulatiō:  
contant du seigneur de l'ascendant  
de

de la natiuité.

Et si en l'ascendant de la natiuité est aucun planete, il en faut semblablement faire circulation.

Outre ce, il faut regarder si aucun planete retourne au mesme signe & maison, ausquels il estoit en la natiuité. Car alors il ameine l'effect qu'il auoit signifié en la natiuité, principalement quand il retourne au mesme signe. Il faut aussi auoir esgard aux aspects qui se font en la reuolution, s'ils sont semblables à ceux de la natiuité. Car ce seroit un renouvellement des effects desdits aspects.

Et ne faut oublier, les changemens des lieux. Car si un benin planete est en la reuolution au lieu auquel un malin estoit en la natiuité le mal signifié par ledit malin en la natiuité, sera prohibé ceste année par la preséce du benin. Au cōtraire, si un pla-

me

Q 4

nette promet quelque bien en la natiuité, & à son lieu est en la reuolution quelque infortune, ledit bien signifie en la natiuité sera en la reuolution amoindri, ou perdu, à cause de ladite infortune. Les infortunes aux lieux des infortunes, augmentēt le mal : les infortunes aux lieux des fortunes, augmentent le bien.

Pour iuger desdites consideratiōs, il faut auoir recours à ce que nous auons dit aux premiers deux liures des generales & particulieres significations des maisons, signes planettes, aspects, & particulieres situatiōs des planettes en signes & maisons. Ayans tousiours deuant les yeux la disposition des astres en la figure de la natiuité. Car si vn planette qui en la natiuité estoit grandemēt infortuné, est en la reuolution bien disposé, il ne pourra beaucoup proufiter, à cause de sa premiere infellicité.

Sem

Semblablement faut iuger de ceux qui seront fortunez és natiuitez. Lesquels es reuolutions infortunez, ne peuuent porter grand dommage.

Aucuns contemplent icy plusieurs autres choses : lesquelles par experience i'ay souuent trouué inutiles, faulses; & superflues.

*Des ans gouuernez par les planetes, nommez des Arabes Fridarie.*

CHAP. VI.

**Q**Vand la natiuité est diurne le Soleil gouuerne les premiers dix ans: Venus les huit ensuyuans: Mercure les treize apres: puis la Lune les neuf consequens: Saturne onze: Iupiter douze: Mars sept: la teste du dragon trois: la queue deux. Quand elle est nocturne il faut commencer à la Lune, laquelle gouuerne les

Q s



250 JVGEMENS D'ASTROLOGIE  
premiers neufs ans, puis Saturne, Ju-  
piter, Mars, le Soleil, Venus, Mercu-  
re, la teste du dragon, & la queue, les  
leurs par ordre, comme nous auons  
dit. Aucuns par grande curiosité ont  
adiouste compagnie des autres pla-  
nettes à chacun gouuernement. Ce  
que ie trouue auoir esté reprins par  
les Chaldees, à bõne raison. Car l'ex-  
perience a souuent demonstré & à  
moy & à plusieurs autres en la scien-  
ce bien experts, ceste subtilité estre  
trop curieuse, vaine, & superflue.

*Des profectiõs.*

CHAP. VII.

**P**Our les profectiõs il faut resoul-  
dre les douze maisons de vostre  
natiuité en parties égales sur l'ecliti-  
que : tellement que si l'ascendant est  
au premier degré d'un signe, la se-  
conde maison soit au premier degré  
du

du signe ensuyuant , & la tierce au premier degré du tiers; signe: & pour conclure, que chacune maison commence par le premier degré comme la première maison. Par ainsi chacune maison contiendra trente degrez: & les premiers trente degrez de la première maison appartiendront au premier an que l'enfant sera né: les trente de la seconde, au second an: les trente de la troisième, au troisième an: & ainsi cōsequemmet iusques à douze. Douze ans passez, il faut recommencer à la première, puis venir à la seconde, troisième, quatrième, &c. Et de douze en douze ans faut renouveler ledit circuit. Si vous trouuez en la reuolutiō aucū planette dedans les trente degrez seruans à vostre année, il signifiera quelque bien ou mal selon sa nature, & bōne ou mauuaise disposition, & signification du lieu duquel sera ladite profection:

Cest

Cest à sçauoir des lieux de vie, maladie ou mort ou bonne santé: des lieux des biens, richesses, perte, ou pauureté, &c. Communement l'on cherche la profection de cinq lieux d'une natiuité: cest à sçauoir du lieu du Soleil, pour l'honneur: du lieu de la Lune, pour les qualitez de l'ame enuers le corps & biens externes: du lieu de la partie de fortune, pour le gain & proufit: de la dixiesme maison, pour les actions: de l'ascendant pour la vie. Si le Soleil est donneur de vie, il le faudra considerer comme donneur de vie, & significateur d'honneur ensemble. Ce que faut faire aussi des autres lieux, quand ils emportent plusieurs significations. Si doncques vous trouuez aucun planete dedans les trente degrez de vostre profection, & voulez sçauoir quel mois & quel iour aduiendra l'accident par luy signifié, regardez com-

bien

bien de distance y a entre le premier point de vostre profection, & ledit planette. S'il y a quinze degrez entre deux, ledit accidēt aduendra au bout de six mois: s'il y a vingt & cinq degrez, au bout de dix mois. Car icy deux degrez & demy valēt vn mois: vn degre vaut douze iours & quatre heures: trēte minutes valēt six iours: cinq minutes vn iour. De cecy il y a vne table assez exacte entre les documēts de Pierre Pitat sur les Ephemerides. Exemple des profections. Supposez que l'ascendant d'une natiuité fut le quinziēme degre de Scorpius. Je veux sçauoir ou tōbe la profection de l'ascendant le dixiēme au cōplet de l'aage dudit enfant: ie conte dix signes depuis l'ascēdant, apres lesquels ie trouue le quinziēme degre de Virgo, seruant apres dix ans cōplets, au onziēme courant. Je dis donc que audit temps la profection de l'ascendant

254 JVGEMENTS D'ASTROLOGIE  
dant est venuë au quinzième degré  
de Virgo , & finira celle année au  
quinzième degré de Libra : & ainsi  
contiendra trente degrés entiers, de-  
dans lesquels si aucun planete est  
trouué, il signifiera bien ou mal de la  
vie , selon sa nature & disposition,  
comme si audit temps Mars estoit au  
cinquième degré de Libra, ie dirois  
que l'enfant seroit fort fâché ceste  
année, sur la fin des huit mois, pour-  
ce que Mars seroit au lieu profectio-  
nal de vie, distant du premier poinct  
de vingt degrés. Nous auons demō-  
stré parauant comment deux degrés  
& demy valent vn mois, cinq degrés  
deux mois , quinze degrés six mois,  
& par consequent vingt degrés huit  
mois. Il faut noter que les profectiōs  
se doyuēt accommoder aux ans cou-  
rans, & non complets. Cest à sçauoir  
le dixième signe est pour incontinēt  
après neuf ans complets , qu'est le  
dixième

dixiesme an courant, &c.

*Le seigneur de la circulation, depuis le  
seigneur de l'heure de la natiuité.*

CHAP. VII.

**L**Es Babyloniens tenoiēt pour vn grand secret la circulation du seigneur de l'heure de la natiuité. Cest à sçauoir, ils disoient que le seigneur de ladite heure signifioit de la vie comme l'ascendāt: & le seigneur de l'heure ensuyuante, des biens, cōme la seconde maison: & le seigneur de la troisieme heure, des freres, cōme la troisieme maison: & ainsi consequemment des autres. Aux reuolutions ils donnoient le seigneur de l'heure de la natiuité au premier an, le planette ensuyuant au second an, & ainsi consequēment suyans l'ordre naturel des planettes. Comme si quelqu'un estoit né à l'heure de

Venus,

256 JVGEMENTS D'ASTROLOGIE  
 Venus, ce planette domineroit le  
 premier an, le second au Mercure, le  
 tiers la Lune, le quatriesme Saturne,  
 le cinquiesme Iupiter, le sixiesme  
 Mars, le septiesme le Soleil, le hui-  
 tiesme Venus, le neufiesme Mercu-  
 re, & ainsi par ordre. Et faut noter  
 que nous prenons icy les ans cou-  
 rans & non les cōplets, pour accōmo-  
 der ladite circulation des planettes.

*De la circulation du seigneur de l'ascen-  
 dant, & des planettes qui sont en  
 l'ascendant.*

#### CHAP. IX.

**L**A circulation du seigneur de  
 l'ascendant & des planettes &  
 parties qui sont en l'ascendant se fait  
 tout ainsi que nous auons dit du  
 seigneur de l'heure d'une natiuité  
 & par mesme ordre se doit ac-  
 commodier aux ans de l'age de l'en-  
 fant.



LIVRE II. CHAP. II.  
fant. Du iugement nous auons fait  
mention au propos des reuolutions.  
*Des eclipses, & grandes conionctions ap-  
partenant aux reuolutions des  
natiuités.*

CHAP. IX.

**L**es eclipses du Soleil & conion-  
ctions des superieurs planettes  
causent communement beaucoup  
de maux, selon la concurrence des  
Astres & natures des signes & pla-  
nettes dominans ausdits lieux. Aux  
hommes causent maladies, quand se  
font aux cinq prochains degrez de  
l'ascendant, ou du donneur de vie.  
S'ils touchent les autres parties, pla-  
nettes ou maisons, ils produiront  
quelque malheur appartenant à la si-  
gnification desdits lieux: principale-  
ment si au temps de la natiuité quel-  
que telle constellation estoit en vi-

sup

R

25 JVGEMENTS D'ASTROLOGIE  
gneur. S'ils touchent les lieux profes-  
tionaux, ils feront quasi les mesmes  
effects, comme aux natiuitez.

Des particuliers rencontres de roye

L'année.

CHAP. XI.

Pour les particuliers rencontres  
de toute l'année, Ptolomee, Jean  
de Regiomonte, Gaunier, & plu-  
sieurs autres se valent fort sur les  
professions, mesures, & diurnes  
desquelles il y a une table expresse au  
liure des directions, de Jean de Re-  
giomonte, ayant plus de curieuse so-  
licité que de verité, comme souvent  
j'ay trouué par experience. Mieux  
me reuient la fantasia de Schoner,  
qui chacun iour considère si aucun  
planete touche les lieux des planete-  
tes, parties & maisons de la natiuite,  
ou leurs bons ou mauvais aspect. Ce  
que

que ie applique aussi aux lieux pro-  
 fection aux. Exemple. Soit l'ascendā-  
 d'une natiuité, ou le lieu de sa profes-  
 sion, le douzième degré de Libra, &  
 le Soleil soit au quinzième de Ge-  
 mini, Mars au cinquième du Lyon.  
 Toutes & quantes fois que le Soleil  
 ou la Lune passera par dessus le cin-  
 quième degré du Lyon, d'homme  
 sera esmeu d'accidens martiaux, cō-  
 me de courroux, de quelque altera-  
 tion, douleur de teste, fiebres, apo-  
 stumes chaudes, feux volages, &c.  
 Semblablement quand touchera le  
 cinquième degré de Scorpion, ou de  
 Taurus, là où sāt les quadrats aspects  
 dudit lieu de Mars, ou le cinquième  
 de Aquarius, qui est le lieu opposite  
 à Mars. Si aucun planete touche le  
 cinquième degré de libra, ou de Ge-  
 mini (là où sont les sextiles aspects)  
 ou le cinquième de Sagittarius &  
 d'Arès (qui sont les trines aspects)

260 IJGEMENS D'ASTROLOGIE  
 dudit Mars ) il signifiera quelque fa-  
 uorable rencontre de capitaines , &  
 de gens de guerre. Si les infortunes  
 touchent le fufdit douziefme degré  
 de Libra que nous auons mis en l'af-  
 cendant , ce fera figne de quelque  
 mauuais rencontre quant à la vie, &  
 à la fanté du corps.

Semblablement faut iuger des au-  
 tres attouchemens , felon la nature  
 des afpects , par nous expliquée au  
 fecond liure. Je contemple auffi les  
 lieux profectiionaux autrement. Car  
 i'applique chacun degré & minute  
 aux iours aufquels tombe leur figni-  
 fication, & regarde les bons & mau-  
 uais afpects des planettes. chacun  
 iour , s'il touchent le degré profe-  
 ctional. Exemple. De ladite natiuité,  
 en laquelle eftoit afcendant Libra,  
 fupposez que la profectiion fut ve-  
 nuë au douziefme degré de Cancer,  
 au neufiefme an complet, & dixief-  
 me

me courant. Le treiziesme degré de Cancer sert au douziesme iour apres le propre iour de la reuolution. Parquoy ie considere alors les aspects des planettes enuers ledit treiziesme degré. Semblablement fais ie des autres degrez & minutes accommodez aux iours ausquels ils dominant. Et ce quant aux reuolutions.

\* \*

## TABLE

## TABLE DES MATIÈRES.

LES CONTIENNES EN

ce present traicte.

**D**E la figure celeste d'une natiuité. Chap. j.  
fol. 6.

De la verification de l'heure de la natiuité. .ij. 9

La maniere de dresser parfaitement ladicte fi-  
gure verifiee. .iiij. 16

Des parties des natiuités. .iiij. 18

Des latitudes & aspects des planettes. v. 28

Des fortunes & infortunes des planettes, &  
parties du ciel. .viij. 30

Si l'enfant viura, ou non. .viij. 39

Du donneur de vie, nommé des Arabes. Hyleg.  
.viij. 42

Du donneur des ans, dit des Arabes Alcoden.  
ix. 46

De ceux qui augmentent, & diminuent le  
nombre de dits ans. .x. 52

Du seigneur de la natiuité. .xj. 56

De l'entendement & mœurs de l'homme. .xij. 67

Des richesses & pauverez. .xij. 67

Duquel endroit viendront les richesses, & pau-  
verez. .xiiij. 72

Du

T. A. B. L. A. E. T.	
Des temps que les richesses & dommages vien-	xv. 78
Des fructs, & de la mer.	xvi. 81
Des heritages & de la terre.	xvii. 83
Des enfans.	xviii. 87
Des seruiteurs.	xix. 90
Des maladies.	xx. 94
De mariage.	xxi. 96
De docteur, & autres biens du costé de ma-	xxii. 100
riage.	xxiii. 101
De la mort.	xxiv. 104
Des voyages par terre & par mer.	xxv. 108
De la constance en la religion.	xxvi. 111
De l'action & profession.	xxvii. 113
Des dignitez, offices, & honneurs.	xxviii. 116
Des compagnies & amis.	xxix. 119
Des procès & ennemis.	xxx. 122
Des emprisonnemens & captivitez.	xxxi. 124
Des cheuaux, moutons, brebis, & autres ani-	xxxii. 126
maux.	
FIN DU SECOND LIVRE.	
Des significations des planetes.	Chap. i. 128
Des significations des douze signes.	Chap. ii. 140
De ce que signifient les planetes & les signes.	Chap. iii. 151
Des aspects des planetes entre eux.	Chap. iiii. 160
Des significations des douze maisons.	Chap. v. 179
LE	



## T A B L E.

Des seigneurs des triplicités desdites maisons	vj.	183
De ce que signifient les planettes dedans les douze maisons.	vij.	187
Des significations des seigneurs des maisons par tous lieux de la figure.	viii.	216
DV TIERS LIVRE.		
Des directions.	Chap. j.	236
Du séparateur, ou bournour, dit des Arabes Algebutbar.	ij.	242
Des seigneurs des triplicités.	iii.	243
Des revolutions.	iiii.	244
Des iugemens sur les revolutions.	v.	245
Des ans gouvernez par les planettes, nommez des Arabes Fridarie.	vj.	249
Des profectiōs.	vij.	250
Le seigneur de la circulation, depuis le seigneur de l'heure de la nativité.	viii.	255
De la circulation du seigneur de l'ascendant, & des planettes qui sont en l'ascendant.	ix.	256.
Des eclipses, & grandes conuēctions appartenantes aux revolutions des nativités.	x.	257
Des particuliers rencontres de toute l'année.	xj.	258

Fin de la Table.

LES

# LES CARRACTERES

& noms des douze Signes.

- ♈ Aries, Le Mouton, ou Belier.  
 ♉ Taurus, le Taureau.  
 ♊ Gemini, les Jumeaux, ou Bessés.  
 ♋ Cancer, le Cæcre, ou l'Escrueice.  
 ♌ Leo, le Lyon.  
 ♍ Virgo, la Vierge, ou la Pucelle.  
 ♎ Libra la Balance.  
 ♏ Scorpius, le Scorpion.  
 ♐ Sagittarius, le Sagitaire, ou l'Archerot.  
 ♑ Capricornus, le Capricorne, ou Cheurecorne.  
 ♒ Aquarius, le Verseau.  
 ♓ Pisces, les Poissons.



# LES LIEUX QUI SONT sous la domination des douze Signes.

**F**rance, Allemagne,  
Angleterre, Bre-  
tagne, Marseille, Capoue,  
Ferrare, Vincene, Ve-  
ronne, Paue, Florence, Naples, Fa-  
uence, Imole, Cracouie, Iudée, Idu-  
mée, Sarragoc, Syrie: & le troisi-  
me climat gouverné par Mars, qui  
est Sarmatie, Gothie, Cracouie,  
Gothie.



**S**ville, Lorraine,  
Campanie, Bou-  
longne, Siene, Man-  
touë, Carente, Par-  
me, Capouë, Panor-  
me,

me, Salerne, Veronne, Rhetie, Raf-  
sie, Polongne la basse Franconie, Hy-  
bernie, Arie mineur, Perse, Cypre,  
les Cyclades, les Parthes, & les Me-  
des: & le sixiesme climat gouverné  
par Mercure, qui est Egypte, Grece,  
Angleterre, Flandres, Sileste, Paris.

*Sous Gemini.*

 Paris, Londres, Bru-  
ges, Louvain, Maye-  
ce, Cordube, Nurem-  
berg, Versel, Vterbe,  
Flandres, Brabant, An-  
gleterre, Lombardie, Sardaigne, la  
Duché de Vvitemberg, Armenie, E-  
gypte, la basse Hytanaïque, Marmar-  
ique, Mantiane.

*Sous Cancer.*

 France, Holande,  
Zelande, Escosse,  
la Comté de Bour-  
gogne, Venise, Mi-  
lan, Genes, Luques,  
Pise,

Pise, Treues, Magdebourg, Berne,  
Grenade, Lubes, Afrique mineur,  
Carthage, Phrygie, Bithinie, Thu-  
nis, Prussie, Numidie, Constantino-  
ple.

*Sous Leo.*



**F**Rance, Italie, A-  
pulie, Sicile, Ro-  
me, Rauene, Prague,  
Vlme, Mâtouë, Cre-  
mone, Syracuse, Co-  
fluence, les Ales, Boheme, Chaldee,  
Phenycie.

*Sous Virgo.*



**P**aris, Lyon, Tolose,  
Basse, Pauie, Ferrare,  
Beneuente, Taranne,  
Croacie, partiedu Rhin,  
Nouare, Hildeberg, Pru-  
suk, Corinthe, Ierusalem, Alexan-  
drie majeur, Rhodes, Athenes, Mo-  
sopotamie, Cilicie, Assyrie, Crette,  
Achaie, la Grece, Croatie.

*Sous*

*Sous Libra.*

**D**auphiné, Sauoye,  
Argenton, Plaisan-  
ce, Viéne en Autriche,  
Spire, Lisbonne, Auf-  
bourg, Franc-fort, Frisingue, Ga-  
yette, Autric, Tuscie, Culpie, The-  
bes, Bactriane, Liuonie, Casperie, Se-  
rique, Ethiopie.

*Sous Scorpins.*

**V**ienne en Dauphi-  
né, Padoué, Vr-  
bin, Catalongne, Baue-  
res, Brixie, Saxe, Valen-  
ce en Espagne, Syrie, Trapezonde,  
Capadoce, Nouergue, Surie, Lypsie,  
Getulie, Mauritanie.

*Sous Sagittarius.*

**L**a Gaule Narbo-  
noise, Auignon,  
Bude, Toledé, Craco-  
uie, Portugal, Tuscie,  
Espagne, Sclauonie, Hôgnie, Silicie,

Vol

Volterre, Mucine, Dalmatie, Ligu-  
 nie, Cologne, Moranie, Arabie heu-  
 reuse.

*Sous Capricornus.*  
 **M**alignes en Bra-  
 bant, Gand, Co-  
 stance, Ausbourg,  
 Brandebourg, Saxe,  
 Hessen, Turinge, Vl-

mes, les Isles Orcades, Lituanie, Bul-  
 garie, Albanie, Ancone, Tortonne,  
 Fauence, Macedone, Thrace, Gedro-  
 cie, Indes, Grece, Illyrie contenant  
 Liburnie, & Dalmatie, dõt à present  
 vne partie s'appelle Sclavonie.

*Sous Aquarius.*  
 **P**iedmont, Morferrat,  
 Pifaire, Danemark,  
 Hambourg, Salsbourg,  
 Ingolftad, Suevie, Nest-  
 phalie, Malachie, Baviere, Moscouie,  
 Russie, Tartarie, Sarmatie, Oxiane,  
 Arabie, Ethiopie.

le V

Sous



*Sous Pisces.*



**R**ouen, Compostel-  
le, Ratisbonne, Ca-  
labre, Normandie, Pam-  
philie, Lycie, Garaman-  
tie, Cilicie, Lydie qu'on nommoit  
iadis Mæonie, où estoient les fleuves  
Hermes, & Pactolus, tant celebrez  
des Poëtes.

**F I N.**